

LABAARI GEA NGE MƐ LUKU U YORUA

Luku, wi u tire te yorua, u sãawa Gεɛki. U yēru mɔ, u sãawa dokotoro, Kol 4:14. Teofiruwa u tire te yorua. Teofiru wi, u n̄ maa sãa Yuu. Yen sōna ye u Yesun bwese tōkan gari mɔ, u girariwa sere Adamun mi, wi u sãa tōmbu kpuron baaba. Luku u kī u sōsiwa ma Yesu u sãawa tōmbu kpuron Faaba kowo, n n̄ mɔ Yuuba tōnagii. U maa sōsi ma Yesu u tōmbu kpuro kī, bwēɛbwēɛbu ka damgibu ka sãarobu ka gobigibu ka kurɔbu ka durɔbu ka bibu.

Tire ten gari mero ya wãawa ten wiru 19:10 sɔɔ ye ya nεε, Tōnun Bii u nawa u ka kasu be ba kōɔra u bu faaba ko.

Tire ten kpunaa

1. Yohanu Batemu kowo ka Yesun marubu ka Yesun biru, wiru 1n di sere wiru 2.
2. Yohanu Batemu kowon waasu ka Yesun kɔkiribu, wiru 3n di sere wiru 4:13.
3. Yesun sɔmburu Galileɔ, wiru 4:14n di sere wiru 9:50.
4. Yesu u wãa Yerusalemun swaaɔ, wiru 9:51n di sere wiru 19:28.
5. Yesun sōsi dāakinu batuma sɔɔ, wiru 19:29n di sere wiru 21:37.
6. Yesun sanam dāakim handunia sɔɔ, wiru 22n di sere wiru 24.

Nge mε ba kua

ba ka tire te yorua

¹⁻⁴ Teofiru, bεεε bakagii, n man wēre n nun tireru yorua n nun sō dee dee ye n koorɔ bεsɛn

suunu sɔɔ. Be ba ye wa toren di ba kua yen labaarin sɔm kowobu ma ba sun ye sɔɔwa. Dabiru be ba ye nua ba kookari kua bu ka ye yore dee dee. Nen tii na gari yi kpuro wɛɛra yin toren di. N maa man wɛɛre n nun ye yorua a n ka yen gem yɛ ye ba nun sɔɔsi.

Gusunɔn ɔrado u Yohanu Batemu kowon marubun gari nɔɔsia

⁵ To, Herodu Yudean tem yɛron waati, yāku kowo goo wāa yāku kowobun wuuru sɔɔ te ba mɛ Abia, win yīsira Sakari. Win kurɔ maa sāawa Aronin bweseru, win yīsira Elisabeti. ⁶ Be yiru kpuro geegiba Gusunɔn wuswaaɔ. Ba sīimɔ Yinni Gusunɔn wooda ka win sɔɔsibu kpuro sɔɔ dee dee. ⁷ Adama ba n bii mɔ yɛn sɔ Elisabeti sāa wīro, be yiru kpuro ba maa tɔkɔnu kua.

⁸ N wee sanam mɛ n ben wuuru girari, Sakari win yāku kobun sɔmburu mɛ Gusunɔn wuswaaɔ. ⁹ Ma tubu tubu ya nùn mwa nge mɛ yāku kowobun komaru, u ka du Yinni Gusunɔn sāa yerɔ u turare dɔɔ doke. ¹⁰ Tɔn wɔru kpuro ga kanaru mɛ tɔwɔ sanam mɛ u turare dɔɔ dokemɔ. ¹¹ Ma Yinnin ɔrado u nùn kure u yɔ mi ba ra turare dɔɔ doken nɔm geuɔ. ¹² Ye Sakari u nùn wa, u wom torura ma bɛrum nùn mwa. ¹³ Ma ɔrado wi, u nùn sɔɔwa u nɛɛ, a ku bɛrum ko Sakari, domi ba wunen kanaru mwa. Wunen kurɔ Elisabeti u koo nun bii tɔn durɔ marua, kpa a nùn yīsiru kɛ Yohanu. ¹⁴ Kaa nuku doo bakabu wa, tɔn dabira koo maa yɛɛri win marubun sɔ. ¹⁵ Domi u koo ko tɔn boko Yinni Gusunɔn wuswaaɔ. U n tam nɔrumɔ. U ko n maa Hunde Dɛero yiba win mɛron nukurun di. ¹⁶ U koo de Isireliba dabiru bu wura Gusunɔ ben Yinnin

mi gia. ¹⁷ U koo nùn swaa gbiiya kpa u n sãa nge Gusunən sãmə Eli, u n dam mə u ka baababa ka ben bibu dorasia, kpa u maa ka mem nɔɔ sariba wura geegibun swaa sɔɔ, kpa u maa tɔmbun gɔrusu sɔɔru koosia mam mam Yinnin sɔ.

¹⁸ Sakari u gɔrado wi bikia u nɛɛ, amɔna ko na n ka yɛ ma gari yi gema. Domi nɛ durɔ tɔkɔra, nɛn kurɔn tii maa tɔkɔru kua.

¹⁹ Ma gɔrado wi, u nùn wisa u nɛɛ, nɛna Gabiriɛ, nɛ wi na ra n yɔ Gusunən wuswaaɔ. Ba man gɔrimawa n ka nun gari ko kpa n ka nun labaari gea ye nɔɔsia. ²⁰ Adama a n nɛn gari naane doke yi yi koo koora yin saa sɔɔ. Yen sɔna, a n maa kpɛ a gari gere sere dɔma te yabu ye, ya koora.

²¹ Tɔmba Sakari mara, ma biti ya bu mwa ye u ka tɛ mɛ sãa yerɔ. ²² Ye u yara, u n kpia u ka bu gari kue, ma ba gia ma u kāsiru wawa sãa yeru mi. U ka bu nɔma gari sɔɔmɔ, u n nɔɔ wukie.

²³ Ye win yaku kowo sɔmbura kpa, u sãa win yɛnuɔ. ²⁴ Yen biru win kurɔ Elisabeti u gura sua, ma u tii berua suru nɔɔbu. U nɛɛ, ²⁵ n wee ye Yinni Gusunɔ u man kua. U ka man nɔnu geu mɛɛra u man sekuru yara tɔmbun wuswaaɔ.

Wɔllun gɔrado

u Yesun marubun gari nɔɔsia

²⁶⁻²⁷ Elisabetin guran suru nɔɔba tiase, Gusunɔ u win gɔrado Gabiriɛ gɔra Nasaretio, Galilen tem sɔɔ wɔndia goon mi, wi u kun durɔ yɛ. Wɔndia win durɔ kɛero Yosefu u sãawa Dafidi sina bokon bweseru. Wɔndia win tiin yisira Maari. ²⁸ Gɔrado wi, u da win mi ma u nùn sɔɔwa u nɛɛ, na nun

tɔbura, Gusunɔ u nun durom kua, u maa wɔa ka wunɛ.

²⁹ Maarin laakari ya burisina ka gari yi, ma u tii bikia u nɛɛ, tɔbiri teren bwesera mini. ³⁰ Gɔrado u nɔn sɔɔwa u nɛɛ, a ku bɛrum ko Maari domi Gusunɔ u nun durom kua. ³¹ Wee kaa gura sua a bii tɔn durɔ ma kpa a nɔn yɔsiru kɛ Yesu. ³² U koo ko tɔn boko. Ba ko n da nɔn soku Wɔrukoon Bii. Yinni Gusunɔ u koo nɔn win sikado Dafidin bandu wɛ. ³³ U ko n bandu dii Yakɔbun yɛnuɔ sere ka baadommaɔ. Win bandu ta n ko n nɔru mɔ.

³⁴ Ma Maari u gɔrado bikia u nɛɛ, amɔna yeni ya koo ka koora domi na n durɔ yɛ.

³⁵ Gɔrado u nɔn wisa u nɛɛ, Hunde Dɛero u koo nun deema, kpa Wɔrukoon dam mu nun wukiri. Yen sɔna ba koo bii dɛero wi kaa ma mi soku Gusunɔn Bii. ³⁶ Wee wunɛn mɛro bisi Elisabeti wi ba raa sokumɔ wɔro, win tii u bii tɔn durɔn gura mɔ win tɔkɔru sɔɔ. U wɔa win suru nɔɔba tiase sɔɔ tɛ. ³⁷ Domi gɔanu sari ni Gusunɔ kpanɛ.

³⁸ Maari nɛɛ, nɛna Yinnin yoo. N man kuo nge mɛ a gerua. Ma gɔrado wi, u doona.

Maari u Elisabeti beram da

³⁹ Sɔɔ mɛɛ te sɔɔ, Maari u seewa kpaaka u da Yudean wuu gagu sɔɔ ge ga wɔa guunun bera gia. ⁴⁰ U dua Sakarin yɛnuɔ ma u Elisabeti tɔbura. ⁴¹ Ye Elisabeti u Maarin tɔbiribu nua, yera bii wi u wɔa win nukurɔ u diira ma Elisabeti u Hunde Dɛero yiba. ⁴² Ma u gbɔra u nɛɛ, domarugiiwa wunɛ tɔn kurɔbu sɔɔ, domarugiiwa maa bii wi kaa ma. ⁴³ Wara ra n nɛ, nɛn Yinnin mɛro u ka man beram na. ⁴⁴ Domi wee, ye wunɛn tɔbiribun nɔɔ ga nɛn swaa wɔri, bii wi u wɔa nɛn nukurɔ u diira ka nuku

dobu. ⁴⁵ Doo nɔɔrugiiwa wunɛ ye a ka naanɛ doke ma ye kpuro ya koo koorɔ ye Gusunɔ u nun sɔɔwa.

Maarin womu

⁴⁶ Maari u womu kua u nɛɛ,
nɛn gɔru ga Yinni saabu mɔ.

⁴⁷ Nɛn hunde yɛrimɔ Gusunɔ nɛn Faaba kowon sɔ,

⁴⁸ yɛn sɔ u ka man nɔnu geu mɛɛra, nɛ wi na sɔa win
yoo bwɛɛbwɛɛ.

Wee, saa tɛn di saa baayeren tɔmbu ba koo man
soku doo nɔɔrugii

⁴⁹ yɛn sɔ Gusunɔ dam kpurogii u man gɔa bakanu
kua.

Win yɛsira Dɛero.

⁵⁰ U ra be ba nɔn nasie durom kue saa baayere.

⁵¹ U win dam sɔɔsi,
ma u be ba tii suabun bwisikunu mɔ yarinasia.

⁵² U sinambu bandu yara.

Ma u bwɛɛbwɛɛbu wɔlle sua.

⁵³ U gɔɔrobu debia ka gɔa geenu.

Ma u gobigibu gira nɔm dira.

⁵⁴ U win sɔmɔ Isireli somi

yɛn sɔ u win durom yaaya

⁵⁵ mɛ u Aburhamu ka win bibu kuammɛ sere ka
baadomma

nge mɛ u bɛsɛn baababa nɔɔ mwɛɛru kua.

⁵⁶ Maari u ka Elisabeti sina nge suru ita, yen biru
u gɔsira win kpaarɔ.

Yohanu Batemu kowon marubu

⁵⁷ Elisabetin marubun sanam yiba, ma u bii tɔn
durɔ mara. ⁵⁸ Win berusebu ka win dusibu ba nua
ma Yinni u nɔn durom bakam kua, ma ba ka nɔn
nuku dobu mɔ sannu. ⁵⁹ Ma n kua sɔɔ nɔɔba itase
ba mɛnna bu ka bii wi bango ko, ma ba kɛ bu nɔn

yĩsiru kě Sakari nge win tundon yĩsiru. ⁶⁰ Adama win mero u gerua u nɛɛ, aawo, Yohanuwa ba koo nùn soku.

⁶¹ Ma ba nɛɛ, wunen bweseru sɔɔ, goo sari wi u yĩsi te mɔ.

⁶² Yera ba win tundo gari bikia ka yĩreru bu ka gia mɛ u kĩ bu nùn soku. ⁶³ Ma u bu gāanu bikia nì sɔɔ u koo yore ma u yorua, Yohanuwa win yĩsiru. Ma biti ya tɔn be kpuro mwa. ⁶⁴ Yande win nɔɔ ga wukiara, win yara dɛnda, u gari mɔ ma u Gusunɔ siaramɔ. ⁶⁵ Berum be kpuro mwa be ba wāa bera mi, ma ba gari yi kpuro sɔɔna ba ka sikerena Yudean tem wusu sɔɔ si su wāa guunun bera gia. ⁶⁶ Ma be ba gari yi nua kpuro, ba yi berua ben gōrusɔ, ba bikianamɔ ba mɔ, n n mɛn na, amɔna bii wi, u koo ra ko.

Domi ba wa Yinnin nɔmu ga wāa ka wi.

Sakari u Gusunɔn gari gerua

⁶⁷ Ma bii win tundo Sakari, u Hunde Dɛero yiba ma u gerua u nɛɛ,

⁶⁸ su Gusunɔ Isireliban Yinni siara ye u ka win tɔmbu naawa ma u bu yakia.

⁶⁹ Ma u ka sun Faaba kowo damgii naawa wi u sāa Dafidi win sɔm kowon sikadobu.

⁷⁰⁻⁷¹ Wiya u koo sun faaba ko saa bɛsɛn yiberɛban min di,

ka be ba sun tusa kpuron nɔman di, nge mɛ u raa gerua

saa win sɔmɔ dɛerobun nɔsun di be ba wāa yellu.

⁷² Mɛya u ka bɛsɛn baababa durom kua, ma u maa win nɔɔ mwɛɛ dɛeraru yaaya.

⁷³ Nge mɛ u raa bōrua

Aburhamu beŋen baaban wuswaa

⁷⁴ u ka sun wɔra saa beŋen yibereban nɔman di,
kpa u sun ayeru wɛ su ka nɔn sã berum sariru sɔɔ,
⁷⁵ kpa su ko deero bu ka gemgibu win wuswaa
beŋen wɔarun sanam kpuro sɔɔ.

⁷⁶ Wunɛ maa nen bii,
ba koo nun sokuwa Wɔrukoon sɔmɔ
domi kaa Yinni gbiiya a ka win swɛɛ sɔmɛ,
⁷⁷ kpa a maa win tɔmbu sɔ ma ba koo faaba
wa bɔ n bu ben toranu suuru kua
⁷⁸ beŋen Yinnin wɔnwɔndun sɔ te ta kpã.

Wɔnwɔn ten saabuwa
yam bururam ko n sun naawa wɔllun di
nge buruku sɔɔ yana,

⁷⁹ u ka bu yam deerasia
be ba wɔa yam wɔkuru sɔɔ
ka be gɔɔn berum wukiri nge yam wɔkuru.
Kpa u ka beŋen naasu kpaa alafian swaa sɔɔ.

⁸⁰ Ma bii wi, u kpɛamɔ u bwisi mɔ, ma u da u wɔa
gbabura sere n ka kua tɔɔ te u tii sɔɔsi Isireliban
wuswaa.

2

Yesun marubu

(I maa mɛrio Mateu 1:18-25)

¹ Sanam mɛ sɔɔ, tem yɛro Oɡusitu u wooda yara
bu tem baama kpuron tɔmbu gari. ² Gari gari
gbiiƙaa ye, ba ye kuawa Kirinusi Sirin tem yɛron
waati. ³ Ma baawure u da win wuuɔ bu ka nɔn
tireru doke.

⁴ Yosefu u maa seewa Galilen wuu gagun di ge
ba ra soku Nasareti, u da Yudean temɔ sere Dafidin
wuuɔ ge ba ra nɛɛ Betelehemu yɛn sɔ u sã Dafidin
sikadobu, ⁵ kpa bu ka bu tireru doke, wi ka win

kurə kēero Maari. Maari wi, u gura mə. ⁶ Ye ba wāa mi, win sanam yiba ye u koo ka ma. ⁷ Ma u win bii gbiikoo mara tən durə, ma u nùn sēkatia tēkusi u nùn kpī yāanun yakasu wəllə, yèn sō ba n̄ ayeru wa sɔbun sɔbia yerə.

Gusunən ɔrado

u yāa kparobu kure

⁸ N deema yāa kparoba wāa bera mi yakasə, ba ben yāanu kōsu wōkuru. ⁹ Yera Gusunən ɔrado u bu kure ma Gusunən yiikon girima ya bu burure ya ka sikerena ma berum bu mwa gem gem. ¹⁰ Ma ɔrado u bu sōwa u n̄e, i ku nanda domi na ka b̄e Labaari gea naawawa ye ya koo tambu kpuro nuku doo bakabu wē. ¹¹ Gisə Dafidin wuuə ba b̄e Faaba kowo marua wi u s̄a Kirisi Yinni. ¹² Wee, nge m̄e i ko ka nùn tubu, i ko bii w̄eru wa ba sēkatia tēkusi, u kpī yāanun yakasu wəllə.

¹³ Suaru sō wəllun tabu kowobu dabi dabiru ba kurama ɔrado win b̄akuə ba Gusunə siaramə ba gerumə,

¹⁴ bu Gusunə b̄eɛɛ w̄eɛyə wəllə.

B̄ori yenda n wāa handunia sō be ba Gusunən nukuru dorasiamən suunu sō.

Yāa kparoba d̄ə Betelehemu

¹⁵ Sanam m̄e wəllun ɔrado be, ba bu doonari ba wura Gusunə wəllə, yāa kparo be, ba geruna ba n̄e, n̄ n m̄en na, su da Betelehemuə su wa ye ya koorə ye Yinni Gusunə u sun sōsi.

¹⁶ Ba da ka sendaru ma ba Maari ka Yosefu wa ka bii w̄e te, ta kpī yāanun yakasu wəllə. ¹⁷ Ye ba nùn wa ba kpa ba saara ye ɔrado wi, u raa bu sōwa bii win wəllə. ¹⁸ Ma be kpuro be ba gari yi nua ba biti

soora ka ye yāa kparoba bu sōwa. ¹⁹ Adama Maari u gari yi kpuro doke gārūo u yi lasabu m̀. ²⁰ Ma yāa kparo be, ba g̃sira ba Gusun̄ b̄ēēē w̄ēēm̄, ba n̄n siaram̄ yabu ye kpuron s̄o ye ba nua ka ye ba wa, nge m̄e g̃rado wi, u raa bu sōwa.

Ba Yesu yīsiru k̄a

²¹ Ye sōo n̄oba ita ya yiba ba bii wi bango kua, ma ba n̄n yīsiru k̄a Yesu, yīs̄i te Gusun̄n g̃rado u n̄n k̄a ba sere win gura sua.

Ba Yesu Gusun̄ tusia s̄a yer̄o

²²⁻²³ Am̄eniwa ba yorua Yinnin wooda s̄o ba n̄ēē, “Bii t̄n dur̄o gbiikoo baawure wi ba mara, ba koo n̄n wunawa n̄en̄em Yinni Gusun̄n s̄o.” Yen s̄na ye sanam yiba bu ka tii s̄arasia nge m̄e M̄owisin wooda ya gerua, Maari ka Yos̄efu ba ka bii wi da Yerusalem̄ bu n̄n Yinni tusia, ²⁴ kpa bu ka yākuru ko nge m̄e ba gerua Yinnin wooda s̄o ba n̄ēē, “Kparukonu yiru, n̄ kun m̄e totober̄ē binu yiru.”

²⁵ Dur̄o goo w̄a Yerusalem̄, win yīsira Sim̄eo. Dur̄o wi, u s̄awa geegii wi u Gusun̄n b̄ēēē ȳē. U wi u koo Isireliban nukuru yemiasia swaa daki ma Hunde D̄ēero n̄n w̄asi. ²⁶ Hunde D̄ēero wi, u maa n̄n s̄osi ma u koo Kirisi, wi Yinni u g̃sa wa u sere gbi. ²⁷ U da s̄a yer̄o ka Hunde D̄ēeron kparabu. Ye Yesun dusiba ka n̄n dua bu n̄n kua nge m̄e wooda ya gerua, ²⁸ Sim̄eo u n̄n mwa win n̄mā ma u Gusun̄ saabu kua u n̄ēē,

²⁹ Yinni, t̄ē kaa de n̄ē wun̄en s̄om kowo, n handunia deri ka alafia
nge m̄e a man sōwa.

³⁰ Domi n̄en n̄ni yi wun̄en faaba wa

³¹ ye a sɔɔru kua bwesenu kpuron wuswaaɔ.

³² Yeya yam bururam mɛ mu koo tɔn tukobu
wunɛn swaa sɔɔsi.

Mu koo maa wunɛn tɔmbu Isireliba bɛɛɛ doke.

Simɛɔ u Gusunɔn gari gerua

³³ Ye ba gerua bii win sɔ ya win baa ka win mɛro biti kua. ³⁴ Simɛɔ u bu domaru kua ma u Maari, bii win mɛro sɔɔwa u nɛɛ, ba bii wini gɔsa ba yi u ka tɔn dabiru wɔrumasia Isireliba sɔɔ, kpa u tɔn dabinu seesia. U koo maa ko yĩreru Gusunɔn min di te tɔmba kun wuramɔ ³⁵ kpa dabirun gɔrun bwisikunu nu sɔɔsira. Wunɛn tii, nuku sankiranu nu koo nun sɔku gɔruɔ nge takobi.

Ana, Gusunɔn sɔmɔ tɔn kurɔ

³⁶ Gusunɔn sɔmɔ tɔn kurɔ goo maa wãa, win yĩsira Ana, Fanuelin bii Aɛɛn bweseru sɔɔ. U tɔkɔru kua gem gem. U raa sina ka win durɔ wɔɔ nɔɔba yiru saa win wɔndiarun di. ³⁷ Ma u gɔminiru sina wɔɔ wɛnɛ ka nɛɛ. U ku ra kpe sãa yerɔ, u ra n Gusunɔ sãamɔ bururu ka yoka ka nɔɔ bɔkuru ka kanaru. ³⁸ U besirama saa ye sɔɔ, u Gusunɔ saabu mɔ, ma u bii win gari tɔmbu kpuro sɔɔmɔ be ba mara Gusunɔ u Yerusalemu yakia.

Ben wuramaru Nasaretɔ

³⁹ Sanam mɛ ba baayere kua ba kpa nge mɛ Yinni Gusunɔn wooda, ba gɔsira Nasaretɔ ben wuuɔ Galilen temɔ. ⁴⁰ Ma bii wi, u kpɛamɔ ma u dam sosimɔ ma bwisi gee yiba wi sɔɔ. Gusunɔn durom maa wãa ka wi.

Yesu da sãa yerɔ win birun saa

⁴¹ Wɔɔ baagere Yesun dusibu ba ra Gɔɔ sararibun tɔɔ bakaru dewa Yerusalemuɔ. ⁴² Sanam mɛ Yesu u

wɔɔ wɔkura yiru ma ba tɔɔ baka te da nge me ben komaru. ⁴³ Ye tɔɔ baka ten sanam kpa sanam me ba wiɔ, bii wi, Yesu u sina Yerusalemuɔ, win dusiba kun yɛ. ⁴⁴ Ba tamaa saa u wɔawa ben wuuru sɔɔ. Ye ba sia tɔɔ giriru ba nɔn kasu ben dusibu ka ben bɔrɔba sɔɔ. ⁴⁵ Adama ba n nɔn wa ma ba gɔsira Yerusalemuɔ ba nɔn kasu. ⁴⁶ Yen sɔɔ itase ba nɔn wa saa yerɔ u sɔ wooda yɛrobun suunu sɔɔ u bu swaa daki u maa bu gari bikiamɔ. ⁴⁷ Be ba nɔn swaa daki kpuro ba biti kua win bwisi ka win gari wisibun sɔ. ⁴⁸ Sanam me win dusiba nɔn wa biti ya bu mwa ma win mero u nɔn bikia u nee, nen bii amɔna a ka sun kua me. Ne ka wunen baa wee, sa nun kasu ka nuku sankiranu.

⁴⁹ Ma u bu bikia u nee, mba n kua i ka man kasu. I n yɛ ma na n kon ko na kun nen baaban wunanɔsu kue?

⁵⁰ Adama gari yi u bu sɔɔwa mi, yi n bu yeeri.

⁵¹ U ka bu sia Nasaretio ma u bu mem nɔɔwa. Win mero u gari yi kpuro berua win gɔruɔ. ⁵² Ma Yesu u kpɛamɔ bwisi sɔɔ ka wasi sɔɔ, ma Gusuno u ka nɔn nɔnu geu meera, ma u saa tɔn geo tɔmbu sɔɔ.

3

*Yohanu Batemu kowon waasu
(I maa meerio Mateu 3:1-12, Maaku 1:1-8, Yohanu 1:19-28)*

¹ Ye tem yɛro Tiberi kua wɔɔ wɔkura nɔɔbu win bandu sɔɔ, sanam me, Pɔnsu Pilatiwa saa Yudean tem yɛro, ma Herodu u saa Galilen wirugii, ma Filipu win wɔnɔ u saa Iture ka Takonitin wirugii, ma Lisania u saa Abilenin wirugii. ² Ya maa sɔawa Ani ka Kaifa yaku kowo tɔnwerobun waati. Sanam meya Gusuno u ka Yohanu Sakarin bii gari kua

gbaburɔ. ³ Ma u da Yuudenin baru kpaanɔ kpuro u kparamɔ u mɔ, bu gɔru gɔsio bu batemu ko, kpa Gusunɔ u bu ben toranu suuru kua.

⁴ Nge mɛya ye Gusunɔn sɔmɔ Esai u yorua win tirerɔ ya koorɔ ye u nɛɛ,

“goo u gbāramɔ gbaburɔ u mɔ, i Yinnin swaa sɔnwɔ. Kpa i n ye nɔɔ nɛrasiamɔ yu dɛnda.

⁵ I yen wɔwi kpuro kɔruo,
i maa yen guunu kpuron gunum kawo
kpa i yen gungunu nɔɔ nɛrasia nu ko tem tɛɛra,
kpa i yen mi n kɔkure kpuro dɛmia,
kpa i yen wɔrusu kpuro kɔre.

⁶ Tɔmbu kpurowa ba koo Gusunɔn faaba wa.”

⁷ Tɔn wɔrusu su daamɔ win mi u ka bu batemu ko. Ma u bu sɔɔwa u nɛɛ, bɛɛ waa gɔsɔnnun bweseru, wara bɛɛ kirɔ kua i ka mɔru ye ya sisi suuri. ⁸ N n mɛn na, i koowo ye ya koo bɛɛn gɔru gɔsiabu sɔɔsi, kpa i ku gere bɛɛn tii sɔɔ ma Aburhamuwa bɛɛn baaba. Domi na bɛɛ sɔɔmɔ Gusunɔ u koo kpɛ u Aburhamu bibu seeya saa kpee nini sɔɔn di. ⁹ Ba gbāa sue kɔ bu ka dānu bɔɔri nin nuurun di. Yen sɔ, dāru baatere te ta n bii geenu marumɔ, ba koo tu burawa bu dɔɔ kpɛɛ.

¹⁰ Ma tɔn wɔrusu nɔn bikiamɔ, n n mɛn na, amɔna be, ba koo ko.

¹¹ Ma u bu sɔɔwa u nɛɛ, wi u yabenu yiru mɔ u teeru goo wɛɛyɔ wi u kun mɔ, mɛya maa wi u dīanu mɔ, u ka gabu bɔnu koowo.

¹² Gbere mwaɔba maa da u ka bu batemu ko, ma ba nɔn bikia ba nɛɛ, yinni, mba sa ko ko.

¹³ Ma u bu sɔɔwa u nɛɛ, i ku ra mwɛ n kere ye ba bɛɛ yiire.

¹⁴ Tabu kowobu gaba maa nùn bikia ba nɛɛ, bɛsɛ maa ni, mba sa ko ko.

Ma u bu sɔɔwa u nɛɛ, i ku ra goo gobi mwaari ka dam, i ku maa goo gari mani, kpa i ku ra bɛɛn kɔsiaru gɛm.

¹⁵ Tɔn be, ba swaa daki ma be kpuro ba bikianamɔ ba mɔ, Yohanu sɔawa Kirisi wi? ¹⁶ Ye Yohanu u nua mɛ, u be kpuro sɔɔwa u nɛɛ, nɛ na bɛɛ batɛmu mɔ ka nim, adama wi u man dam kere u sisi. Na n tura n win baranun wɛɛ kusia. Wiya u koo bɛɛ batɛmu ko ka Hunde Dɛɛro ka dɔɔ. ¹⁷ U saratia nɛni win nɔmaɔ, u ka win alikama sara, kpa u ye doke biraru sɔɔ. Adama sako si su tie u koo su doke dɔɔ sɔɔ wi u ku ra gbi.

¹⁸ Ka maa gari dabinu gana Yohanu u tɔmbu labaari gean waasu kuammɛ. ¹⁹ Adama u Herodu wirugii wi gerusi Herodia, win wɔnɔ Filipun kurɔn sɔ, ka daa kɔsa kpuro ye u raa kua. ²⁰ Ma Herodu u kpam daa kɔsa ye sɔɔ daa kɔsa sosi, u dera ba Yohanu pirisɔm doke.

Yesun batɛmu

(I maa mɛɛrio Mateu 3:13-17, Maaku 1:9-11)

²¹ Ye ba tɔmbu kpuro batɛmu kua, ba maa Yesu batɛmu kua. Saa yɛ sɔɔ u kanaru mɔ ma wɔlla wukiara, ²² ma Hunde Dɛɛro u sarama win wɔlla ka wasi gɛɛ nge kparuko. Ma nɔɔ gaga nɔɔra saa wɔllun di ga nɛɛ, wuna nɛn bii kɔnasi, wi sɔɔ nɛn gɔru dobu kpuro wɔa.

Yesun sikadoba

(I maa mɛɛrio Mateu 1:1-17)

²³ Yesu u wɔɔ tɛnan saka tura u sere win sɔmburu torua. Ba tamaa u sɔawa Yosefun bii. Yosefun baababa ba maa sɔa Heli ²⁴ ka Matati ka Lefi ka

Meliki ka Yanai ka Yosefu, ²⁵ ka Matatia ka Amosi, ka Nahumu ka Esili ka Naga, ²⁶ ka Maatu ka Matatia ka Semeni ka Yoseki ka Yoda, ²⁷ ka Yoanani ka Lesa ka Sorobabeli ka Salatieli ka Neri, ²⁸ ka Meliki ka Adi ka Kosamu ka Elimadamu ka Eri, ²⁹ ka Yosue ka Eliseri ka Yorimu ka Matati ka Lefi, ³⁰ ka Simeon ka Yuda ka Yosefu ka Yonamu ka Eliakimu, ³¹ ka Melea ka Mena ka Matata ka Natani ka Dafidi, ³² ka Isai ka Yobedi ka Boasi ka Sala ka Nasoni ³³ ka Aminadabu ka Adimi ka Arani ka Esiromu ka Farasi ka Yuda, ³⁴ ka Yakabu ka Isaki ka Aburahamu ka Tera ka Nakoru, ³⁵ ka Seruku ka Raga ka Faleki ka Ebea ka Sala, ³⁶ ka Kainamu ka Aafasadi ka Semu ka Nowe ka Lameki, ³⁷ ka Matusala ka Enoku ka Yaredi ka Maleleli ka Kainani, ³⁸ ka Enosi ka Seti ka Adamu ka Gusuno.

4

Setam u Yesu kəkura

(I maa mɛɛrio Mateu 4:1-11, Maaku 1:12-13)

¹ Yesu u Hunde Dɛɛro yiba ma u wurama Yuudenin di. Ma Hunde wi, u nùn sure gɓaburu sɔɔ. ² Miya Setam maa nùn kəkura sɔɔ weeru. U n maa gāanu ganu di sanam mɛ sɔɔ. Ye saa yen baa ya kpa, gɔɔra nùn mwa. ³ Ma Setam nùn sɔɔwa u nɛɛ, à n Gusunon Biin na, a kpee teni sɔɔwɔ tu gɔsira pɛɛ.

⁴ Ma Yesu nùn sɔɔwa u nɛɛ, ba yorua Gusunon gari sɔɔ ba nɛɛ, “Tɔnu kun ko n wāa dīanu tɔnan sɔ.”

⁵ Ma Setam u ka nùn da guuru wɔllo u nùn handunian tem kpuro sɔɔsi nɔni kpaki teeru mi sinamba bandu dii. ⁶ Ma u nùn sɔɔwa u nɛɛ, nin dam ka nin yiiko kpurowa kon nun wɛ domi ba man wɛ. Wi na kī, wiya kon maa wɛ. ⁷ N n mɛn na, à n yiira a man sāwa ye kpurowa ya koo ko wunɛgia.

⁸ Ma Yesu u nùn sǎwa u nɛɛ, Gusunɔn gari nɛɛ, “Gusunɔ wunen Yinniwa kaa n sǎamɔ, kpa a n wi turon wǎaru wǎa.”

⁹ Ma u ka nùn da Yerusalemɔ, u nùn sɔndi sǎa yerun wii kpiirɔ, ma u nùn sǎwa u nɛɛ, à n Gusunɔn Biin na, a suro saa minin di, ¹⁰ domi Gusunɔn gari nɛɛ, “U koo win gɔradoba nɔɔ kɛwa wunen sǎ bu ka nun kǎsu.” ¹¹ “Ba koo nun nɛnɛ ben nɔma sɔɔ, kpa wunen naasu ku raa kperu sokura.”

¹² Yesu u nùn sǎwa u nɛɛ, Gusunɔn gari maa nɛɛ, “A ku ra Gusunɔ wunen Yinnin dam mɛeri a ka wa mɛ mu nɛ.”

¹³ Ye Setam u nùn kɔkiri bi kpuro kua u kpa, u nùn deri u doona sere saa gaa gina.

Yesu win sɔmburu torua Galileɔ

(I maa mɛerio Mateu 4:12-17, Maaku 1:14-15)

¹⁴ Yesu u wura Galileɔ ka Gusunɔn Hunden dam, ma win labaaari ya nɔɔra n ka sikerena bera ye sɔɔ kpuro. ¹⁵ U Gusunɔn garin keu sǎɔsimɔ ben mɛnnɔ yenu sɔɔ, ma tɔmbu kpuro ba nùn bɛɛɛ wɛɛmɔ.

Ba Yesu yina Nasaretio

(I maa mɛerio Mateu 13:53-58, Maaku 6:1-6)

¹⁶ Yesu u da Nasaretio mi u biru di. Nge mɛ win dɔɔnɛ u mɛnnɔ yeru dua tɔɔ wɛrarugiru sɔɔ, ma u seewa u ka tireru gari. ¹⁷ Ba nùn Gusunɔn sɔmɔ Esain tireru wɛ. Ye u tu wukia u wa mi ba yorua ba nɛɛ,

¹⁸ “Yinni Gusunɔn Hunde ka man wǎa. U man gɔsa n ka dam sarirugibu Labaaari gea nɔɔsia. U man gɔrima n ka yobu sǎ ma ba koo yakiara, n ka wǎkobu sǎ ma ba koo yam wa, n ka maa takasigibu yǎsu bu doona,

19 kpa n maa ka kpara ma saa ya wee yè sɔɔ Yinni u koo tɔmbu durom kua.”

20 U tire te wukiri u mɛnnɔ yerun sɔmɔ wesia ma u sina. Be ba mɛnnɛ mɛnnɔ yee te sɔɔ, ba nùn nɔni girari be kpuro. 21 Ma u win gari torua u bu sɔɔwa u nɛɛ, gisɔra Gusunɔn gari yini yi koorɔ yi i nua mi.

22 Be kpuro ba nùn seeda gea diiya, ma biti ya bu mwa gari dure yin sɔ yi yi yarimɔ win nɔɔn di. Ma ba mɔ, n n̄ Yosefun bii wi mi?

23 U bu sɔɔwa u nɛɛ, ka gem, i ko kpĩ i man mɔn te kua i nɛɛ, “Timgii, a wunen tii bekio,” kpa i gere n koowo nen tem sɔɔ mini ye i nua na kua kpuro Kapenamuo.

24 U maa nɛɛ, ka gem, na bɛɛ sɔɔmɔ, Gusunɔn sɔmɔ goo sari wi u bɛɛɛ mɔ win tiin temɔ. 25 Na maa bɛɛ gem sɔɔmɔ, kurɔ gɔmini dabira ta raa wāa Isirelin temɔ Elin waati, ye gura kun na wɔɔ ita ka suru nɔɔba tia, ma gɔɔ bakaru ta kua tem kpuro. 26 Ka mɛ, ba n̄ Eli gɔre ben goon mi ma n kun mɔ gɔmini turo wi u wāa Sarepataɔ Sidonin temɔ. 27 Dabiru be ba bara disigiru mɔ ba raa maa wāa Isirelin temɔ Gusunɔn sɔmɔ Eliseen waati. Ka mɛ, ba n̄ ben goo bekie, ma n kun mɔ Namani Sirigii.

28 Ye ba gari yi nua mɛnnɔ yee te sɔɔ, ba mɔru bɛsira be kpuro. 29 N deema ben wuu ga wāawa guuru wɔllɔ. Yera ba seewa ba nùn b̄arikia ba ka da wuun biruɔ bu ka nùn sure wɔwa sɔɔ. 30 Adama u bu bukiana ma u doona.

Durɔ wi wɛɛku gagu ga wāasi

(I maa mɛɛrio Maaku 1:21-28)

31 Yesu u sara u da Kapenamuo, Galilen wuu gagɔ, ma u tɔmbu Gusunɔn garin keu sɔɔsimɔ tɔɔ w̄ɛrarugiru sɔɔ. 32 Ma win sɔɔsira bu biti kua domi

u gari gerumawa ka yiiko. ³³ N deema durɔ goo wāa mennɔ yeru sɔɔ wì sɔɔ wɛɛku ga wāa ma u wura kua wɔllɔ u nɛɛ, ³⁴ man diya bɛɛɛ ka wunɛ, Yesu Nasarɛtigii. A na a sun kam koosiawa? Na yɛ wi a sãa, wunɛ Gusunɔn tɔn Dɛɛrowa.

³⁵ Ma Yesu u gu gerusi u nɛɛ, a mario, kpa a doona win min di.

Ye wɛɛku ge, ga durɔ wi tem kparana ben suunu sɔɔ, ma ga doona, ga n̄ maa n̄n mɛɛra kue. ³⁶ Ma biti ya bu mwa kpuro ba bikianamɔ ba m̄, gari yiren bwesera yini. Domi u wɛɛkunu wooda wɛɛmɔ ka yiiko ka dam, ma nu doonamɔ.

³⁷ Ma win labaari ya n̄ɔra n̄ ka sikerena bera ye sɔɔ kpuro.

Yesu u tɔn dabinu bekia

(I maa mɛɛrio Mateu 8:14-17, Maaku 1:29-34)

³⁸ Ye Yesu u yara mennɔ yee ten min di u dua Simɔn yɛnuɔ. N deema Simɔn kurɔn mɛro u wasi sundu barɔ ta b̄ɔɔbu, ma ba n̄n suuru kana win s̄.

³⁹ U kurɔ wi take u wasi sun te gerusi ma ta n̄n deri. U seewa yande u bu n̄ɔrimɔ.

⁴⁰ Ye s̄ɔɔ duɔ, b̄ɛn t̄amba bara bwese bweseka m̄ kpuro ba ka bu na win mi, ma u ben baawure n̄ma s̄ɛndi u bu bekia. ⁴¹ Wɛɛkunu maa doona tɔn dabirun min di, nu wuri m̄ nu m̄, wuna Gusunɔn Bii. Adama u nu gerusi, u n̄ maa dere nu gari gere ȳɛn s̄ɔɔ nu yɛ ma Kirisiwa u s̄a.

Yesun waasu Yudea

(I maa mɛɛrio Maaku 1:35-39)

⁴² Ye yam s̄ara Yesu u seewa u wuu yara u da gɔbaburɔ. Adama tɔn w̄ɔru ga n̄n kasu. Ye ba tura win mi, ba n̄n suuru kana u ku bu deri.

⁴³ Adama u bu s̄ɔɔwa u nɛɛ, u n̄ koo ko u kun

maa Gusunən bandun Labaari gea waasu kue wusu gasu sɔɔ, domi yen sɔna ba nùn gərɪma.

⁴⁴ Ma u waasu mɔ Galilen mɛnnɔ yenu sɔɔ.

5

Yesun bwāa gbiikobun sokubu

(I maa mɛrio Mateu 4:18-22, Maaku 1:16-20)

¹ Ye Yesu u yōra daa burerun bɔkuɔ te ba ra soku Genesareti, tɔn wɔru ga nùn mɛnnɛ gu ka Gusunən gari nɔ. ² Ma u goosu yiru wa daa bure ten goorɔ sɪn min di swɛɛ gowobu ba sara ba ben yāakoronu tɔɔ da. ³ Ma u dua goo sɪn teu sɔɔ ge ga sāa Simɔɔguu, ma u nùn kana u ka gu gooru tondasia fiiko. Yen biru u sɪna u tɔn wɔrusu Gusunən gari sɔɔsimɔ gen min di.

⁴ Ye u win gari gerubu mari, u Simɔɔ sɔɔwa u nɛɛ, a wunɛn goo bɔrieyo bwerɔ kpa i bɛɛn yāakoronu kpɛɛ i ka swɛɛ mwa.

⁵ Simɔɔ u nùn sɔɔwa u nɛɛ, yinni wɔku girira sa sɔmburu kua, sa n maa gāanu wa sa mwɛ, adama wunɛn garɪn sɔ kon yāakoro te kpɛɛ.

⁶ Ye ba kua mɛ, ba swɛɛ dabi dabiru gura sere ben yāakorora gɛɛrɔ. ⁷ Ma ba ka yīreru ben berusebu soka be ba wāa goo yiruse sɔɔ bu na bu bu somi. Ba na ma ba goosu yiru ye swɛɛ yibia sere su kɪ su num. ⁸ Ye Simɔɔ Piɛɛ u yenɪ wa u kpuna Yesun wuswaaɔ u nɛɛ, Yinni, a tii gawo nɛn bɔkun di, domi nɛ torowa.

⁹ Domi wi ka win berusebu kpuro ba biti kua swɛɛ dabi ten sɔ te ba gura. ¹⁰ Mɛya maa biti ya Simɔɔn berusebu Yakɔbu ka Yohanu, Sebeden bibu mwa. Yesu u Simɔɔ sɔɔwa u nɛɛ, a ku bɛrum ko, saa tɛn di tɔmba kaa n kasu bu man swīi.

¹¹ Sanam me ba ka ben goosu da gooro, ma ba si kpuro deri ba nùn swĩ.

Yesu u wi u bara disigiru baro

bekia

(I maa merio Mateu 8:1-4, Maaku 1:40-45)

¹² Sanam me Yesu u waa wuu gagu soo duro goo wi u bara disigiru baro u nùn wa, ma u yiira win wuswaa u nùn suuru kana u nee, Yinni a n wura, na ye ma kaa kpĩ a man bekia kpa n deera.

¹³ Ma Yesu u win nomu demia u nùn baba u nee, na wura, a bekuro kpa a deera.

Mii mii bara disigii te, ta nùn doonari. ¹⁴ Yesu u nùn yiire u nee, u ku raa goo gaanu ganu sã, adama u doo u win tii yaku kowo tusia, kpa u yakuru ko win deerasiabun sã nge me Mawisin wooda ya gerua, kpa tu ka ko seeda tambun wuswaa.

¹⁵ Ka me, win labaari ya yabi, ma tøn dabira mennamo bu ka win gari na, kpa bu ka bekura ben baranu soon di. ¹⁶ Adama Yesu u ra dewa ghaburo wi turo u n kanaru mð.

Yesu u duro goo bekia

wìn wasin bee tia gu

(I maa merio Mateu 9:1-8, Maaku 2:1-12)

¹⁷ Sõo teeru Yesu u Gusunon garin keu sãosimo ma Falisiba ka wooda yero bu ba sã mi, be ba na saa Galile ka Yudean wuu baageren di, ka maa Yerusalemun di, ma Yinnin dam mu dera u baro bu bekiamo. ¹⁸ Saa ye yande, tambu gaba duro goo soowa ka kpinu win wasin bee tia ya gu. Ba kasu me ba koo ka du kpa bu nùn yi Yesun wuswaa. ¹⁹ Ye ba kun wa mi ba koo ka nùn duusia tøn wõrun sã, yera ba yõwa diru mi u wãan wõllo, ma ba tu yaba

ba nùn sarasia ka win kpinu tən wəru gen suunu sɔɔ Yesun wuswaaɔ. ²⁰ Ye u ben naanɛ dokebu wa, yera u durɔ wi sɔɔwa u nɛɛ, a wunɛn durum suuru wa.

²¹ Wooda yĕrobu ka Falisiba ba bwisikum wəri ba tii bikiamɔ, wara wini wi u Gusunɔ wəmmɔ. Wara koo kpī u tɔnu win durum suuru kua ma n kun mɔ Gusunɔ turo.

²² Adama Yesu u ben bwisikunu gia ma u bu bikia u nɛɛ, mban sɔna i bwisikumɔ mɛ bɛɛn gōruɔ. ²³ Yen yerà ya sēsɔ bo, bu nɛɛ, ba tɔnu nùn win durum suuru kua, n kun mɛ bu nɛɛ, u seewo u sī. ²⁴ N n mɛn na, kon bɛɛ sɔɔsi ma Tɔnun Bii, u yiiko mɔ handunia mi, u ka durum suuru ko.

Ma u barɔ wi sɔɔwa u nɛɛ, na nun sɔmɔ, a seewo a wunɛn kpinu sua kpa a we yenuɔ.

²⁵ Ma u seewa mii mii ben wuswaaɔ u sua ye u raa kpunari, ma u Gusunɔ siaramɔ u ka dɔɔ yenuɔ. ²⁶ Yera biti ya be kpuro mwa ma ba Gusunɔ siaramɔ. Berum maa bu mwa ma ba mɔ, sa gāa maamaakiginu wa giso.

Yesu u Lefi soka

(I maa mɛrio Mateu 9:9-13, Maaku 2:13-17)

²⁷ Yeniban biru Yesu u yara ma u gbere mwaa goo wa wi ba ra soku Lefi u sɔ gbere yerɔ, ma u nùn sɔɔwa u nɛɛ, a man swīiyo.

²⁸ Lefi u seewa u ye kpuro deri ma u nùn swīi.

²⁹ Yen biru u Yesu tɔɔ baka dim kua win yenuɔ. Gbere mwaa dabinu ka maa gabu ba ka bu dimɔ.

³⁰ Falisiba ka ben wooda yĕrobu gabu ba win bwāabu wəkisi ba bikia ba nɛɛ, mban sɔna i dimɔ i nɔrumɔ ka gbere mwaa bu ka kōsan kowobu.

³¹ Yesu u bu wisa u nɛɛ, be ba bwāa do ba n̄ timgiin bukata m̄ ma n̄ kun m̄ be ba bar̄. ³² Na n̄ nɛ n̄ ka geegibu soku. Na nawa n̄ ka kōsan kowobu soku bu ka ben gōru gōsia.

Nɔɔ bɔkurun gari

(I maa mɛrio Mateu 9:14-17, Maaku 2:18-22)

³³ Ba n̄n sōwa ba nɛɛ, Yohanun bwāabu ka Falisibagibu ba ra nɔɔ bɔke kiri kiri, ba ra maa kanaru ko, adama wunɛgiba dim̄ ba n̄rum̄.

³⁴ Ma u nɛɛ, i ko i kpī i kur̄ kpaon dur̄n b̄r̄ba nɔɔ bɔkusia sanam mɛ u wāa ka be? ³⁵ Adama sanam wee mɛ ba koo kur̄ kpaon dur̄ w̄ra ben n̄man di. Sanam mɛ s̄ra ba koo nɔɔ bɔke.

³⁶ U maa bu m̄ndu kua u nɛɛ, ba ku ra yabe kpaaru gīe bu ka yabe t̄k̄ru k̄re. B̄a n̄ kua mɛ, ba koo kpaaru gīa, kpaarun yasa maa ya ko n̄ s̄a n̄enem yabe t̄k̄ru s̄o. ³⁷ Goo ku ra maa tam kpam doke ḡnan b̄o t̄k̄nu s̄o. U n̄ kua mɛ, tam kpam mɛ, mu koo b̄onu kurasia kpa mu yari, kpa b̄onu nu sankira. ³⁸ Adama ba n̄ koo ko ba kun tam kpam doke b̄o kpaanu s̄o. ³⁹ Goo sari wi u ko n̄ tam kpam kī, sanam mɛ u tam gurum n̄ra, domi u koo gere u nɛɛ, gurum ka n̄n n̄rena.

6

T̄o w̄rarugirun gari

(I maa mɛrio Mateu 12:1-8, Maaku 2:23-28)

¹ T̄o w̄rarugiru garu s̄o Yesu u alikama gbaaru garu sar̄, ma win bwāaba alikama w̄kam̄, ba sunkum̄ ka n̄ma, ba temm̄. ² Falisi gabu ba bu bikia ba nɛɛ, mban s̄na i m̄ ye wooda ya nɛɛ bu ku ko t̄o w̄rarugiru s̄o.

³ Yesu u bu bikia u nɛɛ, i n̄ gara tirerɔ ye Dafidi u kua sanam mɛ gɔɔra wi ka win bwãabu mɔ? ⁴ U Gusunɔn diru dua ma u pɛɛ sua ye ba Gusunɔ yiiye, u ye di ma u win bwãabu wɛ. Adama bɛsɛn wooda ya yina goo u ye di ma n kun mɔ yãku kowobu.

⁵ Ma u nɛɛ, i de i n yɛ ma Tɔnun Biiwa u tɔɔ wɛrarugiru kua.

Durɔ win nɔm geu ga gu

(I maa mɛɛrio Mateu 12:9-14, Maaku 3:1-6)

⁶ Ye n kpam kua tɔɔ wɛrarugiru garu, u dua mɛnnɔ yerɔ u Gusunɔn garin keu sɔɔsimɔ. N deema durɔ goo wãa mi win nɔm geu ga gu. ⁷ Wooda yɛrobu ka Falisiba ba swaa kasu bu ka Yesu durum mani. Yen sɔna ba n̄n mɛɛra bu ka wa ù n koo goo bɛkia tɔɔ wɛrarugiru sɔɔ. ⁸ Adama u ben bwisikunu yɛ, ma u durɔ wi sɔɔwa win nɔmu ga gu mi u nɛɛ, a seewo a yɔra bu nun wa.

Ma u seewa u yɔra. ⁹ Ma Yesu u nɛɛ, na bɛɛ bikiamɔ, gea ka kɔsa, yen yerà n weenɛ bu ko tɔɔ wɛrarugiru sɔɔ. Bu tɔnu faaba ko? Nge bu n̄n go.

¹⁰ Yera u be kpuro mɛɛra u ka sikerena, ma u durɔ wi sɔɔwa u nɛɛ, a wunen nɔmu demia.

Ye u gu demia, ma ga bekura. ¹¹ Ma ba mɔru bɛsira ma ba wesianamɔ ye ba koo Yesu kua.

Yesu u bwãabu wɔkura yiru

gɔsa

(I maa mɛɛrio Mateu 10:1-4, Maaku 3:13-19)

¹² Sɔɔ mɛɛ te sɔɔ, Yesu u da guuru wɔllɔ u ka kanaru ko. Ma u Gusunɔ kana wɔku giriru. ¹³ Ye yam sãra u win bwãabu mɛnna, ma u tɔnu wɔkura yiru gɔsa be sɔɔ, u bu yĩsiru kã gɔrobu. ¹⁴ Tɔn ben yĩsa wee, Simɔɔ wi u yĩsiru kã Piɛɛ, ka Andere win

wəno, ka Yakəbu ka Yohanu ka Filipu ka Baatelemi
¹⁵ ka Mateu ka Tomaa ka Yakəbu Alufen bii, ka
 Simə wi u win tem gari kī, ¹⁶ ka Yudasī Yakəbun
 bii, ka Yudasī Isikariotu wi u tambu Yesu nəmu
 sonda.

Bekiabu ka keu səsibu
(I maa mɛrio Mateu 4:23-25)

¹⁷ Ma u sara ka be, u yōra tem tɛra gaa sə mi
 win bwāa dabiru ka tən wəru guna wāa, be ba na
 saa Yudean di kpuro ka Yerusalemun di, ka Tiri ka
 Sidonin di, wuu si su wāa nim wōkun bera gia. ¹⁸ Ba
 na win mi bu ka win gari nə kpa u ka bu bekia ben
 baranu sɔn di. Be ba wɛɛkunu mə nu bu toorimə,
 ba maa bekura. ¹⁹ Tən be kpuro ba kī bu nūn baba
 domi win dam mu səmburu mə, mu bu bekiamə
 kpuro.

Doo nəuru ka nani swāaru
(I maa mɛrio Mateu 5:1-12)

²⁰ Yera Yesu u win nani sua u win bwāabu mɛra
 u nɛ,
 Doo nərugiba bɛɛ sāarobu domi bɛya i ko n wāa
 mi Gusunə u bandu swī.

²¹ Doo nərugiba bɛɛ be gōra mə tɛ, domi i ko ra
 debu.

Doo nərugiba bɛɛ be i sumə tɛ, domi i ko ra yɛɛ.

²² Doo nərugiba bɛɛ, tambu bə n bɛɛ tusa, ma ba
 bɛɛ gira ben min di, ma ba bɛɛ wəmmə, ma ba bɛɛn
 yīsiru gəsia gāa kōsunu Tənun Biin s. ²³ Nge mɛya
 ben baababa ba Gusunən səməbu kua. Adama bɛɛ,
 i gōru doro dōma te, i yōkuo ka nuku dobu, domi
 ka gem ba bɛɛ are yīye yi kpā Gusunə wəllə.

²⁴ Nani swāarugiba bɛɛ maa gobigibu, domi i bɛɛn
 nuku yemiabu wa kə.

25 Nōni swāarugiba bēē be i deba tē, domi gōoru ta koo bēē ko.

Nōni swāarugiba bēē be i yēēmō tē, domi i ko ra nukuru sankira kpa i swī.

26 Nōni swāarugiba bēē, tōmbu kpuro bà n bēēn gea gerumō. Domi mēya ben baababa ba sōmō weesugibu kua.

Kīru yiberēban sō

(I maa mēerio Mateu 5:38-48, 7:12a)

27 Adama nē na bēē sōmō, bēē be i man swaa daki, i bēēn yiberēba kīru sōsio, i bu gea kuo be ba bēē tusa. 28 I bu domaru kuo be ba bēē bōrusimō, i bu kanaru kuo be ba bēē kōsa kuammē. 29 Goo ù n nun baa teeru so, a maa nùn tensim tīiyō, wī u maa wunen yabe bakarū sua, a ku nùn yinari u kpam wunen yabe piibu sua. 30 Wi u nun gāanu kana, a nùn kēeyō, goo ù n maa nun wunen gāanu suari, a ku maa nu bikia. 31 Ye i kī tōmbu bu bēē kua, i bu ye kuo bēēn tii.

32 I n bu kī be ba bēē kī, siara birà i mō. Baa kōsan kowobun tii ba ra n ben kīnasibu kī. 33 I n maa bu gea kua be ba bēē gea kua, siara birà i mō. Mēya kōsan kowobun tii ba ra ko. 34 I n bu bōkura bēn mi i kōsire yīiyō, siara birà i mō. Kōsan kowobun tii ba ra bōkuranewa, bu ka kōsiana. 35 Adama i bēēn yiberēba kīru sōsio, i bu gea kuo, i maa bu bōkuro i kun kōsire yīiyō, bēēn are yi ko n kpā, i ko n maa sāa Wōrukoon bibu, domi win tii u ra guturuba ka tōn kōsobu durom sōsi. 36 I de i n wōnwōndu mō nge mē bēēn Baaba u wōnwōndu mō.

I kun da n tōmbu sirimō

(I maa mēerio Mateu 7:1-5)

³⁷ I kun da n tambu sirimɔ, Gusunɔ u n̄ maa ka bɛɛ sirimɔ. I kun da n tambu taarɛ wɛɛmɔ, Gusunɔ u n̄ maa bɛɛ taarɛ wɛɛmɔ. I suuru koowo, Gusunɔ koo maa bɛɛ suuru kua. ³⁸ I kɛɛyɔ, Gusunɔ koo maa bɛɛ kɛ. Yīrutii bakaru sɔɔra u koo bɛɛ kɛru kɛ, te u taasi u sire u yibia ka nɔɔwɔ, kpa u bɛɛ wisia bɛɛn bɔɔrɔ. Domi yīrutii te i ka gabu yīrui, teya Gusunɔ koo ka bɛɛ yīrui.

³⁹ U maa bu mɔndu garu kua u nɛɛ, wɔko u koo kpī u wɔkosi swaa gbiiya? Be yiru sannu ba n̄ koo wɔru wɔri? ⁴⁰ Bɔɔ u ku ra win yinni kere, adama bɔɔ baawure wi u sɔɔsiru gia u kpa, u koo ka win yinni weena.

⁴¹ Mban sɔna a yakɔ mɛɛrimɔ wunen kpaasin nɔnu sɔɔ, ma a n̄ dɔa bīru laakari mɔ te ta wɔa wunen tiin nɔnuɔ. ⁴² Amɔna kaa ka kpī a wunen kpaasi sɔ u de a n̄n yakɔ wuna ge ga wɔa win nɔnu sɔɔ, ma a n̄ dɔa bīru waamɔ te ta wɔa wunen tiin nɔnuɔ. Murafiti wunɛ, a gina dɔa bīru wunɔ te ta wɔa wunen nɔnuɔ yen biru kaa yam wa a ka yakɔ wuna ge ga wɔa wunen kpaasin nɔnu sɔɔ.

Dāru ka ten binu

(I maa mɛɛrio Mateu 7:16-20, 12:33-35)

⁴³ Dɔa geeru ta ku ra bii kɔsunu ma. Mɛya maa dɔa kɔsuru ta n̄ bii geenu marumɔ. ⁴⁴ Domi dāru baatere, ten binun diya ba ra tu gie. Ba ku ra gandun binu sɔri sɔka wɔllɔ, mɛya maa ba ku ra bereru sɔri awīi wɔllɔ. ⁴⁵ Tɔn geo u ra gɔa geenu yarewa gɔa geenu sɔɔn di ni nu berua win gɔruɔ. Tɔn kɔso maa gɔa kɔsunu yaramɔ gɔa kɔsunu sɔɔn di ni nu berua win gɔruɔ. Domi ye ya yiba tɔnun gɔruɔ ya yarimɔ, yeya nɔɔ ga ra gere.

*Dinu yiru**(I maa mɛrio Mateu 7:24-27)*

⁴⁶ Mban sɔna i man sokumɔ Yinni Yinni, ma i kun mɔ ye na bɛɛ sɔmɔ. ⁴⁷ Baawure wi u na nɛn mi ma u nɛn gari nɔmɔ ma u yi mɛm nɔwammɛ, kon bɛɛ sɔsi wi u ka weenɛ. ⁴⁸ U ka durɔ goo weenɛ wi u diru banimɔ, ma u gba n duku u kperu girari u sere kpɛkpɛku sura. Ma nim yibura na, ma nim tora ya dii te swee, adama ya n kpɛa ya dii te wuke yɛn sɔ ta bana wã. ⁴⁹ Adama wi u nua, ma u kun kue, u sãawa nge durɔ goo wi u diru banimɔ tem dira wɔllɔ, ma u kun kpɛkpɛku sure. Nim tora ya dii te swee. Yande ta wɔra, ma ten wɔrumaa kpɛa.

7*Yesu u tabu sunɔ goon yoo**bɛkia**(I maa mɛrio Mateu 8:5-13)*

¹ Ye Yesu u gari yi kpuro tambu sɔwa u kpa, u da Kapenamɔ. ² Tabu sunɔ goo wãa mi u yoo mɔ, wi u kɛ gem gem. Yoo wiya u barɔ sere u wasikira. ³ Ye tɔnwero wi, u Yesun labaari nua, yeya u nɔn Yuuban guro gurobu gabu gɔria bu nɔn suuru kana u na u win yoo bɛkia. ⁴ Ye ba tura Yesun mi ba nɔn suuru kana gem gem ba nɛɛ, n tura a durɔ wi ye kua ⁵ domi u bɛsɛn bweseru kɛ. Wiya maa sun bɛsɛn mɛnnɔ yeru bania.

⁶ Ma Yesu u ka bu swaa wɔri. Ye u yɛnu ge turuku kua yera tabu sunɔ wi, u win bɔrɔba gɔra bu Yesu sɔ u ku tii gɔngɛ ko, domi wi kun be tura u du win yɛnu. ⁷ Yɛn sɔna u n tii garisi goo wi u koo ka tii da Yesun mi. Adama u be gesi gari geruo, win yoo

u koo bekura. ⁸ Domi wi, u gabu wiru kp̄iye, u maa tabu kowobu m̄ be u kpare. U n turo s̄owa u doo, u ra n d̄owa. U n maa ben goo s̄owa u na, u ra n sisiwa. U n win yoo s̄owa u yeni koowo, u ra n maa ye m̄wa.

⁹ Ye Yesu u gari yi nua biti ya n̄n mwa, ma u s̄ira u t̄mbu s̄owa be ba n̄n sw̄i u n̄e, na n̄ gina naane doke baka binin bweseru waare, baa Isireliba s̄o.

¹⁰ Ye ḡro be, ba ḡsira ȳnū ba deema yoo wi, u bw̄a dora.

Yesu u ḡmini goon bii seesia

¹¹ Yen sisiru Yesu da wuu gagun mi, ge ba ra soku Nayini. Win bw̄abu ka maa t̄n w̄ru guna n̄n sw̄i. ¹² Saa ye u wuu gen gb̄ararun k̄nn̄o turuku kua, u wa ba aluwaasi goon goru s̄owa ba ka yarī bu sike. U s̄awa win m̄ron bii teere te u m̄. Win m̄ro maa, ḡminiwa. Wuugibu dabira w̄a ka wi. ¹³ Ye Yinni u kur̄o wi wa win w̄nw̄nda n̄n mwa, ma u n̄n s̄owa u n̄e, a ku sw̄i.

¹⁴ Yera u susi u goo ten kpakororu baba. Be ba tu s̄owa ba ȳra. Ma u n̄e, aluwaasi wun̄e, na nun s̄om̄, a seewo.

¹⁵ Ma goo te, ta seewa ta sina ta gari gerum̄. Ma Yesu n̄n win m̄ro wesia. ¹⁶ B̄rum be kpuro mwa, ma ba Gusun̄o siaram̄ ba gerum̄ ba m̄, Gusun̄on s̄om̄ damgiiwa u bu kurema. Gusun̄owa u win t̄mbu naawa. ¹⁷ Yesun labaari ye, ya yabi Yudea kpuro s̄o ka maa yen beri kpuro.

Yohanu Bat̄mu kowon

ḡrobu

(I maa m̄erio Mateu 11:2-19)

18 Yohanun bwāaba nùn ye kpuron labaari sōwa. Ma u win bwāa ben yiru soka, 19 u bu gōra Yesun mi bu nùn bikia, wiya wi u sisi? Nge ba n kpao mara. 20 Ye durō be, ba tura win mi, ba nēē, Yohanu Batemu kowowa sun gōrima wunen mi su bikia, wuna wi u sisi? Nge sa n kpao mara.

21 Saa ye sō, u tōn dabinun baranu ka ben alebu bekia, ma u ben wērekunu gira, u maa wōko dabinu yam waasia. 22 Ma u bu wisa u nēē, i doo i Yohanu tusia ye i wa ka ye i nua. Wōkoba yam waamō, yēmōba sīimō, be ba bara disigiru barō ba bekuramō ba dēeramō, sosobu ba gari nōmō, ba gōribu seeyamō, ma ba sāarobu Labaari gean waasu mō. 23 Doo nōrugiiwa baawure win naane ya yō dim dim nē sō.

24 Ye Yohanun gōroba sīa, ma u tōn dabinu Yohanun gari sōbu wōri. U bu bikia u nēē, mba i mēerim da ghaburō. Yakō ge woo ga toorimō? 25 Durō wi u yāa bēeregīnu sebua? Wee, be ba yāa gobiginu sebua ma ba wāaru dimō dukia sō, beya ba wāa sina kpaanō. 26 N n mēn na, mba i mēerim da. Gusunōn sōmō goo? Mēya na bēē sōmō yēro mam Gusunōn sōmō kere mi n toma. 27 Domi Yohanu wiya win gari ba yorua ba nēē,

“N wee, na nēn gōro gōra wunen wuswaa wi u koo nun gbiiya u wunen swaa sōmē.”

28 Na bēē sōmō ma be tōn kurōba mara sō, goo kun Yohanu kere, adama wi u yākabu bo Gusunōn bandu sō, u Yohanu kere.

29 Ye ba ye nua, tōmbu kpuro ka ghere mwaōbu sannu ba Gusunō gem wē, domi beya Yohanu u raa batemu kua. 30 Adama Falisiba ka wooda yērobu ba

ñ daa wure Yohanu u bu batemu ko. Nge meya ba ka yina ye Gusunɔ u gɔru doke u bu kua.

³¹ Ma Yinni u bikia u neɛ, mba kon ka tɛn tɔmbu weesina. Mba ba ka weene. ³² Ba sãawa nge bibu be ba sɔ yaburɔ, ba sokunamɔ ba mɔ, sa beɛ guuru soowa ma i ñ yawa. Sa beɛ gɔɔ womu kua, i ñ maa swĩ. ³³ Domi Yohanu Batemu kowo u na, u ñ dñanu dimɔ, u ñ maa tam nɔrumɔ, ma i neɛ, u werɛkunu mɔ. ³⁴ Tɔnun Bii u na, u dimɔ u nɔrumɔ, ma i gerumɔ u sãa dim kĩro ka tam nɔro, ghere mwaɔbu ka kɔsan kowobun bɔrɔ. ³⁵ Ka me, Gusunɔn bwisi yi ra tii sɔɔsi bwisi gee be ba yi wuran mi.

Yesu dimɔ Falisi goon yenuɔ

³⁶ Falisi goo wi ba mɔ Simɔɔ u Yesu dim soka. Ma Yesu u dua win dirɔ u sina u ka di. ³⁷ Kurɔ tanɔ goo wãa wuu mi. Ye u nua ma Yesu u dimɔ Falisi win yenuɔ, yera u ka too buraru na te ta turare yiba. ³⁸ U yɔra Yesun biruɔ win naasu gia u sumɔ. Ma win yĩresu naa si waaya, ma u su sunkumɔ ka win seri, u su sɔsumɔ, ma u su turare ye wisi. ³⁹ Falisi wi u Yesu dim soka, ye u wa me, u gerua win gɔruɔ u neɛ, durɔ wi, ù n Gusunɔn sɔmɔn na, u ko n yɛ kurɔ weren bwesera wi u nùn babamɔ, domi kurɔ tanɔwa. ⁴⁰ Ma Yesu u neɛ, Simɔɔ, na gari gee mɔ yi kon nun sɔ.

Ma Simɔɔ u neɛ, yinni, a geruo.

⁴¹ Ma Yesu u neɛ, durɔ goo wãa wìn dibu tɔmbu yiru ba neni. Turo neni sii geesun gobi neera wunɔbu (500), turo maa weeraakuru. ⁴² Ye ba ñ gãanu wa bu kɔsia, ma u be yiru kpuro suuru kua. Tɛ be yiru ye sɔɔ, wara koo nùn kĩa n kere.

⁴³ Simɔɔ u neɛ, na tamaa wi ba suuru kua n kere.

Ma Yesu u nùn sɔɔwa u neɛ, gema a gerua.

⁴⁴ Yera u sīra kurō win mi gia ma u Simōo bikia u nēē, a kurō wi wa? Ye na dua wunen yenuo a n̄ man nim k̄a n ka n̄en k̄ōri kpakia, adama kurō wini u n̄en naasu waaya ka win yīresu, ma u su sunka ka win seri. ⁴⁵ A n̄ man tōbura ka sōsubu, adama kurō wini, m̄in di na dua, u n̄ n̄en naasu sōsum deri. ⁴⁶ A n̄ gum wisi n̄en wiru wōllo, adama kurō wini u turare wisi n̄en naaso. ⁴⁷ Yen s̄ō, na nun s̄ōmō ma kurō win durum baka ye, ba n̄n̄ ye suuru kua. Yeya n dera win kīra kp̄ēa. Adama wi ba fiiko suuru kua, u ra n kīwa fiiko.

⁴⁸ Ma u kurō wi s̄ōwa u nēē, ba nun wunen durum suuru kua.

⁴⁹ Be ba s̄ō ba dimō ka wi, ba bikianamō, wara wini wi baa tōmbun durum u mam suuru m̄ō. ⁵⁰ Ma u kurō wi s̄ōwa u nēē, wunen naan̄e dokebu nun faaba kua. A doo ka alafia.

8

T̄on kurō be ba Yesu swī

¹ Yen biru Yesu u wuu marosu ka baru kpaanu da da, u waasu m̄ō u Gusun̄on bandun labaari gea kparamō. Ma bwāabu wōkura yiru ye, ya wāa ka wi, ² ka maa kurōbu gabu b̄en w̄erekunu ba gira, ka gabu be ba bekia ben baranu s̄ōn di. Beya Maari wi ba sokumō Madalagii, w̄in min di w̄erekunu n̄ōba yiru nu doona, ³ ka Yoana wi u s̄āa Kusa, Herodun s̄om kowobun wirugiin kurō, ka Susana ka sere gabu dabiru. Kurō beya ba bu n̄ōrimō ka ben tiin ye ba m̄ō.

Dīa bwese yēkon gari

(I maa m̄ērio Mateu 13:1-9, Maaku 4:1-9)

⁴ Tɔn dabinu na saa wusu dabinun di ba mɛnna Yesun mi. Yera u bu mɔndu kua u nɛɛ, ⁵ durɔ goo yara u ka dɛa bweseru yɛka. Nge mɛ u yɛkamɔ sukum wɔri swaa baarɔ, ma ba taaka, ma gunɔsu gɔsa su di. ⁶ Sukum gam maa wɔri kpee saara wɔllo. Sanam mɛ mu kpiima, mu gbera yɛn sɔ tem yɛndu sari mi. ⁷ Sukum gam kpam wɔri sɛkin suunu sɔɔ, ma sɛki ka mu kpɛa sannu, ma yi mu sɛkenɛ yi go. ⁸ Sukum gam maa kpam wɔri tem gem sɔɔ, ma mu kpia mu binu mara wunɔm wunɔm. Ye u gerua mɛ u kpa, u nɔɔgiru sua u nɛɛ, wi u swaa mɔ u ka nɔ, u nɔɔwɔ.

Mɔnnun asansi

(I maa mɛriɔ Mateu 13:10-17, Maaku 4:10-12)

⁹ Ma win bwɛaba nɔn bikia ba nɛɛ, mba mɔn ten tubusianu. ¹⁰ U nɛɛ, bɛɛya ba wɛ i ka Gusunɔn bandun asiri gia, adama ba gabu gari yi sɔɔmɔ ka mɔnnu, “kpa bu ka mɛri ba kun wa, bɔ n maa nua, kpa n ku bu yeeri.”

Mɔn ten tubusianu

(I maa mɛriɔ Mateu 13:18-23, Maaku 4:13-20)

¹¹ Yesu u nɛɛ, yeniwa mɔn ten tubusianu. Gusunɔn gariya ba yɛkamɔ. ¹² Swaa baaru ta sɛawa nge tɔn be ba ra yi nɔ, kpa Setam yu na yu yi wuna ben gɔrun di bu ku raa ka naanɛ doke kpa bu faaba wa. ¹³ Kpee saara ya sɛawa nge tɔn be ba ra gari yi mwɛ ka nuku dobu sanam mɛ ba yi nɔɔmɔ, adama ba n gbini mɔ. Ba ra naanɛ dokewa saa fiiko sɔɔ, kpa bu biru wura laakari mɛeribun sanam. ¹⁴ Tem mi sɛki wɛa mu sɛawa nge tɔn be ba ra yi nɔ, adama nge mɛ ba dɔɔ, wururabu ka dukia ka handunian dobu ra yi sɛke yi go, ben binu ku ra ye. ¹⁵ Tem gem mu maa sɛawa nge tɔn be ba ra gari yi ba nua nɛnɛ

ben gōru geu sō ka nuku tia, ma ba binu marumō ka tēmanabu.

Fitilan mǝndu

(I maa mǝerio Maaku 4:21-25)

¹⁶ Yesu kpam nǝǝ, goo sari wi u ra fitila mǝni kpa u gu wekeru wukiri, n̄ kun mǝ u gu doke kpin yerun kǝkǝrǝ. Adama u ra gu sǝndiwa dabu wǝllǝ, kpa be ba dumǝ ba n ka yam bururam waamǝ. ¹⁷ Domi gǝanu sari ni ba berua ma nu n̄ koo tera, mǝya gǝanu maa sari ni ba kua asiri sǝǝ ma nu n̄ koo giara kpa nu sǝǝsira batuma sǝǝ.

¹⁸ Yen sǝ, i n laakari sǝa nge mǝ i nǝǝmǝ. Domi baawure wi u mǝ, wiya ba koo wǝ. Baawure wi u kun maa mǝ, ba koo n̄n mwaari ye u tamaa u mǝ.

Berǝ ba sǝa Yesun wǝnǝbu

ka win mǝro

(I maa mǝerio Mateu 12:46-50, Maaku 3:31-35)

¹⁹ Yesun wǝnǝbu ka win mǝro ba na win mi, adama ba kpana bu n̄n susi tǝn dabinun sǝ. ²⁰ Ba n̄n sǝǝwa ma win wǝnǝbu ka win mǝro ba yǝ tǝǝwǝ ba kǝ bu n̄n wa.

²¹ Adama u bu sǝǝwa u nǝǝ, be ba Gusunǝn gari swaa daki, ma ba yi mǝm nǝǝwammǝ beya ba sǝa win wǝnǝbu ka win mǝro.

Yesu u nim kurenu marisia

(I maa mǝerio Mateu 8:23-27, Maaku 4:35-41)

²² Sǝǝ teeru Yesu dua goo nimkuu sǝǝ ka win bwǝabu, ma u bu sǝǝwa u nǝǝ, i de su tǝbura daa burerun guru giǝ.

Ma ba goo wuka ba doona. ²³ Sanam mǝ ba dǝǝ, u dweeya. Yera woo bǝkǝ ga seewa daa bure te sǝǝ, ma goo ga nim yibuǝ. Ba wǝa kari sǝǝ. ²⁴ Ba n̄n susi

ma ba nùn yamia ba nɛɛ, Yinni, Yinni, sa kam kobu dɔɔ.

Ye u yanda u woo ka nim kurenu gerusi. Ma n sure ma n mari sɔɔ sɔɔ. ²⁵ Ma Yesu u bu bikia u nɛɛ, ma sɔɔra i bɛɛn naane doke.

Berum bu mwa ka biti, ma ba bikianamɔ, durɔ weren bwesera wini wi baa woo ka nim ù n wooda wɛ, n da nùn mɛm nɔɔwɛ.

Yesu u wɛɛkunugii bɛkia

(I maa mɛrio Mateu 8:28-34, Maaku 5:1-20)

²⁶ Ma ba Gadaran tem tura mɛ n ka Galile wuswaa kisine. ²⁷⁻²⁹ Ye u sara temɔ u durɔ goo wa u wee wuu gian di u ka nùn yinna. Durɔ wi, u wɛɛkunu mɔ. Nɔn dabira nu ra nùn seeri. Ba ra nùn bɔke ka yɔni nɔma ka naasɔ kpa ba n nùn kɔsu. Adama u ra bɔkubu kpuro kasuku kpa wɛɛku ni, nu ka nùn da gɓaburɔ. Terera u ra n wɔa saa tɛɛbun di, u ku ra sine yɛnuɔ, ma n kun sikaɔ. Yera Yesu u wɛɛku ni wooda wɛ nu doona durɔ win min di.

Ye durɔ wi, u Yesu wa u wura takana u wɔruma win wuswaaɔ ma u nɔɔgiru sua wɔllɔ u nɛɛ, mba n sun mɛnnɛ nɛ ka wunɛ Yesu Wɔrukoon Bii. Na nun kanamɔ a ku man tɔya ko.

³⁰ Ma Yesu u nùn bikia u nɛɛ, amɔna wunen yɛsiru. Ma u wisa u nɛɛ, Nɔrɔbu, domi u wɛɛku dabinu mɔ.

³¹ Ma wɛɛku ni, nu Yesu suuru kana nu nɛɛ, u ku de nu da wɔru bɔkɔ * sɔɔ.

³² N deema kurusɔ wuu bakaru gara wɔa ta dimɔ guuru wɔllɔ. Ma wɛɛku ni, nu Yesu suuru kana nu nɛɛ, u de nu da kurusɔ ni sɔɔ. Ma u nu yɔllaa kua.

³³ Ma nu durɔ wi doonari, nu da kurusɔ nin mi. Ma

* **8:31** wɔru bɔkɔ - Wɔru bɔkɔ ge, ga sɔawa Setam wɔa yeru te ta n nɔru mɔ.

kurusɔ wuu te, ta duki sure daa bureru sɔɔ ta nim diira.

³⁴ Sanam mɛ be ba nu kpare ba wa ye n koora, ba duki sua. Ba da ba labaari ye yɛbi wuu maroɔ ka baru kpaanɔ. ³⁵ Tɔmba yara bu ka wa ye n koora. Ba da Yesun mi ma ba durɔ wi deema win min di werɛkunu doona, u sɔ Yesun bɔkuɔ u bekuru wukiri u wura win laakari sɔɔ, ma berum bu mwa.

³⁶ Bɛn nɔni biru ya koora ba tɔmbu sɔɔwa nge mɛ n kua werɛkunugii wi, u ka bekura. ³⁷ Gadaran tem girum tɔn be kpuro ba Yesu suuru kana ba nɛɛ, u bu desirario, domi berum bakam bu mwa. Ma u goo nimkuu dua u gɔsira. ³⁸ Durɔ wi, win min di werɛkunu doona, u Yesu suuru kana u nɛɛ, u de bu da sannu. Adama Yesu u nɔn gɔsia u nɛɛ, ³⁹ u gɔsiro win yɛnuɔ, kpa u kpura kpuro ye Gusunɔ u nɔn kua.

Ma u doona u da u kpura wuu ge sɔɔ kpuro ye Yesu nɔn kua.

Yarusin bii ka kurɔ

wi u Yesun yaberu baban gari

(I maa mɛrio Mateu 9:18-26, Maaku 5:21-43)

⁴⁰ Ye Yesu u wurama ma tɔn wɔru ga nɔn dam koosia, domi ba raa nɔn marawa be kpuro. ⁴¹ Wee durɔ goo wi ba ra soku Yarusi, mɛnnɔ yerun wirugii, u da u yiira Yesun wuswaaɔ u nɔn suuru kana u na win yɛnuɔ. ⁴² Domi win bii teere te u mara, ta wasikiramɔ. Bii wi, u sɔawa wɔndia wi u wɔɔ wɔkura yiru mɔ.

Ye u dɔɔ mi, tɔn wɔru ga nɔn mɔnsi. ⁴³ N wee, kurɔ goo u wɔa mi, wi u yɛm wɔibu barɔ saa wɔɔ wɔkura yirun di. [U win gobi di kpuro tim nɛmɔbun mi,] ben goo kun maa kpɔa u nɔn bekie.

⁴⁴ U Yesu susi biruɔ ma u win yaberun swaa bua

baba. Yande win yem wĩ bi, bu yōra. ⁴⁵ Ma Yesu u bikia u nēē, wara man baba.

Ye be kpuro ba sikimō, Piēē ka be ba wāa ka wi, ba nēē, Yinni, n n̄ tōn wōruwa ga nun sēke ga ka sikerene? [Ma a bikiamō wara nun baba?]

⁴⁶ Adama Yesu u nēē, goo u man baba, domi na gia ma nen dam mu sōmburu kua.

⁴⁷ Ye kurō wi, u gia ma ba nūn tuburi, yera u na u yiira ka diiribu Yesun wuswaaō. Tōmbu kpuron nōni biru u gerua yēn sō u nūn baba, ka maa mē u bekura yande. ⁴⁸ Ma Yesu nūn sōōwa u nēē, bii kurōbu, wunen naane dokebu nun bekia, a doo ka alafia.

⁴⁹ Sanam mē u gari mō, goo u na u mēnnō yerun wirugii wi sōōwa ma win bii u gu kō, u ku maa keu koosio gōngerē ko.

⁵⁰ Yesu u ye nua, ma u nūn sōōwa u nēē, a ku berum ko, a gesi naane dokeo, u koo bekura.

⁵¹ Ye u tura yenu mi, u n̄ dere goo u ka nūn due ma n kun mō Piēē ka Yohanu ka Yakōbu ka bii win tundo ka win mēro. ⁵² Be ba wāa mi kpuro ba sumōwa ba tii soomō bii win sō. Adama Yesu u nēē, i ku swĩ, u n̄ gu, u dōwa.

⁵³ Ba nūn yaakoru wōri, domi ba yē ma u guwa. ⁵⁴ Ma Yesu u bii win nōma nenua ma u gerua ka dam, wōndia a seewo.

⁵⁵ Wōndia win hunde ya wurama, ma u seewa mii mii. Ma Yesu u bu sōōwa u nēē, bu nūn dīanu wēeyō. ⁵⁶ Ma biti ya win mōwōbu mwā, adama Yesu u bu yiire u nēē, bu ku raa goo sō ye n koorā.

9

Yesu u bwāabu wākura yiru gōra

(I maa mērio Mateu 10:5-15, Maaku 6:7-13)

¹ Ma Yesu u win bwāabu wākura yiru soka u mēna u bu dam kā ka yiiko bu ka wērekunu kpuro gira, bu ka maa baranu bekia. ² Ma u bu gōra bu ka ban te Gusunō u koo swīin waasu ko kpa bu barōbu bekia. ³ Ma u bu sōwa u nē, i ku gāanu kusenu ko sanum mē sō, baa dēka n̄ kun mē bōru n̄ kun mē dīanu n̄ kun mē gobi, kpa i ku maa yaberu yiruse nēnē. ⁴ Yēnu gēn mi i sōbia, i sinō mi sere i ka doona wuu gen min di. ⁵ Wuu mi ba n̄ bē dam koosie, i yario wuu gen min di, kpa i bēen naasun tua bu kpare nge yīreru te ta bu ben taarē sōsimō.

⁶ Ba seewa ba doona baru kpaa kpaaka, ba Labaari gea kparamō ma ba barōbu bekiamō yam kpuro.

Herodun laakari seewa

(I maa mērio Mateu 14:1-12, Maaku 6:14-29)

⁷ Herodu sunō u nua kpuro ye Yesu u mō, ma ya win laakari burisina. Domi gaba gerumō Yohanuwa wurama gōrin di.

⁸ Gaba maa gerumō Eliwa kurama.

Ma gaba gerumō Gusunōn sōmō yerukobun turowa wurama saa gōrin di.

⁹ Ma Herodu u nē, na dera ba Yohanu wiru bura. Adama wara wini win gari na nōmō mēnin bweseru.

Ma u kasu u nūn wa.

Yesu u tōmbu nōrōbun

suba nɔɔbu diisia
(I maa mɛɛrio Mateu 14:13-21, Maaku 6:30-44,
Yohanu 6:1-14)

¹⁰ Yesun bwāa be, ba gɔra ye wɔma ba nùn saaria kpuro ye ba kua. Ma u bu sua ba tii mɛna ba da wuu gagun bera gia ge ba ra soku Besaida. ¹¹ Tɔn wɔru ga gia gee u wāa, ma ga nùn swīi. U bu dam koosia ma u bu ban te Gusunɔ u koo swīin gari sɔmɔ, u maa bu bekiamɔ be ba barɔ.

¹² Ye sɔɔ kpeeyɔ be wɔkura yiru ye, ba nùn susi ma ba nɛɛ, a tɔn be karo bu da wusɔ ka baru kpaanɔ bu kpin yeru kasu ka ye ba koo di, domi ghaburu sɔɔra sa wāa mini.

¹³ Yera Yesu u bu sɔɔwa u nɛɛ, i bu dīanu wɛɛyɔ bɛɛn tii bu di.

Adama ba nɛɛ, pɛɛ nɔɔbu ka swɛɛ yiru tɔnawa sa mɔ, ma n kun mɔ à n kī bɛɛn tii su da su dīanu kasuma tɔn be kpuron sɔ baasi ya.

¹⁴ Tɔn be sɔɔ, tɔn durɔbun geera tura nge tɔnu nɔrɔbun suba nɔɔbu (5.000). Ma Yesu u win bwāa be sɔɔwa u nɛɛ, i bu sinasio wuu wuuka, weeraakuukuubu.

¹⁵ Ma ba kua mɛ ba be kpuro sinasia. ¹⁶ Yesu u pɛɛ nɔɔbu ye sua ka swɛɛ yiru ye, ma u nɔni seeya wɔlɔ u Gusunɔn domaru bikia, ma u ye murura u bwāa be wɛ bu tɔn dabi te yabua. ¹⁷ Be kpuro ba di ba deba. Ma ba sukum gure birenu wɔkura yiru sɔɔ ye ba di n tiara.

Piɛɛ nɛɛ, Yesu u sāawa

wi Gusunɔ u gɔsa

(I maa mɛɛrio Mateu 16:13-19, Maaku 8:27-29)

¹⁸ Sɔɔ teeru sanam mɛ Yesu u kanaru mɔ beɛ tia, ka win bwāabu sannu, u bu bikia u nɛɛ, wara tɔmba gerumɔ na sāa.

¹⁹ Ba nɛɛ, Yohanu Batɛmu kowowa. Gaba ra gere, Eliwa, gaba ra maa nɛɛ, Gusunɔn sɔmɔ yerukobun turowa u wurama ɔɔrin di. ²⁰ Ma u bu bikia u nɛɛ, bɛɛn tii maa ni, wara i gerumɔ na sɔa.

Piɛɛ u nɛɛ, wuna Kirisi wi Gusunɔ u ɔɔrima.

²¹ Ma u bu nɔɔ goosi bu ku raa goo sɔ.

Yesu u win ɔɔ ka win seebun

gari mɔ

(I maa mɛrio Mateu 16:20-28, Maaku 8:30-9:1)

²² Yesu u kpam nɛɛ, Tɔnun Bii u n koo ko u kun nɔni sɔɔre gem gem, kpa guro gurobu bu nɔn yina ka yɔku kowo tɔnwerobu ka wooda yɛrobu, kpa bu nɔn go kpa u sikura sɔɔ itase.

²³ Ma u be kpuro sɔɔwa u nɛɛ, goo u n ki u man swi nge bɔɔ, u win ɔɔru ki ru derio, kpa u win tiin dɔa bunanaru sua baadomma, kpa u n man swi. ²⁴ Domi baawure wi u ki u win wɔaru di ka win ɔɔru ki ru, u koo tu bia. Adama baawure wi u win wɔaru yina nen sɔ, wiya u koo tu wa ka gem.

²⁵ Arufaani yerɔ tɔnu u mɔ, baa u n handunian ɔaanu kpuro wa, ma u tii kam koosia n kun mɛ u win wɔaru bia. ²⁶ Domi baawure wi u nen sekuru mɔ ka maa nen gari, Tɔnun Bii u koo maa win sekuru ko u n wurama ka win yiiko ka Baabagia ka wɔllun ɔɔrado dɛerobugia. ²⁷ Na bɛɛ sɔɔmɔ ka gem, gabu ba yɔ mini be ba n gbimɔ bu ka ban te wa te Gusunɔ u koo swi.

Yesun wasi ɔɔsia

(I maa mɛrio Mateu 17:1-8, Maaku 9:2-8)

²⁸ Ye u gari yi gerua u kpa, yen sɔɔ nɔɔba itase u Piɛɛ ka Yohanu ka Yakɔbu sua u yɔɔwa guuru wɔllɔ u wa u ka kanaru ko. ²⁹ Nge mɛ u kanaru mɔ win

wuswaa gəsia tuka, ma win yānu burura fem fem.
³⁰⁻³¹ N wee tumbu yiru, Məwisi ka Eli, ba kurama ka
 wəllun girima ba ka nūn win doonarun gari mō te u
 koo doona Yerusalemun di. ³² Piεε ka win kpaasibu
 ben wasi bunia ka dom, adama ba dom kparura ma
 ba Yesun yiikon girima wa ka tən be yiru be ba yō ka
 wi. ³³ Nge mε tən be, ba Yesu dəsirarimō, Piεε nūn
 sōwə u nεε, yinni, n wā sa n wāa mini. Su kunu ita
 ko, teeru wunεgiri, teeru Məwisigiri, teeru maa
 Eligiri. Domi u n̄ yē ye u gerumō.

³⁴ Nge mε u gari mō mεsum, bukō ga na ga bu
 wukiri, ma bεrum bwāa be mwa ye ba wa mεsum.

³⁵ Ma nōo gagu ga nōora bukō gen min di ga nεε,
 winiwa nən Bii wi na tii gəsia, i wigia nōowō.

³⁶ Gari yin biru, Yesu tia wi turo. Bwāa be, ba ye
 ba wa mi tii marisi, ba n̄ goo gεε sōwə sōo mεε te
 sōo.

Yesu u bii wi wεrεku ga wāasi

bεkia

(I maa mεerio Mateu 17:14-18, Maaku 9:14-27)

³⁷ Yen sisiru, sanam mε ba sara guuru wəllun di,
 tən wəru guna ya Yesu sennō na. ³⁸ Yera tən wəru
 gen suunu sōon di durō goo u gbāra u nεε, yinni, na
 nun kanamō, a nən bii durōbu ge mεerio, domi u sāa
 bii teere te na mō. ³⁹ Wεrεku ga ra nūn sērewa kpa u
 gbāra suaru sōo, kpa gu nūn bemisia, kpa gu de u n
 yāatam pōkeru mō kpa u tii mεera ko, yen biru kpa
 gu nūn doonari. ⁴⁰ Na wunen bwāabu kana bu gu
 gira, adama ba n̄ kpīa.

⁴¹ Yesu nεε, tən kōso naanε doke sarirugibu, sere
 saa yerà ko na n ka bεε wāa. Sere domma ko na n ka

bɛɛ tɛmanɛ. Ma u durɔ wi sɔɔwa u nɛɛ, a ka wunɛn bii wi na mini.

⁴² Sanam mɛ u ka bii wi susiɔ, wɛɛku ge, ga nùn tem kparana ma ga nùn bemisia. Adama Yesu u gu gerusi u bii wi bɛkia, ma u nùn win tundo wesia.

⁴³ Ma Gusunɔn sina te, ta tɔn be kpuro maamaaki kua.

Yesu kpam win gɔɔ

ka win seebun gari mɔ

(I maa mɛɛrio Mateu 17:22-23, Maaku 9:30-32)

Sanam mɛ baawure u kasa ka ye Yesu u mɔ, u win bwɔabu sɔɔwa u nɛɛ, ⁴⁴ bɛɛ i gari yini swaa dakio saa saa. Ba koo Tɔnun Bii tɔmbu nɔmu sɔndia.

⁴⁵ Adama win bwɔaba kun gari yi tuba, domi ba bu yi berue gina, bu ku ka gia. Ma ba berum mɔ bu ka nùn gari yin yaasi bikia.

Wara gisonkoru bo

(I maa mɛɛrio Mateu 18:1-5, Maaku 9:33-37)

⁴⁶ Sikirino ga dua bwɔa ben suunu sɔɔ domi ba kɔ bu gia be sɔɔ wi u bo. ⁴⁷ Yesu u ben gɔrun bwisikunu yɛ. Yera u bii yɔkabu sua u yɔrasia win bɔkuɔ, ⁴⁸ ma u nɛɛ, baawure wi u bii yɔkabu geni wura nɛn yɔsirun sɔ, nɛn tiiwa u wura, baawure wi u maa man wura, u wi u man gɔrima wurawa. Domi wi u saa yɔkabu bɛɛn suunu sɔɔ, wiya kpuro kere.

Wi u kun ka bɛɛ

yibɛɛ tɛɛru nɛni, bɛɛgiwa

(I maa mɛɛrio Maaku 9:38-40)

⁴⁹ Yohanu u nɛɛ, yinni, sa goo wa wi u wɛɛkunu giramɔ ka wunɛn yɔsiru, ma sa nùn yinari yɛn sɔ u n nun swɔi ka bɛɛ sannu.

⁵⁰ Yesu nùn sǝwa u nɛɛ, i ku yǝro yinari, domi wi u kun ka bɛɛ yibɛɛ tɛɛru nɛni, bɛɛgiwa.

Samarin wuu gagugiba yina

bu Yesu dam koosia

⁵¹ Sanam mɛ saa ya turuku kooma bu ka nùn sua u da wǝllo, u gǝru doke dim dim u Yerusalemu da. ⁵² Ma u sǝmǝbu gabu gbiisia ba da ba dua Samarigibun wuu gagu sǝ bu ka nùn ayeru sǝru kua. ⁵³ Adama wuu migibu ba n nùn dam koosie yèn sǝ ba wa n sǝare nge u dǝo Yerusalemu gia. ⁵⁴ Ye win bwǝa beni Yakǝbu ka Yohanu ba wa mɛ, ba bikia ba nɛɛ, Yinni, a kǝ su de dǝo u sarama wǝllun di u tǝn be wǝri?

⁵⁵ U bu sǝire ma u bu gerusi ka dam. [U nɛɛ, i n yǝ ye i bwisikumǝ. ⁵⁶ Domi Tǝnun Bii u n nɛ u ka tǝnun hunde kam koosia. U nawa u ka ye faaba ko.] Ma ba da wuu gam gia.

Be ba kǝ bu Yesu swǝi

(I maa mɛɛrio Mateu 8:19-22)

⁵⁷ Sanam mɛ ba sǝimǝ swaa sǝo goo u nùn sǝwa ma u koo nùn swǝi baama mi u dǝo.

⁵⁸ Yesu nùn sǝwa u nɛɛ, sɛmusu bweusu mǝ, gunǝsu maa sokunu mǝ, adama Tǝnun Bii u n ayeru mǝ mi u koo kpuna.

⁵⁹ U kpam goo sǝwa u nɛɛ, a man swǝiyǝ.

Adama yǝro u nɛɛ, a de n gina da n nɛn tundo sike.

⁶⁰ Yera Yesu u nùn sǝwa u nɛɛ, a derio gǝribu bu ben gǝribu sike, adama wunɛ a doo a Gusunǝn bandun Labaari gea nǝɛsia baama.

⁶¹ Ma goo u kpam nùn sǝwa u nɛɛ, Yinni, kon nun swǝi adama a de n gina da n nɛgibu nǝo kana.

⁶² Yesu u nùn sɔɔwa u nɛɛ, baawure wi u tebo nɔmu sɔndi, ma u biru sɛira, u n̄ maa arufaani gaa mɔ ban te Gusunɔ u koo swĩi sɔɔ.

10

Yesu u bwãabu wata

ka wɔkuru gɔra

¹ Yen biru Yinni u kpam gabu wata ka wɔkuru gɔsa, ma u bu gɔra yiru yiru win wuswaaɔ wuu maro baagere sɔɔ ka baama mi win tii u gɔru doke u ra da. ² U nɛɛ, ye ya ye bu ka gẽ ya kpã, adama be ba gẽemɔ ba n̄ dabi. Yen sɔ, i gbee yẽro kanɔ u kpam tɔmbu m̄arisiamu bu ka gẽ. ³ N wee na bɛɛ gɔrio nge yãa binu demakunun suunu sɔɔ. I seewo i da. ⁴ I ku ka yansurɔru da ka bɔɔru ka baranu, i ku maa goo tɔbiri swaaɔ. ⁵ Yenu gè sɔɔ i dua, i gbiiyo i bu sɔ i nɛɛ, Gusunɔ u bɛɛ alafia kɛ. ⁶ Alafiagii ù n wãa mi, bɛɛn alafia ya ko n wãa ka yẽro. U kun maa wãa mi, ya koo wurama bɛɛ sɔɔ. ⁷ I koowo yenu gen sɔbu kpa i n dimɔ i n n̄orumɔ ye ba bɛɛ wẽ, domi n weenɛ bu sɔm kowo win kɔsiaru wẽ. I ku ko yenu dabinun sɔbu. ⁸ Wuu gè sɔɔ i dua, ma ba bɛɛ dam koosia, i dio ye ba bɛɛ wẽ, ⁹ i barɔbu bekio be ba wãa mi, kpa i bu sɔ ma Gusunɔ u sisi u bandu swĩi. ¹⁰ Adama wuu gè sɔɔ i dua ma ba kun bɛɛ dam koosie, i doo gen yaaraɔ, kpa i nɛɛ, ¹¹ baa ben wuun tua ye ya mani bɛɛn naasɔ, i bu kparemɔ, kpa bu ka gia ma Gusunɔ u sisi u bandu swĩi. ¹² Na bɛɛ sɔɔmɔ, tɔɔ te sɔɔ, Sodomugia koo ko kpakaka ka sere wuu ge.

Wuu sìn tɔmba yinamɔ

bu naanɛ doke

(I maa m̄erio Mateu 11:20-24)

13 Yesu maa nɛɛ, nɔni swāarugiiwa wunɛ Kɔraseni, nɔni swāarugiiwa wunɛ Bɛsaida, domi bā n sɔm maamaakigia ye kua Tiri ka Sidoni sɔɔ, ye ba kua bɛɛn suunu sɔɔ, wuu sin tɔmbu ba ko n daa gɔru gɔsie saa tɛɛbun di, ba n sɔ torom sɔɔ ba n saaki sebua nuku sankiranun sɔ. 14 Yen sɔ, siribun sanam sɔɔ, Tiri ka Sidonigia koo ko kpakaka ka sere bɛɛ. 15 Wunɛ maa Kapenamu, a yĩiyɔ kaa suara sere wɔllo? Aawo, ba koo nun surewa sere gɔriɔ.

16 Ma u win bwāabu sɔɔwa u nɛɛ, wi u bɛɛ swaa daki, nɛna u swaa daki, wi u maa bɛɛ yina, nɛna u yina, wi u maa man yina u maa wi u man gɔrima yinawa.

Wata ka wɔku ten wuramaru

17 Be wata ka wɔku te, ba wurama ka nuku dobu, ma ba nɛɛ, Yinni, sere ka wɛrekunɔ, nu sun wiru kpĩiyawa wunen yĩsirun sɔ.

18 Ma u bu sɔɔwa u nɛɛ, na Setam wa ya wɔrumamɔ wɔllun di nge guru maakinu. 19 N wee, na bɛɛ yiiko wɛ i ka wɛɛ ka nii ka wɛrɔn dam kpuro taaku, gāanu ganu kun maa kpɛ nu bɛɛ mɛɛra ko. 20 Adama, i ku gɔru dora yɛn sɔ wɛrekunu nu bɛɛ wiru kpĩiya, i gɔru doro yɛn sɔ ba bɛɛn yĩsinu yorua wɔllo.

Yesun gɔru ga dora

(I maa mɛɛrio Mateu 11:25-27, 13:16-17)

21 Saa tia ye sɔɔ, Yesun gɔru ga dora too ka Hunde Dɛɛron dam, ma u nɛɛ, Baaba, wɔllu ka tem Yinni na nun siara yɛn sɔ a ka yabu ye yɛrugibu ka bwisigibu berua ma a ye bibu sɔɔsi. N wā Baaba, domi mɛya n ka nun naawa wunen kĩru sɔɔ.

22 Nɛn Baaba u man baayere wɛ. Goo sari wi u Bii yɛ ma n kun mɔ Baaba wi. Goo maa sari wi u Baaba

wi yē ma n kun mō Bii wi, ka maa wi Bii wi, u kī u Baaba sōōsi.

²³ Ma u sīira win bwāabun bera gia u bu sōōwa be tōna u nēē, doo nōōrugiiwa wīn nōni waamō ye i waamō. ²⁴ Domi na bēē sōōmō Gusunōn sōmōbu ka sinambu dabira ba kīa bu wa ye i waamō tē, ba n maa wa. Ba kīa bu nō ye i nōōmō tē, ba n maa nua.

Samarigii wi u tōn geeru kua

²⁵ N wee, wooda yēro goo u seewa u ka Yesun laakari mēeri ma u nēē, yinni, mba kon ko n ka wāaru te ta ku ra kpe tubi di.

²⁶ Yesu nūn bikia u nēē, mba ba yorua wooda sōō. Mba a ra gari mi.

²⁷ U wisa u nēē, “Kaa Gusunō wunen Yinni kīa ka wunen gōru kpuro, ka wunen bwēra kpuro, ka wunen dam kpuro, ka wunen bwisikunu kpuro, kpa a wunen tōnusi kīa nge wunen tii tii.”

²⁸ Yesu nēē, a wisa n dēnde, a koowo mē, kaa n wāaru mō.

²⁹ Adama durō wi, u kī u tii gem wē ma u bikia u nēē, wara nēn tōnusi.

³⁰ Yesu u nēē, a swaa dakio a nō, durō goowa u wee Yerusalemun di u dōō Yerikoō, ma u wōri gbēnōbun nōma sōō. Gbēnō be, ba nūn swaa di, ba nūn so, ma ba doona ba nūn deri u wasikiramō. ³¹ N deema ka saabu, yāku kowo goo sarō ka swaa ye. U durō wi wa ma u sēēna u doona. ³² Mēna maa Lefi goo u tura yam mi. U nūn wa ma u sēēna u doona. ³³ Adama Samarigii goo u wuu dōō u tura win bōkuō. Ye u durō wi wa win wōnwōnda nūn mwa. ³⁴ U susi ma u gum ka tam wisi win mēeran bosu sōō ma u su bōkua. Yen biru u nūn sōndi ye u sōnin wōllō u ka nūn da sōbun sōbia yerō ma u nūn nōōri. ³⁵ Yen

sisiru, u gobi sua yi yi ka sɔm kowon sɔɔ yirun gobi nɛ, u yi sɔbia yerun wirugii wɛ ma u nɛɛ, a durɔ wi nɔɔrio. À n maa di n menɛi kera win sɔ, kon nun kɔsia nà n wurama.

³⁶ Ma Yesu nɛɛ, tɔmbu ita ye sɔɔ, ben wara a tamaa u sãa durɔ win tɔnusi wi u wɔri gbɛnɔbun nɔma sɔɔ mi.

³⁷ U nɛɛ, wi u nùn wɔnwɔndu kua, wiya.

Ma Yesu u nɛɛ, n n mɛn na, a doo kpɔ a n mò mɛ.

Yesu da Maata ka Maarin mi

³⁸ Sanam mɛ ba wãa swaaɔ u wuu gagu dua ma kurɔ goo wi ba ra soku Maata u dera u sɔbia win yɛnuɔ. ³⁹ Kurɔ wi, u wɔnɔ mɔ wi ba ra soku Maari. Wɔnɔ wi, u sɔ Yinnin bɔkuɔ u win gari swaa daki.

⁴⁰ Adama Maata u ka doo kobu wasire, ma u na u nɛɛ, Yinni n n nun gam sãa ye nɛn wɔnɔ u man sɔma ye derie nɛ turo? A n kaa de u na u man somi?

⁴¹ Yinni u nùn wisa u nɛɛ, Maata, Maata, a tii gɔngɛrɛ mò a tii baasi gãa dabinun sɔ. ⁴² Gãa teenun bukatawa tɔnu u mɔ. Gãa geena Maari u gɔsa ni ba n nùn mwaarimɔ.

11

Kanarun gari

(I maa mɛɛrio Mateu 6:9-13, 7:7-11)

¹ Sɔɔ teeru Yesu u kanaru mò gam gum. Saa ye u kpɔ win bwãabun turo u nɛɛ, Yinni kpɔ a sun sɔɔsi mɛ ba ra kanaru ko, nge mɛ Yohanu u win bwãabu sɔɔsi.

² Yesu u bu sɔɔwa bà n kanaru mò ba n da nɛɛ, Baaba, a de ba n yɛ ma wuna sãa Dɛɛro.

A na a bandu swĩi.

³ A sun bɛsɛn dīanu kɛ tɔru baatere.

⁴ A sun beŋen toranu suuru kuo
domi beŋen tii sa ra wi u sun torari suuru kue.
A ku ka sun da kəkiribun bera gia.

⁵ U kpam bu sōwa u nē, nge me n tē wāa, beŋen
turo u n bəro mə, kpa u da win mi wōku suunu sō
u nē u nūn pē ita bəkuro, ⁶ domi win kpaasibun
turowa gam wee, wi kun maa gāanu mə u nūn wē.
⁷ Saa sōn di kpa bəro wi, u nē, u ku nūn baasi, u
kənnə kenua kə, wi ka win bibu ba kpī. U n maa kpē
u se u sere nūn pē wē. ⁸ Yesu u nē, na be sōmō,
baa ū kun seewe u nūn wē bəronun sō, u koo se u
nūn wē yēn bukata u mə kpuro win baasibun sō.
⁹ Na maa be sōmō, i n da bikie, ba koo be wē. I n
da kasu, i ko wa. I n da gambo so, ba koo be kenia.
¹⁰ Domi baawure wi u bikiamō ba koo nūn wē. Wi u
kasu u koo wa. Wi u maa gambo soomō, ba koo yēro
kenia. ¹¹ Be sō, [goon bii ū n nūn pē bikia, u koo
wura u nūn kperu wē?] N kun me ū n swāa bikia, u
koo nūn waa wē? ¹² N kun me ū n sēru bikia, u koo
nūn nia wē? ¹³ Be be i sāa tən kōsobu, ma i yē nge
me ba ra bibu kē geenu wē, beŋen Baaba wəllugii u
n koo be ba nūn kanamō Hunde Dēro wē?

Yesu ka tii yinamō

(I maa mērio Mateu 12:22-30, Maaku 3:20-27)

¹⁴ Yesu u wēku gira ge ga tōnu goo soso kua.
Sanam me wēku ge, ga doona, soso wi, u gari
gerubu wəri, ma tən wəru ga bitī soora. ¹⁵ Adama
gaba nē, wēkunun sunō Beseburu, win dama u
ka wēkunu giramō.

¹⁶ Gaba kī bu win laakari mēri, ma ba nūn bikia
u sōm maamaakigiru ko u ka sōsi ma win yiiko ya
weewa wəllun di. ¹⁷ Yesu u ben bwisikunu yē, yera
u nē, bandu baatere tēn tōmbu ba tabu mō ben tii

tiine sɔɔ, ban te, ta koo kowa bansu kpa ten yenusu su wɔruku. ¹⁸ Mɛya maa Setam yà n ka yen tii tabu mɔ̀, amɔna yen banda koo ka yɔra. Domi i nɛɛ, Beseburun dama na ka wɛɛkunu giramɔ. ¹⁹ Nɛ, nà n wɛɛkunu giramɔ ka Beseburun dam, waran dama bɛɛn bwāabu ba ka ni giramɔ. Ben tiiwa ba koo sɔɔsi ma i tora. ²⁰ Adama n n ka Gusunɔn dam na, na wɛɛkunu giramɔ, ka gem ban te Gusunɔ u swĩi, ta bɛɛ naawa.

²¹ Sanam mɛ durɔ damgii wi u tabu yānu mɔ u win yenu kɔsu win dukia ko n wāawa alafia sɔɔ.

²² Adama goo wi u nùn dam kere, ù n na u nùn wɔri u kamia, u koo win tabu yānu kpuro gura ni u naane sãa kpa u win dukia gabu bɔnu kua.

²³ Wi u kun sãa nɛgii u ka man yibere tɛɛru nɛniwa, wi u ku ra maa gāanu mɛnnɛ ka nɛ sannu, u ra ni yarinasiewa.

*Wɛɛkunun wuramaru
(I maa mɛɛrio Mateu 12:43-45)*

²⁴ Yesu maa nɛɛ, wɛɛkunu nù n doona tɔnun min di, nu ra n bɔsuwa mi gāanu ku ra kpi nu n wɛra yeru kasu nu n bie. Yera nu ra nɛɛ, nu koo gɔsira nin wāa yerɔ mìn di nu raa doona. ²⁵ Nu ra wuramɛ kpa nu deema ta kurare ta sɔnde. ²⁶ Kpa nu da nu ganu nɔɔba yiru kasuma ni nu ni kɔsuru kere, kpa nu du yɛro sɔɔ nu n wāa mi. Saa ye, yɛro win wāa gbiikiru ta koo sãaya ka sere dāakiru.

Nuku doo geebu

²⁷ Sanam mɛ Yesu u gari gerumɔ mɛsum, tɔn wɔrun suunu sɔɔn di kurɔ goo u nɔɔgiru sua u nɛɛ, doo nɔɔrugiiwa wi u wunen gura sua, ma a win bwāa nɔra.

²⁸ Ma Yesu u nɛɛ, n sanɔ a gere, doo nɔrugiba be ba Gusunɔn gari swaa dakimɔ, ma ba yi nenumɔ.

Tomba yireru bikia

(I maa mɛrio Mateu 12:38-42)

²⁹ Sanam mɛ tɔn wɔru ga mɛnnamɔ yera Yesu u nɛɛ, tɛn tɔmbu tɔn kɔsoba. Ba yireru bikiamɔ adama yireru garu maa sari te ba koo bu sɔɔsi ma n kun mɔ Gusunɔn sɔmɔ Yonasigiru. ³⁰ Domi nge mɛ Yonasi u kua yireru Ninifugibun sɔ, mɛya maa Tɔnun Bii, u koo ko yireru tɛn tɔmbun sɔ. ³¹ Siribun sanam sɔɔ Seban tem tɔn kurɔ sunɔ u koo tɛn tɔmbu seesi u bu taare wɛ, yɛn sɔ u na saa tem nɔrun di u ka Salomɔn bwisin gari nɔ. Tɛ n wee, gɔanu wɔa mini ni nu Salomɔ kere. ³² Siribun sanam sɔɔ Ninifugibu ba koo tɛn tɔmbu seesi bu bu taare wɛ ye ba ka gɔru gɔsia Yonasin waasun sɔ. Ma tɛ n wee, gɔanu wɔa mini ni nu Yonasi kere.

Wasin fitila

(I maa mɛrio Mateu 5:15, 6:22-23)

³³ Yesu maa nɛɛ, goo ku ra fitila menɛ kpa u gu bere, n kun mɛ u kaaru wukiri, adama ba ra gu sɔndiwa dabu wɔlɔ, kpa be ba dumɔ ba n ka yam bururam waamɔ. ³⁴ Wunɛn nɔniya yi wunɛn wasin fitila. Wunɛn nɔni yɛ n alafia mɔ, wunɛn wasi kpurowa yi yam bururam mɔ. Adama yɛ kun bwɔa do, wunɛn wasi yɛ n yam bururam wasi. ³⁵ Yen sɔ, a laakari koowo yam bururam mɛ mu wɔa wunɛ sɔɔ mu ku raa ko yam wɔkuru. ³⁶ Wunɛn wasi kpurowa yɛ n yam dɛɛram mɔ, ma yin gam kun wɔa yam wɔkuru sɔɔ, yi kpurowa yɛ ko n dɛɛre nge sanam mɛ fitila ga nun yam bururasie ga ballimɔ.

Yesu u Falisiba ka wooda yɛrobu

ben toranu sǝwǝ

(I maa mǝerio Mateu 23:1-36, Maaku 12:38-40)

³⁷ Sanam mǝ Yesu u gari gerua u kpa, Falisi goo na u nǝn kana u da u yaa dibu di win yǝnuǝ. Ma u da mi, u sina u ka di. ³⁸ Falisi wi, u nǝn mǝera ka biti ye u n ka niǝ nge mǝ ben komaru u sere di. ³⁹ Adama Yinni u nǝǝ, bǝǝ Falisiba i ra nǝra ka gbǝǝrun biru dǝǝrasie adama bǝǝn sǝwǝ i taki ka nuku kǝsuru yiba. ⁴⁰ Gari bakasu bǝǝ! Wi u wasin tǝw kua, n n wiya u maa yin sǝw kua? ⁴¹ I sǝarobu wǝǝyǝ ye ya wǝa gbǝǝrun sǝwǝ, kpa ye ya tie yu bǝǝ dǝera.

⁴² Bǝǝ Falisiba, i ko nǝni swǝaru wa yǝn sǝ i ra bǝǝn karan kpee yi ba ra soku mantu ka duu, yin wǝkuru baateren wǝllǝ tia wǝ. Ka mǝ, i ra gean kobu nǝni sarari, i n maa Gusunǝ kǝru sǝwsimǝ. Yeniwa n weenǝ i ko, kpa i ku ye ya tie deri.

⁴³ Bǝǝ Falisiba, i ko nǝni swǝaru wa yǝn sǝ i ra sin yee gbiikinu kǝ mǝnnǝ yǝnǝ, ka tǝbirinaa tǝn dabinun wuswaaǝ. ⁴⁴ I ko nǝni swǝaru wa, bǝǝ, yǝn sǝ i ka sikiu weenǝ ni goo kun waamǝ, nǝn wǝllǝ ba ra sǝ ba kun ka baaru.

⁴⁵ Wooda yǝro goo u nǝǝ, yinni à n gerumǝ mǝ, ka maa besera a wǝmmǝ.

⁴⁶ Ma Yesu u nǝn wisa u nǝǝ, bǝǝ maa wooda yǝrobu i ko nǝni swǝaru wa, domi i tǝmbu sǝmunu sǝbimǝ ni nu suabu sǝ, ma bǝǝn tii i ku ra ni ture baa ka bǝǝn niki bia. ⁴⁷ I ko nǝni swǝaru wa bǝǝ, yǝn sǝ i Gusunǝn sǝmǝbun sika banimǝ, be bǝǝn baababa ba go. ⁴⁸ Nge mǝya i sǝwsimǝ ye ba kua, i n maa bu taare wǝ. Domi beya ba Gusunǝn sǝmǝbu go, ma bǝǝ i ben sika banimǝ. ⁴⁹ Yeya Gusunǝ u yǝ u ka nǝǝ, wi, u koo bu Gusunǝn sǝmǝbu ka gǝrobu gǝria. Ba koo gabu go, ba koo maa gabu nǝni sǝ, ⁵⁰ kpa bu tǝn

tambu Gusunən sɔmɔ be kpuron yem bikia mɛ mu yari handunian toren di, ⁵¹ saa Abelin yem di sere ka Sakarin yem wi ba go yāku yeru ka sāa yerun baa sɔɔ. Ka geema na bɛɛ sɔɔmɔ, ba koo mu tɛn tambu bikia.

⁵² I ko nɔni swāaru wa, bɛɛ wooda yērobu, yèn sɔ i yērun gambo kɛnua. Bɛɛn tii i n̄ due, i maa yina gabu bu du be ba kī.

⁵³ Ye u yara min di, wooda yērobu ka Falisiba ba nùn gari dabinu bikikia ka yibɛɛ tɛru. ⁵⁴ Ba nùn yēri bɛriammɛ gari sɔɔ, kpa gɛɛ yi ka nùn samba ko.

12

I tii laakari ko ka murafitiru

(I maa mɛrio Mateu 10:26-27)

¹ Saa ye sɔɔ, tɔn wɔru guna ya mɛnna sere ba bɔrikianamɔ ma Yesu u gbɔa u win bwāabu sɔɔwa u nɛɛ, i tii laakari ko ka Falisiban pɛɛ seeyatia ye ya sāa murafitiru. ² Gāanu sari ni nu wukiri ma nu n̄ koo tera. Asirin gāanu maa sari ni ba n̄ koo gia. ³ Yen sɔna ye i gerua kpuro yam wɔkurɔ ya koo nɔɔra yam bururam sɔɔ. Ye i maa gerua dia sɔɔ soon bɔkuɔ ya koo kparara gidambisa wɔllun di.

Wi i ko nasia

(I maa mɛrio Mateu 10:28-31)

⁴ Yesu maa nɛɛ, na bɛɛ sɔɔmɔ, bɛɛ be i sāa nɛn bɔrɔba, i ku bu nasia be ba koo wasi go, ma yen biru ba n̄ kpɛ bu maa gāanu ganu ko. ⁵ Na kon bɛɛ sɔ wi n weenɛ i nasia. I nùn nasio wi u yiiko mɔ u ka kpɛɛ dɔɔ sɔɔ wi u ku ra gbi, ù n go ù n kpa. Mɛya na bɛɛ sɔɔmɔ, wiya n weenɛ i nasia.

⁶ Nge ba ku ra gunəminu nəəbu dore faram yiru ro? Ka me, baa nin teu, Gusuna u ku ra duari. ⁷ Baa mam been wirun seri u yin geeru ye. Yen sa, i ku gāanu nasia domi i gunəonii dabinu beere kere.

Wi u Kirisi wura

təmbun wuswaa

(I maa merio Mateu 10:32-33, 12:32, 10:19-20)

⁸ Yesu maa nee, na bee sōmō, baawure wi u man wura təmbun wuswaa, Tənun Bii u koo nūn wura wəllun gəradoban wuswaa. ⁹ Adama wi u man yina təmbun wuswaa, Tənun Bii u koo maa nūn yina wəllun gəradoban wuswaa.

¹⁰ Baawure wi u Tənun Biin kōsa gerua, ba koo nūn suuru kua, adama wi u Hunde Deero gari kam gerusi, u n suuru kobu wasi.

¹¹ Bā n ka bee da mēnnō yenō, wirugibu ka damgibun mi, i ku wurura i n kasu nge me i ko ka tii yina, n kun me ye i ko gere. ¹² Domi Hunde Deero u koo bee sōosi saa ye, ye n weene i gere.

Gobigii gari bəka goon gari

¹³ Goo tən wəru sōn di u Yesu kana u nee, u nūn win mō sōwō u de bu ben tubi bənu ko.

¹⁴ Yesu u yēro wisa u nee, wara man kua siri kowo been suunu sō n kun me been tubi bənu kowo.

¹⁵ Ma u bu sōwa u nee, ba n ben tii laakari sāa gem gem ka binē baayere, domi dukian kpāara kun tənun wāarun wiru.

¹⁶ Ma u bu mändu garu kua u nee, durō gobigii goon gbera dīanu kua gem gem. ¹⁷ U bwisika u nee, mba u koo ko domi u n ayeru mō mi u koo win dīanu doke. ¹⁸ U nee, ye u koo ko wee. U koo win biranu sura, kpa u kpaanu bani ni nu ni kere, kpa

u win alikama kpuro gure mi ka win dĩa ni nu tie. ¹⁹ Kpa u win tii sō u nɛɛ, wi, u gāa bakanu mō ni nu berua wōō dabinun sō. U koo wēra kpa u n dimō u n nōrumō kpa u n yērimō. ²⁰ Adama Gusunō u nūn sōōwa u nɛɛ, gari bōkō, wōku teni ba koo nun wunen hunde bikia. Ye u sōōru kua mi, weregia ya ko n sāa.

²¹ Ma Yesu u nɛɛ, mɛya n ko n sāa ka wi u dukia taasinamō win tiin sō ma u n dukia mō Gusunōn mi.

*A Gusunō naanɛ koowo
(I maa mɛrio Mateu 6:25-34)*

²² Yen biru Yesu u win bwāabu sōōwa u nɛɛ, yenin sōna na bɛɛ sōōmō i ku wurura bɛɛn wāarun sō ye i ko i di, n kun mɛ bɛɛn wasin sō ye i ko ka yi wukiri.

²³ Domi wāaru ta dīanu kere, wasi maa yānu kere.

²⁴ I gbanamgbaanu lasabu koowo. Nu ku ra duure, nu ku ra maa gē, nu n beru yeru mō, mɛya nu n maa biraru mō, Gusunō maa nu diisiamō. I n gunōsu bɛɛrɛ kere sere mi n toma? ²⁵ Wara bɛɛ sōō, win wururabun saabu, u koo kpī u win wāarun dēebu sosi, baa gōm soo teeru. ²⁶ I kun kpē i gāa piimii nini ko, mban sōna i wurure ka ye n tie. ²⁷ I biibii mɛrio. Ya ku ra sōmburu ko, mɛya ya ku ra maa tari. Ka mɛ, na bɛɛ sōōmō, baa Salomōō ka win yiiko baka, u n buraru koore nge biibii yen tia. ²⁸ Gusunō u n gberun yakasu buraru wē nge mɛ, si su wāa gisō, ma sia su koo dōō mwaara, u n koo bɛɛ yānu sebusia n kere mɛ? Naanɛ doke piibugibu bɛɛ. ²⁹ I kun ye i ko di, ka ye i ko nō tōnan kaso mō, kpa i n wurure yen sō. ³⁰ Handunian tōmba ba yeni kpuro kasu, adama bɛɛn Baaba u yē ma i yen bukata mō. ³¹ I kasuo i ka du mi Gusunō u bandu swīi, yen biru u koo bɛɛ wē ye ya tie.

A dukia beruo wəllə

(I maa mɛɛrio Mateu 6:19-21)

³² Yesu maa nɛɛ, a ku nanda yāa gǝǝ piibu, domi n bɛɛn Baaban gǝru dua u ka bɛɛ doke ban te u swīi sǝǝ. ³³ I dǝro ye i mǝ kpa i yen gobi sāarobu kē. I tii yansurǝnu kuo ni nu ku ra tǝkǝ ko, ka beru yeru Gusunǝ wəllə tē sǝǝ dukia ku ra kpe, mi gbɛnǝ sari wi u koo susi, mi gema maa sari ye ya koo sanku. ³⁴ Domi mi bɛɛn dukia berua, miya bɛɛn gǝru ga ra n woo.

Sǝm kowo be ba swaa mɛɛra

³⁵ Ma Yesu kpam nɛɛ, i de i n sǝǝru sāa i n kpaka sēke pǝraǝ kpa i de bɛɛn fitilanu nu n sǝre. ³⁶ I de i n ka tǝmbu weenɛ be ba ben yinnin wuramaru mara kurǝ kpaa yerun di, kpa bu ka nǝn kenia mii mii sanam mɛ u tunuma u gambo so. ³⁷⁻³⁸ Doo nǝǝrugiba sǝm kowo be, bɛn yinni u koo deema ba swaa mɛɛra ù n tunuma, baa n n wǝku suunun na, n kun mɛ goo gbiikaa yǝ n sumǝ. Ka geema na bɛɛ sǝǝmǝ, u koo sǝǝru ko kpa u bu sinasia u bu nǝri. ³⁹ I de i n yē sāa sāa ma yenu yēro ù n yē saa ye gbɛnǝ u koo na, u koo dom se, u n koo de bu win diru kǝra. ⁴⁰ Bɛɛ maa, i n sǝǝru sāa domi Tǝnun Bii, u koo nawa saa ye i n ka nǝn yīiyǝ.

Yoo naanɛgii

ka naanɛ sarirugii

(I maa mɛɛrio Mateu 24:45-51)

⁴¹ Piɛɛ nɛɛ, Yinni bɛsɛra a mǝn te kua? Nge tǝmbu kpuro.

⁴² Ma Yinni u nɛɛ, wara yoo laakarigii wi u naanɛ mǝ. Wiya wi yenu yēro u koo ko yobun wirugii u ka bu dīanu yabua saa ye n weenɛ. ⁴³ Doo nǝǝrugiiwa

yoo wi, win yinni ù n deema u mɔ̃ mɛ, sanam mɛ u tunuma. ⁴⁴ Ka geema na bɛɛ sɔ̃mɔ̃, yinni wi, u koo nùn win dukia kpuro nɔ̃mu bɛria. ⁴⁵ Adama yoo wi, ù n bwisikumɔ̃ ma win yinni u tɛɛmɔ̃ kpa u se u yoo tɔn durɔ̃bu ka tɔn kurɔ̃bu soberu wɔ̃ri, kpa u n dimɔ̃ u n nɔ̃rumɔ̃, tam mu n nùn goomɔ̃, ⁴⁶ win yinni u koo tunuma dɔ̃ma te yoo wi, u n ka nùn yĩiyɔ̃, ka saa ye u n yẽ. U koo nùn bɔ̃ri kpiri kpirika kpa u de u bɔ̃nu wa ka naane sarirugibu sannu.

⁴⁷ Yoo wi u win yinnin kĩru gia, ma u n gãanu sɔ̃ru kue, ma u n win kĩru kue, win sobera ta koo kpɛ̃a. ⁴⁸ Adama wi u kun gie, ma u kookoosu kua si su ka sɛ̃yasiabu nɛ, win sobera kun kpɛ̃amɔ̃. Wi ba gãa dabinu wẽ, ba koo nùn gãa dabinu bikia. Wi ba maa gãa dabinu nɔ̃mu sɔ̃ndia, wiya ba koo bikia n kere.

Yesu ka karanabu na

(I maa mɛ̃rio Mateu 10:34-36)

⁴⁹ Ma Yesu maa nɛɛ, dɔ̃wa na yẽkam na handuniaɔ̃, na kĩwa u n daa yabure. ⁵⁰ Batɛmu gaa wãa ye na n kon ko na kun kue. Nɛn bwẽra kun kpĩ yèn sɔ̃ ya n gina koore. ⁵¹ I tamaa na nawa n ka alafia wẽ tem mɛ sɔ̃? Aawo, na bɛɛ sɔ̃mɔ̃, karanaba na ka na. ⁵² Domi saa tɛn di tɔmbu nɔ̃bu bà n wãa yɛnu teu sɔ̃, ba koo bɔ̃nu ko. Nɔ̃sinɔ̃ sarira ko n wãa ita ka yirun suunu sɔ̃, n kun mɛ yiru ka itan suunu sɔ̃. ⁵³ Baa ka bii ba n nɔ̃sinamɔ̃, mero ka bii wɔ̃ndia ba n nɔ̃sinamɔ̃, mɛya maa dwaa mero ka biin kurɔ̃ ba n nɔ̃sinamɔ̃.

Saan yĩrenu

(I maa mɛ̃rio Mateu 16:2-3)

⁵⁴ U kpam tɔn wɔ̃ru sɔ̃wa u nɛɛ, i n guru wiru wa ta seemɔ̃ sɔ̃ duu yerun di, i ra gere yande i nɛɛ, gura

wee, meya n da maa ko. ⁵⁵ I n maa wa woo ga m̀^o saa s̄^o ȳ^osan n̄^om dwarun di, i ra n̄^oεε, yam mu koo swĩ^oa. M̄^oy^oa n da maa ko. ⁵⁶ Murafiti b̄^oεε, i w̄^ollu ka tem ȳ^orenun tubusianu ȳ^oε. Am̄^ona i n̄^o ka saa yenin tubusianu ȳ^oε.

Garin wii goberu

(I maa m̄^oεrio Mateu 5:25-26)

⁵⁷ Ma Yesu kpam n̄^oεε, mban s̄^ona i ku ra b̄^oεen tii bwisikue i ka wa ye n d̄^oende. ⁵⁸ Sanam m̄^oε wun̄^oen yib̄^oεε u ka nun d̄^oo siri yer̄^o, a n̄^on suuru kan̄^o swaa mi, kpa a wa a yari, kpa u ku ka nun da siri kowon mi, kpa siri kowo u ku nun sandamu n̄^omu s̄^ondia, kpa sandamu u ku nun doke piris̄^om s̄^oo. ⁵⁹ Na nun s̄^oom̄^o a n̄^o yarim̄^o a kun k̄^osie ye ba nun bure. Baa yen faram, a n̄^o derim̄^o.

13

À kun ḡ^oru ḡ^osie kaa gbi

¹ Saa ye s̄^oo, t̄^ombu gaba na ba Yesu saaria ye n daa Galilegibu deema be Pilati u dera ba go sanam m̄^oε ba Gusun̄^o ȳ^oakuru kuamm̄^oε. ² Yesu u bu wisa u n̄^oεε, i tamaa Galilegii beni ba toranu m̄^o n kere Galilegii be ba tie ȳ^on s̄^o ba wahala wa m̄^oen bweseru? ³ Aawo, na b̄^oεε s̄^oom̄^o, b̄^oεen tii i kun ḡ^oru ḡ^osie, b̄^oεε kpurowa i ko gbi nge be. ⁴ Nge t̄^ombu w̄^okura n̄^oo^obu ka ita ye, be Siloen dii w̄^orukira w̄^ori ta go, i tamaa ba Yerusalemun t̄^on be ba tie kpuro taar̄^oε kerewa? ⁵ Aawo, na b̄^oεε s̄^oom̄^o, b̄^oεen tii i kun ḡ^oru ḡ^osie, b̄^oεε kpurowa i ko gbi nge be.

Figien d̄^oaru te ta ku ra binu ma

⁶ U maa bu mən teni kua u nɛɛ, durɔ goo u dāru mɔ te ba ra soku figie te ba duura win dāa gbaarɔ. U na u ka ten binu kasu u sɔri, ma u n̄ wa. ⁷ U win sɔm kowo sɔɔwa u nɛɛ, n wee yen wɔɔ itawa mi, n̄ n dāa ten marum kasum na, na ku ra wa. A te buro. Mban sɔna ta ayeru dimɔ kam. ⁸ Sɔm kowo wi, u win yinni wisa u nɛɛ, a te derio gina wɔɔ geni sɔɔ, kon ten nuurɔ gbe n ka sikerena, kpa n taaki doke. ⁹ Sɔrɔkudo gasaku ta koo binu ma. Tà kun mara, kpa a sere tu bura.

Yesu kurɔ goo bekia

tɔɔ wɛrarugiru sɔɔ

¹⁰ Tɔɔ wɛrarugiru garu sɔɔ Yesu u Gusunən garin keu sɔɔsimɔ mɛnnɔ yeru garu sɔɔ. ¹¹ N wee kurɔ goo maa wāa mi, wi wɛrɛkunu nu kua barɔ saa wɔɔ wɔkura nɔɔbu ka itan di. U ra n yāarewa, u ku ra kpī u tii dɛmia baa fiiko. ¹² Ye Yesu u n̄n wa ma u n̄n soka u nɛɛ, kurɔ wunɛ a bɛkurawa mi.

¹³ Ma u n̄n nɔma sɔndi. Yande u tii dɛmia ma u Gusunɔ siaram wɔri. ¹⁴ Adama mɛnnɔ yerun wirugii u mɔru bara yèn sɔ Yesu u goo bekia tɔɔ wɛrarugiru sɔɔ, ma u tən wɔru sɔɔwa u nɛɛ, sɔɔ nɔɔba tia wāa yè sɔɔ i ko sɔmburu ko. I na ye sɔɔ, bu ka bɛɛ bekia, n n̄ mɔ tɔɔ wɛrarugiru sɔɔ.

¹⁵ Yesu u n̄n wisa u nɛɛ, murafiti bɛɛ, bɛɛn baawure u ku ra win naa n̄ kun mɛ win ketɛku sɔsie gu da gu nim nɔ tɔɔ wɛrarugiru sɔɔ? ¹⁶ Kurɔ wi maa Aburahamun bwesera. Wee, Setam n̄n bɔkua saa wɔɔ wɔkura nɔɔbu ka itan di. N n̄ weenɛ bu n̄n kusia tɔɔ wɛrarugiru sɔɔ?

¹⁷ Sanam me u yeni gerumə, sekura win werəbu kpuro mwa, ma tən wəru ga nuku dobu mə səm maamaakiginu kpuron sɔ̃ ni u mə.

Mutaadin biman gari

(I maa mɛrio Mateu 13:31-32, Maaku 4:30-32)

¹⁸ U kpam nɛɛ, mba Gusunən bandu ta ka weenɛ. Mba na kon ka tu weesina. ¹⁹ Ta ka mutaadin bima weenɛ, ye goo u sua u kɔ̃ win gbaaru sɔ̃. Ma ya kpia ya kua dāru, ma gunɔsu su sina ten kãasi wəllə.

Pɛɛ seeyatian gari

(I maa mɛrio Mateu 13:33)

²⁰ U kpam nɛɛ, mba na kon ka Gusunən bandu weesina. ²¹ Ta ka pɛɛ seeyatia weenɛ ye kurə goo u sua u doke sakaku nɔ̃ itan som sɔ̃ ma me kpuro mu seewa mu kukua.

Kənnə ge ga n̄ yasu

(I maa mɛrio Mateu 7:13-14, 21-23)

²² Yesu u wuu marosu ka baru kpaanu bukianamə ma u Gusunən garin keu sɔ̃sɔ̃mə u ka dɔ̃ Yerusalemu gia. ²³ Goo u n̄n bikia u nɛɛ, yinni, tambu fiiko tənawa ba koo faaba wa?

U bu wisa u nɛɛ, ²⁴ i kookari koowo i ka du saa kənnə ge ga n̄ yasun di. Domi na bɛɛ sɔ̃mə, dabira ta koo swaa kasu tu ka du, ta n̄ maa kpɛ.

²⁵ Sanam me yenu yɛro u koo ra se u win yenu kenɛ, kpa bɛɛ be i wãa tɔ̃wə i n gambo soomə i n n̄n kanamə u bɛɛ kenia, u koo nɛɛ, u n̄ yɛ m̄n di i na. ²⁶ Saa yera i ko i nɛɛ, i di i n̄ra win wuswaa, u maa Gusunən garin keu sɔ̃si bɛɛn wuun swɛɛ. ²⁷ Sanam meya u koo bɛɛ sɔ̃ u nɛɛ, u n̄ yɛ m̄n di i na, i doonə win min di, bɛɛ kpuro bɛɛ be i kɔ̃sa mə. ²⁸ Miya i ko swĩ kpa i noma wiru sɔ̃ndi sanam

mɛ i ko Aburahamu ka Isaki ka Yakɔbu ka Gusunɔn sɔmɔbu kpuro wa win bandu sɔɔ, kpa bɛɛ i deema ba bɛɛ kɔɔ tɔɔwɔ. ²⁹ Gaba koo na sɔɔ yari yeru ka sɔɔ duu yerun di, sɔɔ yɛsa ka sɔɔ yɛsan di, kpa bu sina bu di win bandu sɔɔ. ³⁰ Wee dɔakoba wɔa be ba koo ko gbiikobu, gbiikoba maa wɔa be ba koo ko dɔakobu.

Yesu ka Yerusalemu

(I maa mɛɛrio Mateu 23:37-39)

³¹ Saa ye sɔɔ, Falisi gabu ba na ba nɛɛ, a doonɔ minin di domi Herodu u kɔ u nun go.

³² U bu sɔɔwa u nɛɛ, i doo i sɛmu ge sɔ, n wee na wɛɛkunu giramɔ, na tɔmbu bekiamɔ gisɔ ka sia, sɔɔ itaseru na kon nɛn sɔmburu dakura. ³³ Adama na n kon ko na kun wɔa sanum sɔɔ gisɔ ka sia ka sin teeru, domi n n koorɔ Gusunɔn sɔmɔ u kam ko gam gum, ma n kun mɔ Yerusalemuɔ.

³⁴ Yen biru u nɛɛ, Yerusalemu Yerusalemu, wunɛ wi a ra Gusunɔn sɔmɔbu go, kpa a bu kpenu kasuku be ba nun gɔriama, nɔn nyewa na kɔa n wunen bibu mɛnna nge mɛ goo mɛro ya ra yen binu mɛnne yen kasa sɔɔ, ma a n wure. ³⁵ N wee, ba koo nun wunen yɛnu deria, adama na nun sɔmɔ, a n maa man wasi sere a ka nɛɛ, na sɔawa domarugii wi u sisi ka Yinnin yɔsiru.

14

Yesu u barɔ goo bekia

¹ Tɔɔ wɛrarugiru garu sɔɔ Yesu dua Falisiban wirugii goon yɛnuɔ u ka di. Ma ba nɔn laakari sɔa. ² N wee durɔ goo wɔn wasi yi mɔsa u yɔ Yesun wuswaaɔ. ³ Ma Yesu u wooda yɛrobu ka Falisiba

bikia u nɛɛ, n weenɛ bu tɔnu bekia tɔɔ wɛrarugiru sɔɔ? Nge n n weenɛ.

⁴ Ba maari. Yera u barɔ wi tii gawe u nɔn bekia ma u dera u doona. ⁵ Ma u bu bikia u nɛɛ, bɛɛn wara, win bii n kun mɛ win naa yà n dɔkɔ wɔri tɔɔ wɛrarugiru sɔɔ, u n koo ye wuna fuuku.

⁶ Yera ba kpana bu gari yi wisi.

Mi n weenɛ a sina

dim soku yerɔ

⁷ Ye u laakari kua ma be ba dim soka nge maa wi, ba sin yee bɛɛɛginu ɔsɔmɔ, u bu mɔndu kua u nɛɛ, ⁸ sanam mɛ ba nun soka kurɔ kpaa yerɔ, a ku sina sin yee bɛɛɛgirɔ. Sɔrɔkudo ba koo ra ɔoo soku wi u nun bɛɛɛ kere. ⁹ Ma wi u bɛɛ kpuro soka u koo na u nɛɛ, a durɔ wi sin yee te wɛɛyɔ. Saa yera sekura koo nun mwa a ka da a sina sin yee birukirɔ. ¹⁰ Adama sanam mɛ ba nun dim soka, a doo a sina sin yee birukirɔ, kpa wi u nun soka u n tunuma u nɛɛ, a seewo nɛn bɔrɔ a na wuswaaɔ. Saa ye, n ko n sãa bɛɛɛ baka wunɛ sɔɔ be kpuron wuswaaɔ be ba sɔ ka wunɛ sannu. ¹¹ Ka geema baawure wi u tii sua wɔllɔ, ba koo nɔn kawa. Baawure wi u maa tii kawa, ba koo nɔn sua wɔllɔ.

¹² U maa wi u nɔn dim soka sɔɔwa u nɛɛ, sanam mɛ a tɔmbu yaa dibu n kun mɛ tɔɔ bakaru soka, a ku wunɛn bɔrɔba soku, n kun mɛ wunɛn maabu, n kun mɛ wunɛn dusibu, n kun mɛ wunɛn beruse gobigibu, kpa ben tii bu ku raa nun soku bu ka nun kɔsia. ¹³ Adama sanam mɛ a tɔmbu dim kana, a sãarobu sokuo ka alebugibu ka kɔri barɔbu ka wɔkɔbu. ¹⁴ Kaa ko doo nɔɔrugii yɛn sɔ ba n mɔ bu ka nun kɔsia. Kaa wunɛn kɔsiaru wa Gusunɔn min di sanam mɛ ba koo geegibu seeya ɔarin di.

*Dim bakam gari**(I maa mærio Mateu 22:1-10)*

¹⁵ Ye be ba dimo ka Yesu sannu, ben turo u gari yi nua ma u nɛɛ, doo nɔrugiiwa wi u koo di ban te Gusuno u swii soɔ.

¹⁶ Ma Yesu nun wisa u nɛɛ, durɔ goo u dim bakam sooru kua ma u tɔn dabiru soka. ¹⁷ Ye dim saa ya tura u win sɔm kowo gɔra tɔn ben baawuren mi bu na domi yaa dibu kpuro sooru kpeera. ¹⁸ Adama be kpuro ba suuru kana ba nɛɛ, ba n fɛɛ wasi bu na. Gbiikoo nɛɛ, wi, u gberu dwa, tilasiwa u ka da u te wa. ¹⁹ Kpao maa nɛɛ, wi, u nɛɛ dwa wasi yiru yiru yen nɔɔbu, ma u koo den ka yi sɔmburu ko u wa.

²⁰ Kpao kpam nɛɛ, tɛ gera wi, u kurɔ sua. Yen sɔna wi, u n kpɛ u na. ²¹ Sɔm kowo wi, u gɔsira u ka be kpuron suuru kana bi da u win yinni sɔɔwa. Yera yinni win mɔru seewa ma u win sɔm kowo sɔɔwa u nɛɛ, a doo fuuku wuun batuma ka gen swɛɛ soɔ a ka sɔarobu na ka alebugibu ka wɔkobu ka kɔri barɔbu.

²² Ma sɔm kowo wi, u nɛɛ, yinni, ye a man yiire mi, na ye kua. Wee, ayera maa tie. ²³ Ma yinni wi, u nɛɛ, a swɛɛ swiio ka karan goonu a tɔmbu duusiama ka kankansi, kpa nen yenu gu yibu. ²⁴ Domi geema na gerumo, baa tɔn ben turo kun maa nen dɛanu dendamo, be, be na gbia na soka.

*Ye tɔnu koo ko**u ka ko Yesun bɔɔ**(I maa mærio Mateu 10:37-38)*

²⁵ Tɔn wɔru guna ya swaa mɔ ba siimo ka Yesu sannu, ma u siira u bu sɔɔwa u nɛɛ, ²⁶ goo u n ki u man swii, ma u n man ki n kere win baa ka win mero ka win kurɔ ka win bibu ka win maabu ka

wənəbu ka win sesubu ka mam win tiin wāaru, u n̄ kpě u ko n̄n bō. ²⁷ Baawure wi u kun win tiin dāa bunanaru sue, u ka n̄n yira swīi, u n̄ kpě u ko n̄n bō. ²⁸ Nge wara bεε sō ù n̄ kī u diru bani, u n̄ koo gina sina u dooru ko u wa win gobi yì n̄ tura u ka tu wiru go. ²⁹ Ma n̄ kun mε, ù n̄ kpεkpεku sura, ma u kpana u dakura, be ba gu waamō kpuro ba koo n̄n yaakoru ko, ³⁰ kpa bu nεε, durō wi, u bana torua, ma u kpana u ye dakura. ³¹ Nge sunō wara ù n̄ seewa ka tabu kowobu n̄rəbun suba wəkuru (10.000) u ka tabu ko ka win sunōsi goo wi u tabu kowobu mō n̄rəbun suba yendu (20.000), u n̄ koo gina sina u mεeri u wa ù n̄ dam mō u ka taa bi ko? ³² Ù n̄ wa u n̄ kpě, sanam mε wini kun tunumam kpa, u koo n̄n sōmōbu gōria bu n̄n bikia ye u koo mōaru mwa bu ku maa ka tabu ko. ³³ Yen sōna bεen baawure wi u kun deri kpuro ye u mō, u n̄ kpě u ko n̄n bō.

Boru te ta nōo gu

(I maa mεerio Mateu 5:13, Maaku 9:50)

³⁴ Ma Yesu maa nεε, boru * gāa geenā, adama boru tā n̄ nōo gu, mba ba koo maa ka tu dorasia. ³⁵ Ba n̄ maa ka tu bukata gaa mō gberō baa taaki wōlō bu ka tem kōsisia. Ba ra kubewa tōwō. Wi u swaa mō u ka nō, u nōwō.

15

Yāa te ta kōra ta maa waara

(I maa mεerio Mateu 18:12-14)

¹ Gbere mwaōbu ka kōsan kowobu kpuro ba susi Yesun mi bu ka win gari nō. ² Ma Falisiba ka wooda

* **14:34** boru - Bō te ba ka yā mini, ta sāawa nge bō swāaru. Ta koo kpī tu nōo gbi.

yērobu ba wākinu wāri ba nēē, durō wini u ka kōsan kowobu mēnnamō ma u ka bu dimō sannu.

³ Yera u bu mōn teni kua u nēē, ⁴ wara bēē sōō, ù n yāanu wunōbu (100) mō, ma teera nūn kōōrari, u n koo wunōbu tia sari yeni deri gbaburō kpa u tu kasum da sere u ka tu dōba. ⁵ Saa ye u tu dōba, u koo tu seru sōndi ka nuku dobu. ⁶ U n tunuma yenuō u koo win bārōba ka win berusebu soku kpa u nēē, i ka man nuku dobu koowo, domi na nēn yāaru dōba te ta raa kōōra. ⁷ Na bēē sōōmō, mēya wōrukobun nuku dobu bu ko n kpā toro turon sō wi u gōru gōsia n kere geegibu wunōbu tia sari be ba kun gōru gōsiabun bukata mō.

Gobi yi yi kōōra yi maa waara

⁸ Yesu maa nēē, nge kurō wara, ù n sii geesun gobi wasi wākuru mō, ma yin tia kōōra, u n koo fitila mēni kpa u diru kura u ka ye kasu ka laakari sere u ka wa. ⁹ U n wa, u koo win bārōba ka win berusebu soku kpa u nēē, i ka man nuku dobu koowo, domi na nēn gobi yi yi raa kōōra wa. ¹⁰ Nge mēya na bēē sōōmō, nuku dobu wāa Gusunōn gōradoban wuswaaō toro turon sō wi u gōru gōsia.

Bii wi u kōōra u maa waara

¹¹ U kpam nēē, durō goo wāa u bii tōn durōbu yiru mō. ¹² Wi u yākabu bo u ben tundo sōōwa u nēē u nūn win dukian bōnu wē ye ya ko n sāa wigia. Ma ben baa u bu win dukia bōnu kua. ¹³ Sōō mēērun biru yākabu wi, u mēnna kpuro ye u mō, ma u ka wuu doona ge ga toma. Miya u win dukia ye kpuro di ka daa beretēkē. ¹⁴ Sanam mē u kpuro di ye u mō, gōō bakara dua tem mē sōō, ma u wāri yāaru sōō. ¹⁵ U da u win tii wuu migii goo wē ma yēro ka nūn da

gberɔ u ka win kurusɔnu kɔsu. ¹⁶ U kĩa u tii debia ka dĩa kokosu si kurusɔnu dimɔ, adama goo kun nùn wê. ¹⁷ Sanam mɛ win laakari wurama u nɛɛ, nɛn baaban sɔm kowobu kpuro ba dĩanu mɔ nu yiba, ma nɛ wee mini na gbimɔ ka gɔɔru. ¹⁸ Na kon se kpa n da nɛn baaban mi n nùn sɔ n nɛɛ, na nùn torari, na maa Gusunɔ torari. ¹⁹ Yen sɔ, u ku man soku win bii. U man koowo win sɔm kowo. ²⁰ U seewa ma u doona win baan mi gia.

Saa yèn di u toma, win baa nùn wa ma wɛnwɛnda nùn mwa. U duka da u nùn gaba ka nuku dobu, u nùn tɔbura ka kĩru. ²¹ Bii wi, u nɛɛ, baaba, na nun torari, na maa Gusunɔ torari. Yen sɔ, a ku maa man soku wunɛn bii. ²² Adama tundo wi, u win yobu sɔɔwa u nɛɛ, i kumbooro tama fuuku ge ga buram bo, kpa i nùn sebusia. I nùn taabu wêyɔ u doke, ka maa baranu. ²³ I doo i naa kpɛma ye suama, ye ya gum mɔ, kpa i ye go. Su di kpa su tɔɔ bakaru ko ka nuku dobu. ²⁴ Domi nɛn bii wi, n sãare u raa gu, ma u wurama wãaru sɔɔ. U raa kɔɔra ma u waara. Ma ba nuku dobu wɔri.

²⁵ N deema bii yeruma u woo gberɔ. Saa ye u wee, ye u yɛnu turuku kua, u gãasu ka yaabu nɔɔmɔ. ²⁶ U yobun turo soka u bikia mba n kua. ²⁷ Yoo wi, u nɛɛ, wunɛn wɛnɔwa u wɛma, yera bɛɛn tundo u naa kpɛma ye go ye ya gum mɔ yèn sɔ u nùn wa alafia sɔɔ. ²⁸ Ma yeruma wi, u mɔru bara sere u n̄ kī u du yɛnuɔ. Ma tundo u yarima u ka nùn kɔkiri. ²⁹ Yera u tundo wisa u nɛɛ, a mɛɛrio wɔɔ dabi tèn di na nun sãamɔ. Na n̄ wunɛn wooda gaa sarare, ma baa boo buu, a n̄ man kɛere n ka nuku dobu ko ka nɛn bɔrɔba. ³⁰ Adama sanam mɛ wunɛn bii wi, u tunuma, wi u wunɛn dukia di ka kurɔ tanɔbu, win

sōna a naa kpema ye go. ³¹ Yera tundo nɛɛ, wunɛ nɛn bii baadommawa a ka man wāa, ye na maa mɔ kpuro, wunɛgia. ³² Adama n weenɛ su nuku dobu ko kpa su yɛɛri yɛn sō wunɛn wɔnɔ wini n sāare u raa gu, ma u wurama wāaru sɔɔ. U raa kōɔra, u maa waaɾa.

16

Sɔm kowo gem sarirugii

¹ Yesu u bwāa be sōɔwa u nɛɛ, durɔ gobigii goo wāa. U sɔm kowo mɔ wi u win yɛnu nɔmu sɔndia. Yera ba sɔm kowo wi kɔrumɔtɔnu kua ba nɛɛ u win yinnin dukia sankumɔ. ² Ma yinni wi, u nùn soka u nɛɛ, mba na nɔɔmɔ ba gerumɔ wunɛn sō. A man sōɔwɔ nge mɛ a wunɛn sɔmburu koosina, domi a n maa kpɛ a ko nɛn sɔm kowo. ³ Sɔm kowo wi, u tii bikia u nɛɛ, mba u koo ko. Wee, win yinni u nùn yaramɔ win yɛnun sɔmburun di. U n dam mɔ u ka wuku, u n maa sekuru kpɛ u bara ko. ⁴ Wee ye u koo ko, kpa gabu bu ka nùn mwa ben yɛnuɔ sanam mɛ ba nùn sɔmburu yara. ⁵ Yera u win yinnin dibugii baawure sokusia ma u gbiikoo bikia u nɛɛ, nyewa a nɛn yinnin dibu nɛni. ⁶ U wisa u nɛɛ, gum yīrutiru wunɔbu (100). U nùn sōɔwa u nɛɛ, u win tireru suo u sina fuuku kpa u yore weeraakuru. ⁷ Ma u kpam goo bikia u nɛɛ, wunɛ, nyewa a nɛni. U wisa u nɛɛ, alikama sakaku wunɔbu. Ma u nùn sōɔwa u win tireru suo kpa u yore wɛnɛ. ⁸ Sɔm kowo naanɛ sarirugii win yinni u nɛɛ, bwisigiin tiiwa. Ma Yesu u nɛɛ, handuniagibu ba bwisi mɔ ben wāasinaa sɔɔ n kere yam bururamgibu.

⁹ Na maa bɛɛ sōɔmɔ, i bɔrɔba kasuo ka handunian dukia, kpa bu ra bɛɛ mwa wāa yɛnu sɔɔ ni nu ku

ra kpe, sanam me dukia ye, ya kpa. ¹⁰ Wi u naane ma gaa piiminu soo, u maa naane ma gaa bakanu soo. Wi u kōsa mō gaa piiminu soo, u maa kōsa mō gaa bakanu soo. ¹¹ Yen sō, i kun naane ma handunia yen dukia soo, wara koo bee dukia gea nomu sandia. ¹² I kun maa naane ma goon gaanu soo, wara koo bee we ye n saa beegia.

¹³ Som kowo kun kpe u yinnibu yiru sa. Domi u koo turo tusi kpa u turo kia, n kun me, u koo turo tii we, kpa u turo gem. I n kpe i Gusuno ka dukia mena i sa sannu.

Gari bwese bweseka

yi Yesu u gerua

(I maa merio Mateu 11:12-13, 5:31-32, Maaku 10:11-12)

¹⁴ Falisiba be ba gobin kiru ma, ba ye kpuro swaa daki ma ba Yesu no swiikinu mo. ¹⁵ U bu soowa u nee, bee i saawa be ba tii gem weemo tambun wuswaa, adama Gusuno u been gorusu ye. Domi ye ba siaramo tambun mi gaa kosuna Gusunan wuswaa.

¹⁶ Sere ka Yohanun saa, wooda ka Gusunan somabu ba wa. Saa sanam men di, ba bandun gari kparamo te Gusuno u swii, ma baawure u kookari mo u ka du ka dam. ¹⁷ Woodan gari piikon sankirabu se, n kere wəllu ka tem kpeebu.

¹⁸ Baawure wi u win kuro yina, ma u kpao sua, u sakararu kuawa. Baawure wi u maa kuro sua win duro nun yina, yero sakararu kuawa.

Gobigii ka Lasaa

¹⁹ Ma Yesu kparam nee, duro dukiagii goo raa wa, wi u ra n yabe nonigiru sebua te ta wesibu wa, ma baadomma win mi, to bakara. ²⁰ Saaro goo raa maa

wāa, wi ba sokumə Lasaa. U booboo su barə, u ra n kpīwa dukiagii win yenu kənnəwə. ²¹ Domi u kī u tiī debia ka dīa buri yi yi wərumamə saa gobigii win tabulu wəllun di. Bōnu ra mam nε nu n win booboo si dabirimə. ²² Sāaro wi, u gu ma wəllun gəradoba ba nūn sua ba ka da gərio mi Aburhamu u wāa. Dukiagii wi, u maa gu, ma ba nūn sika. ²³ U wāa nəni swāaru səə gərio, ma u nəni sua wəllə u Lasaa wa Aburhamun bəkuə. ²⁴ U nəəgiru sua u nεε, baaba Aburhamu, a nən wənwəndu waawo, a Lasaa gərima u win niki bian sēru doke nim səə, kpa u nən yara yemiasia, domi na nəni swāa bakaru waamə dōo yara yeni səə. ²⁵ Aburhamu u nεε, nən bii, a yaayo ma a wunen gāa geenu wa wunen wāarun sanam, mēya maa Lasaa u gāa kōsunu wa. Tē mini win nukura yem, wunε maa a nəni swāaru waamə. ²⁶ Ye kpuron biru bankokoro bəkəwa ga wāa bεε ka bεen baa səə. Be ba kī bu sara minin di bu da bεen mi gia, ba n kpē. Mēya goo kun maa kpē u na mini bεen min di. ²⁷ Dukiagii wi, u nεε, n n mən na, na nun kanamə, baaba, a Lasaa gərio nən baan yenuə, ²⁸ domi na wənəbu nəəbu mə mi, kpa u bu yenin seeda diiya bu ku raa ka nε aye tōyagii te səə. ²⁹ Aburhamu u nεε, ba Məwisi ka Gusunən səməbun tirenu mə, bu nigia nəəwə. ³⁰ Ma u nεε, aawo baaba Aburhamu, goo ù n da ben mi gərin di, ba koo gōru gəsia. ³¹ Ma Aburhamu nūn sōəwa u nεε, bà kun Məwisi ka Gusunən səməbugia nua, ba n naanε dokemə baa goo ù n seewa gərin di.

17

Torarun gari

(I maa mēerio Mateu 18:6-7, 21-22, Maaku 9:42)

¹ Yesu u win bwāabu sōwa u nɛɛ, n n̄ koo ko kōsan yēri yi kun due, adama n̄ni swāarugiiwa w̄n min di yi dua. ² N san̄ bu n̄n n̄ɛru (400) gbinisi win w̄ir̄, kpa bu n̄n kp̄ɛ nim w̄ōku s̄, n kere ù n be ba gema minin turo kōsan yina b̄ria. ³ I tii laakari ko.

Wunen t̄nusi ù n tora, a n̄n gerusio. Yen biru ù n ḡru ḡsia, a n̄n suuru kuo. ⁴ Baa ù n nun tora n̄n n̄ɔba yiru s̄ teeru, ma n̄n n̄ɔba yiru ye, u naam̄ u tuuba m̄, a n̄n suuru kuo.

Naane dokebu

⁵ Ḡrobu ba Yinni sōwa ba nɛɛ, a b̄ɛɛn naane dokebu sosio.

⁶ Ma Yinni u nɛɛ, baa b̄ɛɛn naane dokebu b̄n n n̄ nge d̄ia bima, ma i d̄a teni sōwa tu wukuro tu tii ḡira nim w̄ōku s̄, ta koo maa b̄ɛ m̄m n̄ɔwa.

S̄m kowon wii kp̄ibu

⁷ Yesu maa nɛɛ, b̄ɛɛn goo ù n yoo m̄ wi u wukum̄, n̄ kun m̄ u nɛɛ kparam̄, u koo n̄n s̄ ù n wuma ȳenū u nɛɛ, u na t̄ɛ u sina u di? ⁸ Aawo, u koo n̄n sōwa u nɛɛ, u n̄n d̄ianu s̄ru kuo, u win yaberu sebe kpa u n̄n n̄ɔri, sere u ka di u n̄. Yen biruwa yoo win tii u koo maa di kpa u n̄. ⁹ U koo yoo wi siara ȳen s̄ u kua ye u n̄n yiire? ¹⁰ Aawo, m̄ya maa b̄ɛ i n kpuro kua ye ba b̄ɛ yiire, i yande nɛɛ, i s̄awa yobu. I gesi kua ye n ween̄ i ko.

Yesu t̄mbu w̄kuru b̄kia

¹¹ Sanam m̄ Yesu u d̄o Yerusalemu gia, u kpa Samari ka Galilen baa s̄. ¹² Sanam m̄ u dū wuu gagu s̄, t̄mbu w̄kuru be ba bara disigiru m̄ ba n̄n senn̄ da ma ba ȳra n d̄esire. ¹³ Ba n̄ɔgiru sua ba nɛɛ, yinni Yesu, a b̄ɛɛn w̄n̄w̄ndu waa wo.

14 Ye u bu wa yera u nɛɛ, bu doo bu ben tii yāku kowobu sɔɔsi.

Sanam mɛ ba dɔɔ, n wee ba bɛkura ba dɛɛra.
15 Ben turo, ye u wa ma u bɛkura, u gɔsirama u Gusunɔ siara ka nɔɔgiru. 16 U kpuna Yesun wuswaaɔ u nɔn siara. Samarigiiwa durɔ wi. 17 Yesu nɛɛ, n n̄ be wɔku te kpurowa ba bɛkura? Nɔɔba nnɛ be ba tie, mana ba wāa. 18 Sɔɔ wini turowa u wurama u ka Gusunɔ siara?

19 Ma u nɔn sɔɔwa u nɛɛ, a seewo a doona, wunen naanɛ dokebu nun bɛkia.

Ban te Gusunɔ u koo swīi

(I maa mɛɛrio Mateu 24:23-28, 37-41)

20 Falisiba ba nɔn bikia dɔma te Gusunɔ u koo bandu swīi kpa ba n ka yɛ. Yera u bu sɔɔwa u nɛɛ, Gusunɔn bandu ta n̄ sisi nge mɛ ba koo ka tu wa.

21 Ba n̄ gerumɔ bu nɛɛ, i wa te wee mini, nge te wee miɔnɔ. Domi n wee, Gusunɔ u bandu swīi bɛɛn suunu sɔɔ.

22 Ma u bwāa be sɔɔwa u nɛɛ, sanam sisi m̄ sɔɔ i ko n kī i Tɔnun Biin tɔɔ teeru wa, adama i n̄ tu wasi. 23 Ba koo bɛɛ sɔ, i mɛɛrio mini n̄ kun mɛ miɔnɔ. I ku ka duki da mi. 24 Ka geema nge mɛ guru maakinu ra balli wɔllun goo teerun di sere ka tensim mi, nge mɛya Tɔnun Bii u ko n s̄a win tɔɔ te sɔɔ. 25 Adama gbiikaa, u n̄ koo ko u kun nɔni sɔɔre gem gem kpa t̄ɛn tɔmbu bu nɔn yina. 26 Ye n kua Nɔwɛn sanam sɔɔ, n koo maa ko Tɔnun Biin sanam sɔɔ. 27 Tɔmba dimɔ, ba n̄rumɔ, ba suanamɔ, ba durɔbu ka kurɔbu k̄ɛnamɔ sere n ka girari dɔma te Nɔwɛ u goo dua. Ma nim yibura na ta be kpuro kam koosia. 28 Mɛya n koo maa ko nge Lɔtun saa. Tɔmba dimɔ, ba n̄rumɔ ba dwemɔ ba dɔramɔ, ba dīanu duurumɔ, ba dia banimɔ. 29 Adama dɔma te

Lātu u yara Sodomun di, guri dōogia ka sōo bisu ya na wəllun di ya be kpuro kam koosia. ³⁰ Meya n ko n maa sāa tōo te Tōnun Bii u koo kurama.

³¹ Tōo te sōo, wi u wāa win dii tēera wəllō ma win yānu wāa dirō, u ku raa du u nu sua. Wi u maa wāa gberō, u ku raa gəsirama yenuō. ³² I Lātun kurō yaayo. ³³ Wi u kī u win wāaru di ka win gōru kīru, u koo tu bia, adama wi u win wāaru yina, wiya u ko n tu mō. ³⁴ Ka geema, wōku te, tambu yiru ba ko n kpī kpin yee teeru sōo, ba koo turo sua kpa bu turo deri. ³⁵ Kurōbu yiru ba ko n nammō sannu, ba koo turo sua kpa bu turo deri. [³⁶ Durōbu yiru ba ko n wāa gberō, ba koo turo sua kpa bu turo deri.] ³⁷ Bwāa be, ba nūn bikia ba nēē, ma giara Yinni. Ma u nēē, mi gora wāa miya yaberekunu nu koo mēnna.

18

Gəmini ka siri kowon gari

¹ Yesu u bu mən teni kua u ka bu sōosi ma n weenē ba n da n kanaru mō wērabu sari. ² U nēē, siri kowo goo wāa wuu maro gagu sōo, wi u n Gusunō nasie, u n maa goon bēere yē. ³ Wuu teu ge sōo, gəmini goo maa wāa mi. U ra nē win mi, u nēē, u bu sirio wi ka win yiberē. ⁴ U yina n tē. Adama yen biru u bwisika u nēē, baa mē na n Gusunō nasie, ma na n goon bēere yē, ⁵ ka mē, yēn sō gəmini wini u man bande, kon bu siria ka win yiberē, kpa u ku maa man baasi.

⁶ Yinni u nēē, i nōwō ye siri kowo kōso wi, u gerua. ⁷ Kaa sere gere Gusunō? U n koo win tiin tambu siria be ba nūn wuri koosimō bururu ka yoka? U koo tē u sere bu nōori? ⁸ Na bēē sōomō u koo bu siria ka sendaru. Ka mē, sanam mē Tōnun Bii u koo na u koo naanē dokebu deema tem mē sōo?

Falisi ka ghere mwaaɗ

kanaru

⁹ U kpam mən teni kua tambu gabun sō be ba tii mɛɛra geegibu, ma ba gabu gema. ¹⁰ U nɛɛ, tambu yiru ba dua sãa yero bu ka kanaru ko. Turo sãawa Falisi, turo maa ghere mwaaɗ. ¹¹ Falisi wi, u yō u kanaru mō u win tiin gari mō u nɛɛ, Gusunɔ na nun siara yèn sō na n sãa nge be ba tie, be ba sãa taki diobu ka kōsan kowobu ka sakara kowobu ka mam ghere mwaaɗ nge durɔ wini. ¹² Na ra nɔɔ bōke nən yiru alusuma tia sɔɔ. Na ra maa nən mɔru kpuron wəkuru baateren wɔllɔ tia wɛ. ¹³ Ghere mwaaɗ wi, u yōra n desire, u n kaka u win nɔni sue wɔllɔ, ma u tii bɔkua u nɛɛ, Gusunɔ, na sãawa toro, a nən wɔnwɔndu waaɔ. ¹⁴ Na bɛɛ sōmɔ ghere mwaaɗ wiya u gem wa Gusunɔn wuswaaɗ u ka wa yenuɔ n kere win beruse. Domi baawure wi u tii sua wɔllɔ ba koo nūn kawa. Wi u maa tii kawa ba koo nūn sua wɔllɔ.

Yesu bibu kanaru kua

(I maa mɛɛrio Mateu 19:13-15, Maaku 10:13-16)

¹⁵ Ba ka bibu naamɔ Yesun mi baa ka bii wɛɛnɔ u ka nu nɔmu sɔndi. Adama ye win bwāabu ba ye wa ba bu gerusi. ¹⁶ Ma Yesu u bibu soka win mi u nɛɛ, i de bibu bu na nən mi, i ku bu yinari, domi Gusunɔ u bandu swīi tɔmbun sō be ba ka bu weenɛ. ¹⁷ Ka geema, na bɛɛ sōmɔ, baawure wi u kun ban te Gusunɔ u swīi wure nge mɛ bii u ra win mɔwɔbu wure, u n kpɛ u n sãa ban tegii.

Gobigii goon gari

(I maa mɛɛrio Mateu 19:16-30, Maaku 10:17-31)

¹⁸ Wirugii goo u Yesu bikia u nɛɛ, yinni, a sãawa tɔn geo. Mba na kon ko n ka wãaru te ta ku ra kpe wa.

¹⁹ Yesu nɛɛ, mban sɔna a man sokumɔ geo. Goo sari wi u sãa geo ma n kun mɔ Gusunɔ turo. ²⁰ A wooda yẽ ye ya gerumɔ ya nɛɛ, “i ku sakararu ko, i ku tɔnu go, i ku gbɛni, i ku seeda weesugia di, i bɛɛn tundo ka mɛro bɛɛɛ wẽ.”

²¹ Ma durɔ wi, u nɛɛ, yenɛ kpurowa na wiru kpɛiye saa nɛn aluwaa sirun di.

²² Ye Yesu u yenɛ nua u kpa, u kpam nɛɛ, gãa teena nu nun tie. A dɔro kpuro ye a mɔ, kpa a sãarobu yen gobi bɔnu kua, kaa n dukia mɔ wɔllɔ. Yen biru a na a man swĩi.

²³ Ye durɔ wi, u yenɛ nua win nukura sankira, domi dukia bakagiiwa. ²⁴ Ye Yesu u nùn mɛɛra u nɛɛ, ka geema n ka dukiagibu sɛwa bu ka ban te Gusunɔ u swĩi wura. ²⁵ Domi dukiagii u ka ban te wura, yen sɛsɔ ga kpã ga kere yooyoo gu du yaburan wẽrɔ gu yari.

²⁶ Be ba nùn swaa daki ba nɛɛ, n n mɛn na, wara koo kpĩ u faaba wa.

²⁷ Yesu u bu sɔɔwa u nɛɛ, ye tɔnu kpanɛ, Gusunɔ kun ye kpanɛ.

²⁸ Piɛɛ u nɛɛ, n wee sa deri kpuro ye sa mɔ, sa nun swĩi.

²⁹ Ma Yesu u nɛɛ, ka geema, na bɛɛ sɔɔmɔ, goo sari wi u win yenu deri ban te Gusunɔ u swĩin sɔ n kun mɛ win kurɔ n kun mɛ win maabu ka win wɔnɔbu n kun mɛ win mɛro ka win tundo n kun mɛ win bibu, ³⁰ kpa u kun wa u mwe saa yenɛ sɔɔ n kere ye u deri, ka kpam wãaru te ta ku ra kpe sia.

Yesu u win gɔɔ ka win seebun

gari m̀n ǹn itase

(I maa m̃erio Mateu 20:17-19, Maaku 10:32-34)

³¹ Yesu u w̃kura yiru ye soka win mi ma u ñe, n wee sa Yerusalemu d̃o. Ye Gusuñn s̃m̃aba yorua T̃ñun Biin s̃ k̃puro, ya koo koor̃a. ³² Domi ba koo ññ t̃ñ tukobu ñmu s̃ndia bu ññ yaakoru ko, bu ññ ñni s̃, k̃pa bu ññ ỹatam sie. ³³ B̃a ñ maa ññ so ba k̃pa ba koo ññ go, k̃pa u se g̃arin di s̃o itase.

³⁴ Adama bw̃a be, ba ñ g̃aanu tuba gari yi s̃o. N bu wini ye u ka ỹa. Gari yi kun bu yeeri.

Yesu u w̃ko b̃kia

(I maa m̃erio Mateu 20:29-34, Maaku 10:46-52)

³⁵ Nge m̃e Yesu u Yeriko du, w̃ko goo u s̃ swaa ñõw̃o u bara m̃. ³⁶ Ye u t̃ñ w̃run damu nua ga sar̃, yera u bikia m̃ba ñ kua. ³⁷ Ma ba ññ s̃õwa ba ñe, Yesu Nasaretig̃iwa u sar̃. ³⁸ Ma u ñõg̃iru sua u ñe, Yesu Dafidin sikadobu, a ñen w̃ñw̃ndu w̃aawo.

³⁹ Be ba s̃im̃o wuswaã ba ññ gerusi bu ka ññ marisia. Adama u wure u gb̃ara ñ kere yellu u ñe, Dafidin sikadobu, a ñen w̃ñw̃ndu w̃aawo.

⁴⁰ Yesu u ỹra ma u ñe, bu ka ññ na. Ye w̃ko wi, u tunuma Yesu ññ bikia u ñe, ⁴¹ m̃ba a k̃i ñ nun kua.

U ñe, Yinni, na k̃i ñ yam wawa.

⁴² Ma Yesu u ññ s̃õwa u ñe, a yam w̃aawo, wuññ naañe dokebu nun b̃kia.

⁴³ Yande u yam wa, ma u Yesu sw̃i u Gusuño siaram̃. Sanam m̃e t̃ñ w̃ru ge k̃puro, ba ye wa ma ba Gusuño saabu kua.

19

Yesu ka Sakeu

¹ Yesu u dua wuu ge ba mò Yerikoɔ, u gu bukianɛ.
² Miya durɔ gobigiɪ goo u wãa wi ba mò Sakeu wi u sãa gbere mwaɔbun wirugii. ³ U kī u Yesu wa, adama u n̄ kpīa tɔn wɔrun s̄o yèn s̄o wi, tɔn kpiribuwa. ⁴ Yera u duka da wuswaaɔ ma u yɔɔwa d̄ãa te ba mò sikamɔren wɔllɔ u ka nùn wan s̄o, domi u yē ma miya u koo ka doona. ⁵ Saa ye Yesu u tura yam mi, u n̄ni seeya ma u nùn s̄oɔwa u n̄ɛɛ, Sakeu a sarama kpaaka, domi wunen yenuɔra na kon sɔbia gisɔ.

⁶ Sakeu sarama ka sendaru ma u Yesu dam koosia ka nuku dobu. ⁷ Ye tɔmba ye wa, be kpuro ba w̄ki ba n̄ɛɛ, u da u sɔbia k̄sɔn kowon yenuɔ.

⁸ Sakeu u seewa u yōra Yinnin wuswaaɔ u n̄ɛɛ, n wee Yinni na n̄n dukian b̄onu s̄aaro bu w̄ɛmɔ. Nà n maa goo ḡaanu w̄arari ka taki na nùn yen n̄n n̄n̄ wesiamɔ.

⁹ Yesu u nùn s̄oɔwa u n̄ɛɛ, gisɔ faaba dua yenu ge s̄o yèn s̄o winin tii maa s̄a Aburahamun bweseru.

¹⁰ Domi Tɔnun Bii u nawa u ka kasu be ba k̄ɔra u bu faaba ko.

Nge m̄ɛ s̄am kowoba ka gobi

m̄ɛro kua

(I maa m̄ɛrio Mateu 25:14-30)

¹¹ Sanam m̄ɛ tɔmba yeni swaa daki, u kpam m̄ɔndu kua yèn s̄o u Yerusalemu turuku kua ma ba tamaa Gusunɔ u koo bandu sw̄iwa yande. ¹² Yera u n̄ɛɛ, sina bii goo u bandu dibu da n toma tem gam gia, kpa u wurama yen biru. ¹³ U sere doona u w̄kuru soka win yobu s̄o, ma u ben baawure gobi b̄ɛk̄ɛ ḡɛɛ w̄ɛ u n̄ɛɛ, bu de gobi yi, yi ma sere u ka wurama. ¹⁴ Win temgibu ba nùn tusa ma ba n̄ɔ tia

kua ba tǎmbu gǎra bu nɛɛ, ba ɲ kǐ durǎ wi, u bandu di ben temǎ.

¹⁵ Sanam mɛ u wuma ye u ban te diima, u yoo be soka win mi be u raa gobi wɛ, kpa u ka wa nge mɛ baawuren gobi nùn marua. ¹⁶ Gbiikoo na u nɛɛ, yinni wunɛn gobi yi, yi mara wǎkuru. ¹⁷ U nùn sǎɔwa u nɛɛ, ya wǎ yoo geo. Yèn sǎ a kua naanɛgii gǎa piiminu sǎɔ, na nun kua wuu marosu wǎkurun wirugii. ¹⁸ Yiruse na u nɛɛ, yinni wunɛn gobi yi, yi mara nǎɔbu. ¹⁹ U nùn sǎɔwa u nɛɛ, wunɛ maa, na nun kua wuu marosu nǎɔbun wirugii. ²⁰ Kpao na u nɛɛ, yinni wunɛn gobi wee yi na berua kǐasu sǎɔ. ²¹ Domi na wunɛn berum mǎ yèn sǎ a sǎa tǎn sɛsǎgii. A ra suewa ye a kun yii, kpa a gɛ mi a kun duure. ²² U nùn sǎɔwa u nɛɛ, na kon nun siriwa wunɛn gari sǎɔn di, yoo kam. A yɛ ma na sǎa tǎn sɛsǎgii, na ra sue ye na kun yii, kpa n gɛ mi na kun duure. ²³ N n mɛn na, mban sǎna a ɲ goo nɛn gobi yi wɛ u ka gobi mɛro ko, kpa n nɛnyam mwa ka are sanam mɛ na wǎma. ²⁴ Ma be ba wǎa mi, u bu sǎɔwa bu gobi yi mǎɔ bu wǎkurugii wi wɛ. ²⁵ Ba nùn sǎɔwa ba nɛɛ, yinni, u wǎkuru mǎ kǎ. ²⁶ U nɛɛ, na bɛɛ sǎɔmǎ, wi u mǎ, win mǎru sǎɔra ba koo nùn sosia. Wi u kun maa mǎ, fiiko ye u mam mǎ ba koo nùn mwaari. ²⁷ Yen biru i ka nɛn yiberɛba na mini be ba kun kǐ n bandu di kpa i bu sakiri nɛn wuswaaɔ.

Yesu u Yerusalemu dua

(I maa mɛɛrio Mateu 21:1-11, Maaku 11:1-11, Yohanu 12:12-19)

²⁸ Ye Yesu yeni gerua u kpa, u win swaa mwa u bu gbiiya Yerusalemu gia. ²⁹ Sanam mɛ u Betefagi ka Betani turuku kua, guurun bera gia te ba ra soku Olifin guuru, u tǎmbu yiru gǎra win bwǎabu sǎɔ ³⁰ u

nɛɛ, bu doo wuu ge ga wãa ben wuswaaɔ mi. Bà n dua ba koo keteku buu wa ga sɔri ge goo kun sɔnɪre. U nɛɛ, bu gu sɔsɪama bu ka na. ³¹ Goo ù n bu bikia mban sɔna ba gu sɔsɪamɔ, bu nɛɛ, Yinniwa u gen bukata mɔ.

³² Be u gɔra ba doona, ma ba yabu baayere deema nge mɛ u bu sɔɔwa. ³³ Ye ba keteku buu ge sɔsɪamɔ, gen yinniba nɛɛ, mban sɔna i keteku buu ge sɔsɪamɔ.

³⁴ Ba nɛɛ, Yinniwa u gen bukata mɔ.

³⁵ Ma ba ka Yesu keteku buu ge naawa. Ba ben yãnu tɛria gen wɔllɔ ma ba Yesu sɔndi. ³⁶ Ye u dɔɔ, mɛya tɔmba ben yãnu tɛriamɔ swaa sɔɔ. ³⁷ Sanam mɛ u Yerusalemu turuku kua Olifin guurun swaan bɔkuɔ, win bwãabu kpuro ba nɔɔgɪru sua ba Gusunɔ siaramɔ ka nuku dobu sɔm maamaakiginu kpuron sɔ ye ba wa. ³⁸ Ba nɛɛ, Gusunɔ u sunɔ wi u sisi ka win yĩsɪru domaru kuo, alafia ya n wãa wɔllɔ, kpa yiiko ya n wãa wɔwɔlleɔ.

³⁹ Falisi gabu saa tɔn wɔrun suunu sɔɔn di ba Yesu sɔɔwa ba nɛɛ, yinni a wunɛn bwãa be marisio.

⁴⁰ U bu wisa u nɛɛ, na bɛɛ sɔɔmɔ, baa beni bà n mari, kpenu koo gbãra.

Yesu Yerusalemu swĩiya

⁴¹ Sanam mɛ Yesu u Yerusalemu turuku kua, ye u ye wa yera u swĩi wɔri yen sɔ, ⁴² u nɛɛ, wunɛ Yerusalemu à n daa tɛ yɛ ye ya koo ka nun alafia naawa ni, baa gisɔ! Adama wee, ya nun kukue. ⁴³ Sanam koo nun naawa mɛ sɔɔ wunɛn yibɛɛba ba koo nun tarusi, kpa bu nun koro bure bu nun sɛkenɛ beri berika kpuron di. ⁴⁴ Ba koo nun nam, wunɛ ka wunɛn bibu be ba wãa wunɛn suunu sɔɔ.

Ba ñ derimɔ kpenu nu sɔnna wunɛ sɔɔ, yèn sɔ a ñ tuba saa ye Gusunɔ u nun naawa.

Yesu u dua sãa yerɔ

(I maa mɛɛrio Mateu 21:12-17, Maaku 11:15-19, Yohanu 2:13-22)

⁴⁵ Yesu dua sãa yerɔ ma u kia dɔrobu giram wɔri.

⁴⁶ U bu sɔɔwa u nɛɛ, ba yorua, “Nɛn diru ta ko n sãawa kanarun diru.” Adama bɛɛ i tu kua gbenɔbun wãa yeru.

⁴⁷ Baadomma u ra n Gusunɔn garin keu sɔɔsimɔ sãa yerɔ. Yera yãku kowo tɔnwerobu ka wooda yẽrobu ka Yuuban wirugibu ba kɔ bu nùn go.

⁴⁸ Adama ba ñ yẽ nge mɛ ba koo koosina, domi tɔmbu kpurowa ba nùn swaa daki ma n bu maamaaki sãa.

20

Man diya Yesu u yiiko wa

(I maa mɛɛrio Mateu 21:23-27, Maaku 11:27-33)

¹ Sɔɔ teeru nge mɛ Yesu u Gusunɔn garin keu sɔɔsimɔ sãa yerɔ, ma u Labaari gean waasu mɔ, yãku kowo tɔnwerobu ka wooda yẽrobu ka Yuuban guro gurobu ba kurama. ² Ba nɛɛ, a sun sɔɔwɔ wooda yerà a ka yeni mɔ. Wara u nun yen yiiko wẽ.

³ U bu sɔɔwa u nɛɛ, nɛ maa, na kon bɛɛ gari gɛɛ bikia, kpa i man sɔ. ⁴ Man diya Yohanu u wooda wa u ka tɔmbu batemu kua. Tɔnun min di? Nge wɔllun di.

⁵ Adama ba geruna ba nɛɛ, sà n gerua wɔllun diya, u koo nɛɛ, mban sɔna sa ñ nùn naane doke.

⁶ Sà n maa nɛɛ, tɔnun min di, tɔmbu kpuro ba koo

sun kpenu kasuku domi baawure u Yohanu garisi Gusunən səmɔ.

⁷ Yera ba wisa ba nɛɛ, sa n̄ yɛ man diya. ⁸ Ma Yesu u bu sɔwɔ u nɛɛ, nɛ maa, na n̄ bɛɛ sɔmɔ yiiko ye na ka yeni m̀.

Gbaa wuko k̄sobun gari

(I maa mɛrio Mateu 21:33-46, Maaku 12:1-12)

⁹ Yen biru u tɔmbu mən teni kua u nɛɛ, durɔ goo u resɛm gbaaru kua u dānu duura ma u k̄sobu kasu u bu ye nɔmu bɛria, ma u wuu da n ka tɛ. ¹⁰ Sanam mɛ saa ya tura u sɔmɔ gɔra k̄so ben mi, bu ka n̄n wɛɛma ye n s̄aa wigia. K̄so be, ba n̄n so, ba n̄n gira nɔm dira. ¹¹ U kpam kpao gɔra. Ba n̄n so, ba n̄n yaa kasiki, ba gira nɔm dira. ¹² U kpam itase gɔra. Ba n̄n mɛɛra kua ma ba n̄n gira. ¹³ Gbaa ȳɛro wi, u nɛɛ, mba kon ko tɛ. Kon den nɛn tiin bii k̄nasi bu gɔriawa. Sɔrɔkudo ba koo n̄n bɛɛɛ wɛ. ¹⁴ Adama ye k̄so be, ba n̄n wa, ba geruna ba nɛɛ, wiya s̄aa tubi dio, su n̄n go, kpa gbaa te, tu ko bɛɛgiru. ¹⁵ Ma ba n̄n yara gbaa ten biruɔ, ba n̄n go.

Tɛ mba gbaa ȳɛro wi, u koo bu kua. ¹⁶ U koo na u bu kpeerasia, kpa u win gbaa te k̄so kpaobu nɔmu bɛria.

Sanam mɛ tɔn be ba n̄n swaa daki ba ye nua, yera ba nɛɛ, su ku wa mɛ.

¹⁷ Adama Yesu u bu nɔni k̄ u ka da ma u nɛɛ, mba gari yin tubusianu yi ba yorua ba nɛɛ, “Kpee te banɔba yina, tera ta kua gani gɔmburun dam.”

¹⁸ Baawure wi u kpee te w̄ri, ta koo n̄n b̄ɔku, wi ta maa w̄ri, ta koo n̄n namwa muku muku.

*Wɔ̃ɔ gobin kəsiabun gari**(I maa mɛerio Mateu 22:15-22, Maaku 12:13-17)*

¹⁹ Saa tia ye sɔɔ, yāku kowo tɔnwɛrobu ka wooda yērobu ba kasu bu Yesu mwa, domi ba tuba ma ben sōna u mɔn te kua. Adama ba tɔn wɔru nasie.

²⁰ Ba Yesun laakari mɔ kpuro sɔɔ. Ma ba tɔn samba kowobu gɔra win mi, be ba s̄aare geegibu bu ka nùn mwa win gari gɛɛ sɔɔ, kpa bu nùn tem yēro nɔmu beria. ²¹ Tɔn be, ba nùn bikia ba nɛɛ, yinni sa yē ma wunɛn gari ka wunɛn s̄ɔsira s̄a dee dee, a ku ra maa kīru gem wē, a Gusunɔn swaa s̄ɔsimɔwa gem sɔɔ. ²² N weenɛ su tem yēro wɔ̃ɔ gobi wē? Nge su ku wē.

²³ Ye Yesu u ben bwisiku k̄sɔnu wa, yera u nɛɛ, ²⁴ i man gobi s̄ɔsima. Ma ba nùn yi wē. Ma u nɛɛ, waran foto ka yīrera mi.

Ba nɛɛ, tem yērogi.

²⁵ Ma u bu s̄ɔwa u nɛɛ, n̄ n mɛn na, i tem yēro wēyɔ ye n s̄a tem yērogi, kpa i Gusunɔ wē ye n s̄a Gusunɔgi.

²⁶ Ma ba kpana bu nùn nɔma turi win gari s̄ɔn di tɔmbun wuswaaɔ. Yera ba ka win wisibu biti kua, ma ba ben nɔɔ mari.

*Gɔribun seebun gari**(I maa mɛerio Mateu 22:23-33, Maaku 12:18-27)*

²⁷ Sadiusiba be ba ra nɛɛ gɔriba kun seemɔ, ben gabu ba nùn susi ma ba bikia ba nɛɛ, ²⁸ yinni, n wee ye Mɔwisi u sun yorua. U nɛɛ, “Goon bɛɛrè ù n gu u kurɔ deri, ma u kun ka kurɔ wi bii mara, u koo kpī u nùn tubi di, kpa u ka win bɛɛrè bweseru waawa.”

²⁹ Nge mɛna, tundo turosibu nɔɔba yiru gaba raa wāa. Gbiikoo u kurɔ sua ma u gu, u n̄ ka kurɔ wi bii mɔ. ³⁰⁻³¹ Yiruse ka itase ba nùn sua gɔminiru.

Mɛya n kua sere be nɔɔba yiru ye, ba ka gu. Ba n̄ bii mara. ³² Kurɔ wi, u ra gu. ³³ Gɔribun seebun sanam ben weren kurɔwa u ko n s̄aa. Domi be nɔɔba yiru ye kpurowa ba n̄n gia kurɔ.

³⁴ Yesu u bu wisa u n̄ɛɛ, handunia yen tɔmba ba kurɔbu ka durɔbu suamɔ, ³⁵ adama sibu be ba ko n bɔnu mɔ sian w̄aaru ka gɔribun seebu sɔɔ, ba n̄ kurɔbu ka durɔbu suamɔ. ³⁶ Ba ko n ka wɔllun gɔradoba weenewa ba n̄ maa gbimɔ. Ba ko n s̄aa Gusunɔn bibu domi ba bu seeya gɔrin di. ³⁷ Mɔwisin tii u s̄ɔsi s̄aa s̄aa ma gɔriba koo se, ye u Gusunɔ soka u n̄ɛɛwa, “Gusunɔ Aburahamun Yinni, ka Isakin Yinni, ka Yakɔbun Yinni” aw̄i d̄ɔgii yin gari sɔɔ. ³⁸ Gusunɔ kun s̄aa gɔribun Yinni. U s̄awa wasobugii, domi win mi kpuro ba s̄awa wasobu.

³⁹ Gabu wooda ȳɛrobu sɔɔ ba n̄ɛɛ, yinni, wunen gari yi, yi dende.

⁴⁰ Ba n̄ maa k̄aka ba n̄n ḡaanu ganu bikie.

Dafidi ka wi Gusunɔ u gɔsa

(I maa m̄ɛrio Mateu 22:41-46, Maaku 12:35-37)

⁴¹ Ma Yesu u bu bikia u n̄ɛɛ, amɔna ba koo ka kp̄i bu n̄ɛɛ, Kirisi s̄awa Dafidin bii. ⁴² Domi Dafidin tii u gerua Womusun tireru sɔɔ u n̄ɛɛ, “Yinni Gusunɔ u n̄n Yinni s̄ɔwa u n̄ɛɛ, a sinɔ n̄n n̄m geuɔ,

⁴³ sere n ka nun wunen yibereba taarea.”

⁴⁴ Dafidi ù n n̄n soka Yinni, amɔna u ko n maa ka s̄aa win bii.

I tii laakari koowo

ka wooda ȳɛrobu

(I maa m̄ɛrio Mateu 23:1-36, Maaku 12:38-40)

⁴⁵ Sanam me tən dabira nùn swaa daki, u win bwāabu sōwa u nɛɛ, ⁴⁶ i tii laakari ko ka wooda yērobu be ba kī ba n bōsu ka yabe dēdēnnu, ba tōbirinaa kī batuma sō, ba sin yee gbiikinu kasu mēnnō yenō ka aye bēɛɛginu dim soku yerō. ⁴⁷ Ba gōminibun yenusu dimō, ma ba kana dēdēnnu mō bu ka bu wan sō. Ba koo bu taare wē n kpā.

21

Gobi yi kurō gōmini goo u kpēɛ

(I maa mēɛrio Maaku 12:41-44)

¹ Yesu u nōni seeya ma u dukiagibu wa ba gobi kpēɛmō sāa yerun kpakororu sō mi ba ra gobi doke. ² U maa kurō gōmini sāaro goo wa u gobi piiminu yiru kpēɛmō mi. ³ Ma u nɛɛ, na bēɛ sōmō ka gem, gōmini sāaro wi, u kpēɛ n be kpuro kere be ba tie. ⁴ Domi ye n sōndi ben mōo bakaru sō yera ba wuna ba doke, adama win yāaru sō u kpuro kpēɛ ye u ka tii kōsu.

Yesu u sāa yerun

kōrabun gari mō

(I maa mēɛrio Mateu 24:1-2, Maaku 13:1-2)

⁵ Gaba gerumō ma sāa yeru ta buraru mō ta wā ten kpee buranu ka kēɛ ni ba Gusunō wēn sō. Yera Yesu u nɛɛ, ⁶ sanam sisi mē sō ye i waamō mini kpuro yen gaan kpera kun ko n wāa ten tensim wōllo. Ni kpurowa nu koo wōri.

Wahala ye ya koo na

handunia yu sere kpe

(I maa mēɛrio Mateu 24:3-14, Maaku 13:3-13)

⁷ Ba nùn bikia ba nɛɛ, yinni, n̄ n mɛn na, domma yeni ya koo tunuma. Yĩre terà ta koo gbi tu kookoo si s̄ɔsi.

⁸ Yesu u nɛɛ, i laakari koowo, i ku de bu bɛɛ n̄ni w̄ke. Domi dabira koo na ka n̄n yĩsiru, kpa ba n gerum̄ ba n m̄, saa ya turuku kua, beya ba s̄a Kirisi wi. Adama i ku bu sw̄i. ⁹ I n tabun damu n̄om̄ ka n̄osinaa sariru, i ku nanda. Domi yera n ko n gbi n tunuma, adama n n̄ kpee te mi gina.

¹⁰ Yera u kpam bu s̄ɔwa u nɛɛ, bwesenu koo seesina, sinamba koo maa seesina. ¹¹ Tem yĩiri bakabu ko n w̄a ka baranu ka ḡɔru, gam ka gam. Maamaaki berungii ka yĩre bakanu nu ko n w̄a w̄llo.

¹² Adama yabu ye kpuro yu sere koora ba koo bɛɛ mwa bu bɛɛ n̄ni s̄. Ba koo bɛɛ siri kowobu n̄mu s̄ndia m̄n̄no yeno, ba koo bɛɛ piris̄m doke, kpa bu ka bɛɛ da sina bokobu ka tem ȳrobun k̄nn̄s̄o n̄n yĩsirun s̄. ¹³ Yera n koo bɛɛ ayeru w̄ i ka seeda di. ¹⁴ I de i n ȳ ma n n̄ b̄en bwisikunu i ko ka tii yina. ¹⁵ Domi kon de i gari gere ka bwisi yi b̄en yiber̄ba kpuro ba n̄ kp̄ bu yina, n̄ kun m̄ bu siki. ¹⁶ B̄en m̄w̄bu mam, ka b̄en maabu ka b̄en w̄n̄bu ka b̄en dusibu ka b̄en b̄r̄ba, ba koo bɛɛ bu n̄mu s̄ndia kpa bu dabiru go b̄e s̄ɔ. ¹⁷ Baawure koo b̄e tusi n̄n yĩsirun s̄. ¹⁸ Adama baa b̄en wirun sera kun borim̄. ¹⁹ B̄en t̄manabun saabu b̄en hunde ya koo faaba wa.

Yerusalemun kpeerabun gari

(I maa m̄erio Mateu 24:15-21, Maaku 13:14-19)

²⁰ Ma Yesu maa nɛɛ, d̄ma te i wa tabu kowoba Yerusalemu tarusi, i n ȳ ma yen kpeerasiabu turuku kuawa. ²¹ Sanam m̄, be ba w̄a Yudea, bu su-

uwo guunu wəllu gia. Be ba maa wāa Yerusalemun suunu sɔɔ bu yario, be ba maa wāa gberɔ bu ku wura wuuɔ. ²² Domi saa yeya mɔru kɔsiarun sanam, kpuro yu ka koorɔ ye ba yorua Gusunɔn gari sɔɔ. ²³ Gurigibu ka tɔn kurɔ be ba bibu bɔm kɛmɔ saa ye sɔɔ, ba koo nɔni swāaru wa. Domi nuku sankira bakanu ko n wāa tem sɔɔ, ka maa mɔru baka bu ka tɔn be sɛɛyasia. ²⁴ Ba koo bu sɔsiri ka takobi, kpa bu bu yoru mwa tem baama. Bwese tukunu koo maa Yerusalemu taaku sere nin saa yu ka turi.

Tɔnun Biin naaru

(I maa mɛerio Mateu 24:29-31, Maaku 13:24-27)

²⁵ Yesu kpam nɛɛ, yĩrenu ko nu n wāa sɔɔ ka suru ka kperi sɔɔ. Tem sɔɔ, nɔni swāa bakara koo bwesenu deema kpa nu biti soora nim wɔku ka nim kurenun wurenun sɔ. ²⁶ Nandabu koo tɔmbu wasikira bɔ n mara ye n koo koorɔ handunia sɔɔ, domi wəllun dam mu koo yĩiri. ²⁷ Saa yera ba koo Tɔnun Bii wa u kurama guru wiru sɔɔ, ka dam bakam ka yiiko. ²⁸ Yeni yà n naabu torua, i yɔrɔ sɔnwɔ kpa i bɛɛn wiru seeya yèn sɔ bɛɛn yakiabu turuku kua.

Yĩre te dāa te ba mɔ figie

ta sɔɔsimɔ

(I maa mɛerio Mateu 24:32-35, Maaku 13:28-31)

²⁹ Ma u bu garin weenasii kua u nɛɛ, i dāa te ba mɔ figie mɛerio ka dānu kpuro. ³⁰ Nù n kpararu torua, bɛɛn tii ì n mɛera, i yɛ ma yande tomburura ta turuku kooma. ³¹ Nge mɛya bɛɛ maa, ì n yabu ye wa ya wee, i n yɛ ma n turuku kuawa Gusunɔ u ka bandu swĩi. ³² Ka geema na bɛɛ sɔɔmɔ, saa yenin

tambu gabu ba ñ gbimɔ yabu ye kpuro yu ka koorɔ.
³³ Wollu ka tem mu koo doona, adama nɛn gari kun doonɔ.

I tii laakari ko

³⁴ Ma Yesu kpam nɛɛ, i n bɛɛn tii sɛ, kpa i ku ra ko laakari sariba dibu ka nɔrubun sɔ ka handunian wururabu, kpa tɔɔ te, tu ku bɛɛ suaru wɔri nge yina.

³⁵ Domi ta koo baawure deema wi u wɔa tem mɛ kpuro sɔɔ. ³⁶ Yen sɔ, i n swaa mɛɛra kpa i n kanaru mɔ saa baayere, kpa i dam wa i ka kisira kpuro ye n koo nan di, kpa i ka kpɪ i yɔra Tɔnun Biin wuswaaɔ.

³⁷ Bururu baatere Yesu ra Gusunɔn garin keu sɔsiwa sɔa yerɔ, yoka kpa u da u kpuna Olifin guuru wollɔ. ³⁸ N n kua bururu tambu kpuro ba ra nɛwa win mi sɔa yerɔ bu ka win gari swaa daki.

22

Wirugiba wesianamɔ

bu ka Yesu go

(I maa mɛɛrio Mateu 26:1-5, Maaku 14:1-2, Yohanu 11:45-53)

¹ Pɛɛ ye ba kun seeyatia doken tɔɔ bakaru, te ba ra soku Gɔɔ sararibu ta turuku kua. ² Yɔku kowo tɔnwerobu ka wooda yɛrobu ba bwisi bɛrinamɔ bu ka Yesu go domi ba tɔn wɔrun bɛrum mɔ.

Yudasi u kɪ u Yesu

wirugibu nɔmu sɔndia

(I maa mɛɛrio Mateu 26:14-16, Maaku 14:10-11)

³ Yera Setam ya dua Yudasin gɔruɔ wi ba sokumɔ Isikariɔtu. U sɔawa bwɔabu wɔkura yiru yen turo.

⁴ Ma u da u nɔɔ tia kua ka yɔku kowo tɔnwerobu ka sɔa yerun kɔsobun wirugibu u ka bu Yesu nɔmu

səndia. ⁵ Ben nukura dora ma ba wesiana bu ka nùn gobi kě. ⁶ U wura, ma u swaa kasu u ka bu Yesu nəmu səndia saa ye n weenε kpa tən wəru ga kun yě.

Yesun səuru

Gəə sararibun yaa dibun sǎ

(I maa mεerio Mateu 26:17-25, Maaku 14:12-21, Yohanu 13:21-30)

⁷ Pěε ye ba kun seeyatia doken tǎru tē sǎ ba ra Gəə sararibun yǎanu go, ta tunuma. ⁸ Ma Yesu u Piεε ka Yohanu gǎra u nεε, i doo i Gəə sararibun tǎo bakarun sǎuru ko su ka te di.

⁹ Ba nùn bikia ba nεε, mana u kǐ bu ten sǎuru ko.

¹⁰ U bu wisa u nεε, n wee, i n wuu dua i kpa i ko ka durǎ goo yinna u nim tooru sǎwa. I nùn swǐiyǎ yenu mi u dua, ¹¹ kpa i yenu gen yěro sǎ i nεε, yinni nεε, diru mana u koo be Gəə sararibun tǎo bakaru di ka win bwǎabu. ¹² Yěro u koo bεε gidambisa baka sǎosi ye ba sənwa. Miya i ko sǎuru ko.

¹³ Ba doona ma ba baayere deema nge mε u raa bu sǎwa, ma ba Gəə sararibun tǎo bakarun sǎuru kua.

Yinnin dǎa domaruginu

(I maa mεerio Mateu 26:26-30, Maaku 14:22-26, Korinti I, 11:23-25)

¹⁴ Saa ya tura, ma Yesu u sina u ka di ka win gǎrobu sannu. ¹⁵ Ma u nεε, na kǎa gem gem n Gəə sararibun tǎo baka teni di ka bεε sannu n sere nǎni sǎra. ¹⁶ Na bεε sǎomǎ ma na n maa te dimǎ sere tu ka koorā ban te Gusunǎ u swǐi sǎo.

¹⁷ Yera u nǎra sua u Gusunǎ siara ma u nεε, i tam nǎra ye mǎo i nǎ bεε kpuro. ¹⁸ Na bεε sǎomǎ, saa

tɛn di na n̄ maa tam meni n̄orum̄ sere Gusun̄o u ka bandu swīi.

¹⁹ Yen biru u p̄ɛɛ sua. Ye u Gusun̄o siara u kpa, u ye murura u bu w̄ɛ u n̄ɛɛ, yeniwa nen wasi [yi ba w̄ɛ b̄ɛɛn s̄o. I n̄ da yeni ko i n̄ ka man yaaye. ²⁰ Ye ba dim kpa, u maa n̄ra sua u bu w̄ɛ u n̄ɛɛ, n̄ra yeniwa n̄o m̄w̄ɛɛ kpaaru te ba sire ka nen yem m̄ɛ mu yari b̄ɛɛn s̄o.] ²¹ Adama n̄ wee, wi u koo man d̄om̄ɛ, win n̄omu ga w̄āa gb̄ɛr̄o ka n̄eguu sannu. ²² T̄onun Bii u doon̄o nge m̄ɛ Gusun̄o u yi, adama n̄oni sw̄aarugiiwa wi u koo n̄un d̄om̄ɛ.

²³ Ma ba bikianaa torua, wara u koo yen bweseru ko ben suunu s̄o.

T̄onwerorun sikirino

²⁴ Ma sikirino ga kpaam seewa Yesun bw̄aabun suunu s̄o, ba bikianam̄o ben wi u koo ko t̄onwero.

²⁵ Yesu u bu s̄ōwa u n̄ɛɛ, handunia min sinamba ba ben t̄ambu dam d̄orem̄o, ka m̄ɛ, ba bu sokum̄o gean kowobu. ²⁶ Adama i ku de n̄ s̄āa m̄ɛ b̄ɛɛn mi. I de b̄ɛɛ kpuron t̄onwero u n̄ s̄āa nge b̄ɛɛ kpuron yākabu, kpa wi u s̄āa wirugii u n̄ s̄āa nge s̄om̄o. ²⁷ Wara kere, wi u dim̄o? Nge wi u ka d̄ianu naam̄o. N̄ n̄ wi u dim̄o? Wee, na w̄āa b̄ɛɛn suunu s̄o nge s̄om̄o.

²⁸ B̄ɛɛ i ka man t̄emana nen laakari m̄ɛribun saa s̄o. ²⁹ Yen s̄ōna nge m̄ɛ nen Baaba u man bandu yiiya, m̄ɛya na maa b̄ɛɛ ayeru yiiye, ³⁰ i ka di i n̄o ka n̄ɛ sannu nen bandu s̄o, kpa i n̄ s̄ō sina kitanu w̄allo i ka Isireliban bwesenu w̄okura yiru siri.

Yesu u n̄ɛɛ, Piɛɛ koo n̄un siki

(I maa m̄ɛrio Mateu 26:31-35, Maaku 14:27-31, Yohanu 13:36-38)

³¹ Ma Yinni u n̄ɛɛ, Sim̄o Sim̄o, Setam ya saa wa yu ka b̄ɛɛ sara nge alikama. ³² Adama na kanaru kua

wunen sō kpa wunen naane dokebu bu ku ka kpe. Sanam me a gosirama nen mi, a wunen berusebu dam kēeyo.

³³ Piεε nεε, Yinni na sōoru kpa n ka nun da pirisam sōo ka goo sōo.

³⁴ Ma Yesu u nεε, Piεε na nun sōoma, giso goo dōo gu sere swī kaa man siki nōn ita a nεε, a n man yē.

Yansururu ka bōo

wuu daatiru ka takobi

³⁵ U kpam bu sōowa u nεε, sanam me na bεε gōra yansururu ka bōo wuu daatiru ka baranu sari, i gāanu bia? Ba nεε, aawo, sa n gāanu bie.

³⁶ Ma u nεε, to tē, wi u yansururu mō u tu suo, meya maa wi u bōo wuu daatiru mō. Wi u kun maa takobi mō, u win yaberu dōro u ka ye dwe. ³⁷ Domi na bεε sōoma, nge me ba yorua, “Ba nūn garisi tōn kōso.” Ya n koo ko ya kun man kooe me. Ye n maa sāa nen gari ya wiru gooro.

³⁸ Ba nεε, Yinni, takobi yiru wee. Ma u nεε, su yen baa deri.

Yesu u kanaru mō

Olifin guuru wollo

(I maa mεerio Mateu 26:36-46, Maaku 14:32-42)

³⁹ Ye Yesu u yara u da Olifin guuro nge me win dōone. Ma win bwāaba nūn swī. ⁴⁰ Ye ba tura yam mi, u bu sōowa u nεε, i kanaru koowo kpa i ku du kōkiribu sōo.

⁴¹ Yen biru u ka bu desira fiiko nge me tōnu u koo kpī u kperu kara tu yōran saka ma u yiira mi, u kanaru kua. ⁴² U nεε, Baaba à n kī, a de wahala ye, yu man desirari. Adama a de wunen kīru tu koorā, n n mō negiru.

[⁴³ Yera Gusunən ƣərado u nùn kurema wəllun di u ka nùn dam kē. ⁴⁴ Nuku sankira bakanu sɔɔ u kanaru mɛ ka dam, ma win wenyənu kua nge yem nu dāakumɔ temɔ.]

⁴⁵ Ye u kanaru kua u kpa, u da win bwāabun mi ƣia. U bu deema ba do ka nuku sankiranu. ⁴⁶ Ma u bu sɔɔwa u nɛɛ, mban sɔna i do. I seewo i kanaru ko kpa i ku du kəkiribu sɔɔ.

Yesun mwaabu

(I maa mɛerio Mateu 26:47-56, Maaku 14:43-50, Yohanu 18:3-11)

⁴⁷ Sanam mɛ Yesu u ƣari yi mɔ, yera tən wəru ƣa tunuma, ma wi ba sokumɔ Yudasɔ, wəkura yiru yen turo, u bu ƣbiiye. U Yesu susi u ka nùn nɛnɛ u bəkasi. ⁴⁸ Ma Yesu nɛɛ, Yudasɔ, ka tɔbiri tenin bwesera kaa ka Tɔnun Bii yibɛɛba nɔmu sɔndia?

⁴⁹ Be ba wāa ka Yesu sannu, ye ba wa ye n koo ko, ba nɛɛ, Yinni, su ka bu takobi sɔro?

⁵⁰ Ma ben turo u yāku kowo tənweron sɔmɔ sɔra u win nɔm ƣeun soo bura. ⁵¹ Ma Yesu nɛɛ, i den derio mɛ.

Ma u durɔ win soo ƣe baba u ƣu bɛkia. ⁵² Yen biru Yesu u yāku kowo tənwerobu ka sāa yerun kɔsobun wirugibu ka Yuuban guro gurobu sɔɔwa u nɛɛ, nɛna bɛɛ i mwaabu na ka takobi ka bokunu nge swaa dio? ⁵³ Baadommawa na wāa ka bɛɛ sāa yerɔ, ma i n̄ man mwɛ. Tɛ bɛɛya i saa yeni mɔ, bɛɛ ka yam wɔkurun damgii.

Piɛ u Yesu siki

(I maa mɛerio Mateu 26:57-58, 69-75, Maaku 14:53-54, 66-72, Yohanu 18:12-18, 25-27)

⁵⁴ Ye ba Yesu mwa ba kpa, ba ka nùn da yāku kowo tənweron yenuɔ. Piɛ bu swīi dandankuru.

⁵⁵ Ba dɔɔ sɔrua yɛnu yaaraɔ, ma gaba sɔ mi. Piɛɛ u maa sina ka be. ⁵⁶ Sɔm kowo tɔn kurɔ goo u nɔn wa u sɔ dɔɔn bɔkuɔ, ma u nɔn nɔni girari u nɛɛ, durɔ wini maa, u raa wɔa ka wi.

⁵⁷ Adama u siki u nɛɛ, kurɔ wunɛ na n nɔn yɛ.

⁵⁸ N tɛ fiiko, goo kpam nɔn wa ma u nɛɛ, wunɛ a maa sɔawa tɔn begii.

Ma Piɛɛ u durɔ wi sɔɔwa u nɛɛ, aawo, na n sɔa begii.

⁵⁹ Yen biru n kua kɔba tian saka, goo u maa wure u nɛɛ, ka geema durɔ wini maa, u raa wɔa ka wi, domi Galilegiwa.

⁶⁰ Piɛɛ u nɛɛ, wunɛ, na n yɛ ye a kɔ a gere.

Yande nge mɛ u gari yi mɔ, goo dɔɔ ga swɔ. ⁶¹ Ma Yinni u sɔira u Piɛɛ mɛɛra. Yera Piɛɛ u gari yi yaaya yi Yinni u raa nɔn sɔɔwa u nɛɛ, gisɔ goo dɔɔ gu sere swɔ, kaa man siki nɔn ita. ⁶² U yara tɔɔwɔ u swɔ ka nuku sankiranu.

Ba Yesu yaakoru mɔ

(I maa mɛɛrio Mateu 26:67-68, Maaku 14:65)

⁶³ Tɔn be ba Yesu nɛni ba nɔn gari bɔkɔ mɔ ba nɔn soomɔ. ⁶⁴ Ba nɔn wuswaa wɔkua ma ba nɔn sɔɔmɔ u tubuo wi u nɔn so.

⁶⁵ Ma ba nɔn wɔm dabinu ganu wɔmmɔ.

Ba Yesu sirimɔ Yuuban

tɔnwerobun mɛnnɔ yero

(I maa mɛɛrio Mateu 26:59-66, Maaku 14:55-64, Yohanu 18:19-24)

⁶⁶ Ye yam sɔra, Yuuban guro gurobu ka yaku kowo tɔnwerobu ka wooda yɛrobu ba mɛnna ma ba dera ba ka Yesu da ben siri yero. ⁶⁷ Ba nɛɛ, a sun sɔɔwɔ à n sɔan na Kirisi wi.

Yesu bu wisa u nɛɛ, baa nà n bɛɛ sɔɔwa i n̄ naane dokemɔ. ⁶⁸ Mɛya nà n maa bɛɛ gãanu bikia, i n̄ man wisimɔ. ⁶⁹ Saa tɛn di, Tɔnun Bii u koo sina Gusunɔ damgiin nɔm geuɔ.

⁷⁰ Be kpuro ba nɛɛ, n̄ n man na wunɛ Gusunɔn Biiwa?

Ma u bu wisa u nɛɛ, oo, nɛ Gusunɔn Biiwa, nge mɛ i gerua.

⁷¹ Yera ba nɛɛ, mban seedawa sa maa kasu. Bɛɛn tii sa ye nua saa win nɔn di.

23

*Ba ka Yesu da Pilatin wuswaaɔ
(I maa mɛɛrio Mateu 27:1-2, 11-14, Maaku 15:1-5,
Yohanu 18:28-38)*

¹ Ma ba seewa be kpuro sannu ba ka Yesu da Pilatin kɔnnɔwɔ. ² Ba n̄n durum manibu wɔri ba nɛɛ, sa wini deema u tɔmbu bwisi kɛmɔ bu ka bandu kɔri bwia, u maa yinamɔ bu tem yɛro wɔɔ gobi kɔsia. U tii sokumɔ Kirisi, sina boko.

³ Pilati u n̄n bikia u nɛɛ, wunɛ Yuuban sina bokowa?

Yesu u nɛɛ, oo, nge mɛ a gerua.

⁴ Pilati u yãku kowo tɔnwerobu ka tɔn wɔru sɔɔwa u nɛɛ, na n̄ taarɛ gaa wa durɔ wi sɔɔ.

⁵ Adama ba nɔɔ girari ba nɛɛ, u tɔmbu bwisi kɛmɔwa bu ka sanna, u bu yen keu sɔɔsimɔ. U torua Galilen di ma u da Yudean tem kpuro sɔɔ. Wee, u maa na mini tɛ.

Ba ka Yesu da

Herodun wuswaaɔ

⁶ Ye Pilati u yeni nua, u bikia durɔ wi, ù n Galilegiin na. ⁷ Ye u gia ma u weewa Herodun

bandun tem di, u nùn gɔsia win mi. Herodu maa wāa Yerusalemuɔ saa ye sɔɔ. ⁸ Sanam mɛ Herodu u Yesu wa, win nukura dora gem gem. Saa tɛɛbun diya u kasu u nùn wa, win labaari ye u nɔɔmɔ ba gerumɔn sɔ. Domi u yĩiyɔ u Yesun sɔm maamaakigiru wa dɔma te u koo nùn wa. ⁹ U nùn gari bikia n ka tɛ adama Yesu kun nùn gɛɛ wisa. ¹⁰ Yāku kowo tɔnwɛrobu ka wooda yẽroba wāa mi, ba nùn durum manimɔ ka dam. ¹¹ Herodu ka win tabu kowobu ba nùn yaakoru kua ma ba nùn gari bɔkɔ kua. Ye ba nùn yabe buraru sebusia ba kpa ba nùn gɔsia Pilatin mi. ¹² Yen dɔma tera Pilati ka Herodu ba dora, be, be ba raa yibɛɛ tɛɛru mɔɔsine.

Ba Yesu taarɛ wɛ bu go

(I maa mɛɛrio Mateu 27:15-26, Maaku 15:6-15, Yohanu 18:39-19:16)

¹³ Pilati u yāku kowo tɔnwɛrobu ka Yuuban wirugibu ka tɔn wɔru sokusia. ¹⁴ U bu sɔɔwa u nɛɛ, i ka man durɔ wini naawa nge wi u tɔmbu bwisi kɛmɔ bu ka bandu kɔri bwia. N wee, na gari yin asansi bikia bɛɛn wuswaaɔ, na n maa gāanu wa durɔ wi sɔɔ, ni nu sɔɔsimɔ ma geema ye i gerua win sɔ. ¹⁵ Mɛya maa Herodun tii, domi u sun nùn wesiama. Durɔ wi kun gāanu kue ye n ka gɔɔ nɛ. ¹⁶ Yen sɔ, na kon nùn kara nà n nùn sɛɛyasia na kpa.

[¹⁷ N deema tɔɔ bakaru baatere tilasiwa Pilati u ka pirisɔm turo kara.]

¹⁸ Ba nɔɔgiru sua be kpuro sannu ba nɛɛ, a wini goowo, kpa a sun Baraba kara!

¹⁹ Ba raa Baraba wi doke pirisɔm sɔɔ yèn sɔ u tɔmbu sannɔ bɔrie wuu sɔɔ, u maa tɔnu go. ²⁰ Pilati u kpam ka bu gari kua yèn sɔ u gɔru doke u Yesu

kara. ²¹ Adama ba wurenu seewa ba nɛɛ, a kpareo, a nùn dǎa bunanaru kpareo!

²² Pilati u kpam bu sɔɔwa nɔn itase u nɛɛ, kɔsa yerà u kua. Na ò gǎanu wa wi sɔɔ ye n ka gɔɔ nɛ. Yen sɔ, nà n nùn sɛɛyasia na kpa, kon nùn kara.

²³ Adama ba wure ba nɔɔgiru sua ba nɛɛ, bu nùn kpareo. Ma ben wurenu nu nùn kamia. ²⁴ Ma Pilati u wooda yi nge mɛ ba bikia. ²⁵ U wi ba bikia yɔsu wi ba pirisɔm doke sannɔ ka tɔn goobun (200) sɔ, ma u bu Yesu deria ben gɔru kĩru sɔɔ.

Ba Yesu kpare

dǎa bunanaru wǎllo

(I maa mɛɛrio Mateu 27:32-44, Maaku 15:21-32, Yohanu 19:17-27)

²⁶ Sanam mɛ ba ka Yesu dɔɔ, ba goo mwa wi ba mò Simɔɔ Sirɛnigii, wi u win gberu wee, ma ba nùn dǎa bunanaru sɔbi u ka Yesu swĩi.

²⁷ Tɔn wɔru guna ya nùn swĩi. Ye sɔɔ, tɔn kurɔbu gaba wǎa be ba sumɔ ba kpasa wɔri mò win sɔ.

²⁸ Yesu u sĩira ben mi gia ma u nɛɛ, Yerusalemun tɔn kurɔbu, i ku swĩ nɛn sɔ, adama i swĩiyɔ bɛɛn sɔ ka bɛɛn bibun sɔ. ²⁹ Domi n wee, sanam sisi ye ba koo nɛɛ, doo nɔɔrugiba wĩrobu ka bèn nukura kun marure, ka bèn bwǎa kun bii bɔm kɛɛre. ³⁰ Saa yera ba koo guunu sɔ bu nɛɛ, i sun sɛsikio, kpa bu gungunu sɔ bu nɛɛ, i sun wukirio. ³¹ Domi bà n yenin bweseru dǎa bekuru kua, amɔna n ko n sǎa dǎa gbeburun mi.

³² Saa ye sɔɔ, ba maa kɔsan kowobu yiru gabu ka da be ba koo go ka Yesu sannu. ³³ Sanam mɛ ba tura yam mi n ka wii koko weenɛ, ba nùn dǎa bunanaru kpape ka kɔsan kowobu yiru ye, turo nɔm geuɔ,

turo nām dware. ³⁴ Yesu u nēē, Baaba a bu suuru kuo domi ba n̄ yē ye ba m̄.

Ba win yānu tete toosi ba bōnu kua. ³⁵ Tōn wōru ga wāa mi, ga n̄n mēera. Ka wirugibō, ba Yesu yaakoru m̄ ba m̄, u gabu faaba kua. U n s̄ān na Kirisi wi Gusunō u gōsa, u maa win tii faaba koowo.

³⁶ Tabu kowobu ba maa susi bu ka n̄n yaakoru ko, kpa bu n̄n tam mōmmōm wē. ³⁷ Ma ba nēē, à n s̄ān na Yuuban sina boko, a tii faaba koowo wunen tii.

³⁸ Dāa tē sōo ba n̄n kpāren wōllo, yora gaa wāa ye ya gerumō winiwa Yuuban sina boko.

³⁹ Kōsan kowo ben turo be ba dāa bunanaru kpāre mi, u Yesu gari kam gerusimō u m̄, n n̄ wunē a s̄ā Kirisi wi? A tii faaba koowo, kpa a maa sun faaba ko.

⁴⁰ Adama win turo u n̄n gerusi u nēē, a n̄ Gusunō nasie? Wunē wi ba taarē wē nge wi? ⁴¹ Besen mi, n ka sun dende domi besen kookoosun areya sa mwaamō, adama sii wini u n̄ gāa kōsunu ganu kue.

⁴² Ma u nēē, Yesu, dōma te a sina wunen bandu sōo, a man yaayo.

⁴³ Yesu u n̄n wisa u nēē, ka geema na nun sōomō, gisō kaa n wāa ka nē gōribun wāa yee geeru sōo.

Yesun gōo

(I maa mēerio Mateu 27:45-56, Maaku 15:33-41, Yohanu 19:28-30)

⁴⁴ Saa ye, sōo wii wōlla, ma yam mu tīra handunia kpuro sōo sere sōo ka yāara. Yen tēebu ka kōba ita nē. ⁴⁵ Sōo yam tīra ma beku kare te ta wāa s̄ā yeru sōo ta gēera ta bōnu kua yiru. ⁴⁶ Yesu u gbāra ka dam u nēē, Baaba, na nun nēn hunde nōmu sōndia.

Ye u gari yi gerua u kpa, ma u sariru kua. ⁴⁷ Ye tabu kowobun tɔnwero u wa ye ya koora, u Gusunɔ siara u nɛɛ, ka geema, durɔ wini geegiiwa.

⁴⁸ Yen biru tɔn wɔru ge ga wɔa mi, ye ga wa ye ya koora, ga gɔsira ka biti baka. ⁴⁹ Be ba Yesu yɛ kpuro ka tɔn kurɔ be ba nɔn swiima Galilen di, ba yɔ n desira ba ka mɛɛra ye n kooramɔ.

Yesun sikubu

(I maa mɛɛrio Mateu 27:57-61, Maaku 15:42-47, Yohanu 19:38-42)

⁵⁰⁻⁵¹ Durɔ goo wɔa wi ba sokumɔ Yosefu. U na saa Yuuban wuu gagan di ge ba mɔ Arimate. U saa geegii ka tɔn geo ma u mara Gusunɔ u na u win bandu swi. U wɔa siri kowobun wuuru sɔɔ, adama u n daa ben gere ka ben kookoosu wure. ⁵² Wiya u da Pilatin mi, u Yesun goru kana. ⁵³ U tu sarasia dɔa bunanarun di ma u ka tu bekuru tɛkua, u tu kpɛ siki kpee wɔrugirɔ, mi ba n goo dokere. ⁵⁴ Tɔɔ te, tɔɔ wɛrarugirun sɔɔrun tɔra, tɛn yokan di tɔɔ wɛrarugira koo tore.

⁵⁵ Kurɔ be ba raa Yesu swiima Galilen di, ba Yosefu yɔsiri ma ba siki te wa, ka nge mɛ ba Yesun goru kpɛisina. ⁵⁶ Ma ba gɔsira ba gum mɛ mu nuburu do ka turaren sɔɔru kobu da.

Tɔɔ wɛrarugiru sɔnu ba wɛra nge mɛ wooda ya gerua.

24

Yesun seebu gɔrin di

(I maa mɛɛrio Mateu 28:1-10 Maaku 16:1-8, Yohanu 20:1-10)

¹ Ye n kua alusuma buun buru buru yellu, kurɔ be, ba da sikiru mi ka gum nuburugim mɛ ba sɔɔru

kua. ² Ba deema kpera bimiare sikirun nɔɔn di. ³ Ba dua adama ba n̄ Yinni Yesun goru deemε. ⁴ Nge mε ba ka yen biti yɔ, n wee tɔmbu yiru gaba bu kurema ba yānu sebua ni nu ballimɔ. ⁵ Kurɔ be, ba nanda ma ba tuka ma durɔ be, ba nεε, mban sɔna i waso kasu gɔribun suunu sɔɔ. ⁶ U n̄ wāa mini, u seewa gɔrin di. I yaayo ye u raa bεε sɔɔwa sanam mε u wāa Galileɔ. ⁷ U nεε, ba n̄ koo ko ba kun Tɔnun Bii tɔn kɔsobu nɔmu sɔndie, kpa bu n̄n dāa bunanaru kpare, kpa u kpaam se sɔɔ itase.

⁸ Ma kurɔ be, ba Yesun gari yi yaaya. ⁹ Ba gɔsira sikiru min di ba da ba ye kpuro bwāabu wɔkura tia ye ka be ba tie kpuro nɔɔsia. ¹⁰ Maari Madalagii ka Yoana ka Maari, Yakɔbun mero ka kurɔbu gabu, beya ba ye gɔro be sɔɔwa. ¹¹ Adama gari yi, yi bu sāare sukuru, ba n̄ kurɔ ben gere naanε kue. [¹² Ma Piεε u seewa u duka da sikiru mi. Ye u yāara, u n̄ gāanu wa ma n kun mɔ beku te ba raa ka goo te tɛkua ta suba temɔ. Ma u gɔsira win yenuɔ ka biti.]

Emayusin daabu

(I maa mεerio Maaku 16:12-13)

¹³ Yera sɔɔ tee te sɔɔ, gɔro ben yiru ya wuu dɔɔ ge ba sokumɔ Emayusi. Ga ka Yerusalemu toma nge kilo wɔkura tian saka. ¹⁴ Ye n koorɔ kpuro, ba yen faagi mɔ. ¹⁵ Sanam mε ba gari yin faagi mɔ ba sikirinεmɔ, Yesu u susi ben bɔkuɔ u swaa mɔ ka be sannu. ¹⁶ Ba n̄n wa adama gāanu yina bu n̄n tubu. ¹⁷ U bu bikia u nεε, gari yirɔ i mɔ mε, i ka s̄imɔ.

Ma ba yɔra ba wuswaa burisine ka nuku sankiranu. ¹⁸ Ben turo, wi ba sokumɔ Keleopa, u nεε, ma n kun wunε turo baasi, wara wāa

Yerusalemuo wi u kun yē ye n koorā sō mē te sō.

¹⁹ Ma u bikia u nē, mban bwesera n kua.

Ba nē, ye ba Yesu Nasaretigii kuan gariya sa mō. Durō wi, u sāa Gusunōn sōmō wi u ra sōm maamaakiginu ko kpa u gari gere ka yiiko Gusunō ka tambu kpuron wuswaa. ²⁰ Bēsen yāku kowo tōnwerobu ka wuun wirugibu ba nūn tambu nōmu sōndia bu ka nūn taare wē bu go ma ba nūn dāa bunanaru kpare. ²¹ Sa raa yīiyō wiya u koo Isireliba yakia, adama yen sō itase wee, ye yeni kpuro ya ka koorā. ²² Yen biruwa kurōbu gabu bēse sōn di ba sun gidi swee. Ba da sikiru mi buru buru yellu, ²³ ba n̄ Yesun goru deeme. Ma ba na ba nē, wōllun gōradoba ba bu kure ma ba bu sōwa u be wasi. ²⁴ Gabu bēsen wuuru sō ba da siki ten mi ma ba baayere deema nge mē kurō be, ba bu sōwa, adama ba n̄ win tii wa.

²⁵ Yera Yesu u bu sōwa u nē, tōn bwisi sari bē, ka be ba ku ra naane doke fuuku ye Gusunōn sōmōbu ba bu sōwa, ²⁶ Kirisi u koo ko u kun nōni sōre u sere du win yiiko sō?

²⁷ Ma u torua Mōwīsin min di ka Gusunōn sōmōbu kpuro, u bu win gari tubusia yi yi wāa Gusunōn gari kpuro sō.

²⁸ Sanam mē ba wuu turuku kua ge ba dō, u kua nge u kī u da wuswaa. ²⁹ Ma ba nūn suuru kana ba nē, u sinō ka be domi yoka kua kō, sō maa kpa. Ma u wura u ka bu sina. ³⁰ Sanam mē u dimō ka be, u pēe sua u ye domaru koosi, ma u ye murura u bu wē. ³¹ Saa yera ben nōni wukiara ba nūn tuba, yande ma ba nūn bia. ³² Ma ba sōnamō ba nē, bēsen gōru ga n̄ ka sun gari kue swaa sō ye u ka sun gari mō ma u sun Gusunōn gari tubusiamō?

³³ Ma ba yande seewa ba gəsira Yerusalemuə. Ba deema wəkura tia ye ka gabu ba mənne. ³⁴ Be ba mənne mi, ba tōnu yiru ye sōwa ba nē, Yinni u seewawa gōrin di ka gem, u tii Simə sōsi.

³⁵ Ma tōnu yiru ye, ya maa gerua ye n bu deema swaa sō ka nge mē ba nūn tuba sanam mē u pē ye murura u bu wē.

Yesu u win bwāabu tii sōsi

(I maa mērio Mateu 28:16-20, Maaku 16:14-18, Yohanu 20:19-23, Gərobun Kookoosu 1:6-8)

³⁶ Sanam mē ba gari yi mə, win tii u kurama ben suunu sō [u nē, Gusunə u bē alafia kē].

³⁷ Ba nanda, berum bu mwa. Ba tamaa siiniwa. ³⁸ Adama u bu sōwa u nē, mban sōna bēen laakari burisira. Mban sōna bwisiku ninin bwesera wāa bēen gōrusə. ³⁹ I nēn noma ka nēn naasu mērio. Nēna. I man babo i wa. Siini ya ku ra n wasi ka kukunu mə, nge mē i wa na mə.

[⁴⁰ Sanam mē u ye gerumə u bu win noma ka win naasu sōsi.] ⁴¹ Ben nuku dobu sō, ba n gina naane doke, ma ba saaron sāa. Yen sōna u bu bikia u nē, i gāanu mə n di?

⁴² Ba nūn swāa kuseru wē te ba sēwa. ⁴³ U tu sua u tema ben wuswaa. ⁴⁴ Ma u bu sōwa u nē, yeya na raa bē sōwa sanam mē na wāa ka bē na nē, kpuro ye ba yorua nēn sō Məwisin woodan tireru sō ka Gusunən sāməbuginu ka yerukobun womusu sō, ya n koo ko ya kun koore.

⁴⁵ Yera u ben bwisi wukia Gusunən gari yi ka bu yeeri. ⁴⁶ Ma u bu sōwa u nē, nge mēya ba yorua, Kirisi u koo nōni swāaru wa, kpa u se gōrin di sō itase. ⁴⁷ Kpa bu tem kpuron tambu sō ka win yīsiru bu nē, bu gōru gəsio bu ka ben toranun suuru wa.

Ba koo torewa Yerusalemun di. ⁴⁸ Bεεya maa yen seeda diobu. ⁴⁹ Wee, kon bεε m̄orisiam̄a yèn n̄o m̄wεεru n̄en Baaba u kua. Adama i n w̄aa wuu ge s̄o sere w̄ollun dam mu ka bεε wukiri.

Yesu u doona w̄ollo
(*I maa m̄εrio Maaku 16:19-20, Ḡarobun Kookoosu 1:9-11*)

⁵⁰ U ka bu da sere Betani gia, ma u win n̄oma sua w̄ollo u bu domaru kua. ⁵¹ Sanam m̄ε u bu doma te kuamm̄ε, u d̄esira ben b̄akun di [ma u suara w̄oll̄o]. ⁵² Ba n̄un s̄awa ma ba ḡosira Yerusalem̄u ka nuku doo bakabu. ⁵³ S̄aa yer̄owa ba ra n w̄aa ba n Gusun̄o siaram̄o.

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

PDF generated using Haiola and XeLaTeX on 11 Nov 2022 from source files
dated 29 Jan 2022
00601790-b883-5da1-83f2-d05a7fa289a8